

舊約聖書

上卷

救主耶穌降世一千九百零二年

舊約聖書

大清光緒二十八年歲次壬寅

聖書公會印發

舊約聖書目錄

創世記	計五十章	傳道之書	計十二章
出埃及記	計四十章	雅歌	計八章
利未記	計二十七章	以賽亞書	計六十六章
民數記畧	計三十六章	耶利米書	計五十二章
申命記	計三十四章	耶利米哀歌	計五章
約書亞記	計二十四章	以西結書	計四十八章
士師記	計二十一章	但以理書	計十二章
路得記	計四章	何西書	計十四章
撒母耳記上	計三十一章	約耳書	計三章
撒母耳記下	計二十四章	亞麼士書	計九章
列王記畧上	計二十二章	阿巴底書	計一章
列王記畧下	計二十五章	約拿書	計四章
歷代志畧上	計二十九章	米迦書	計七章
歷代志畧下	計三十六章	拿翁書	計三章
以士喇紀	計十章	哈巴谷書	計三章

尼希米紀

計十三章

以士帖紀

計十章

約百紀

計四十二章

詩篇

計百五十篇

箴言

計三十一章

列王紀上

計二十二章

列王紀下

計三十五章

歷代志上

計二十六章

歷代志下

計三十四章

撒母耳記上

計三十一章

撒母耳記下

計二十四章

士師記

計二十一章

士師記

計二十二章

士師記

計三十六章

士師記

計二十章

西番雅書 計三章
 哈基書 計二章
 撒加利亞書 計十四章
 馬拉基書 計四章
 約拿單書 計一章
 亞達士書 計三章
 列王紀下 計三十五章
 歷代志下 計三十四章
 撒母耳記下 計二十四章
 士師記 計二十一章
 士師記 計二十二章
 撒母耳記上 計三十一章
 歷代志上 計二十六章
 列王紀上 計二十二章
 約百紀 計四十二章
 以士帖紀 計十章
 尼希米紀 計十三章

計三章
 計二章
 計十四章
 計四章
 計一章
 計三章
 計三十五章
 計三十四章
 計二十四章
 計二十一章
 計二十二章
 計三十一章
 計二十六章
 計二十二章
 計四十二章
 計十章
 計十三章

創世紀

第一章 太初之時，上帝創造天地。地乃虛曠，淵際晦冥。上帝之神，煦育乎水面。上帝曰：宜有光。卽有光。上帝視光爲善，遂判光暗。謂光爲晝，謂暗爲夜。有夕有朝，是乃首日。○上帝曰：宜有穹蒼，使上下之水相隔，遂作穹蒼。而上下之水，截然中斷，有如此也。上帝謂穹蒼爲天，有夕有朝，是乃二日。○上帝曰：天下諸水宜滙一區，使陸地顯露，有如此也。謂陸地爲地，謂水滙爲海。上帝視之爲善。上帝曰：地宜生草，蔬結實，樹生菓，菓懷核。各從其類。上帝視之爲善。有夕有朝，是乃三日。○上帝曰：穹蒼宜輝光，衆著，以分晝夜。以定四時，以記年日。光麗於天，照臨於地，有如此也。上帝造二耿光，大以理晝，小以理夜，亦造星辰，置之穹蒼，照臨於地，以理晝夜，以分明晦。上帝視之爲善。有夕有朝，是乃四日。○上帝曰：水必滋生生物，鱗蟲畢具，鳥飛於地，戾於穹蒼，遂造巨魚，暨水中所滋生之物，鱗蟲畢具，羽族各從其類。上帝視之爲善。視之曰：生育衆多，充切於海，禽鳥繁衍於地。有夕有朝，是乃五日。○上帝曰：地宜生物，六畜，昆蟲，走獸，各從其類，有如此也。遂造獸與畜，及蟲，各從其類，視之爲善。○上帝曰：宜造人，其像象我儕，以治海魚，飛鳥，六畜，昆蟲，亦以治理乎地。遂造人，維肖乎己。象上帝像，造男亦造女。且視之曰：生育衆多，昌熾於地，而治理之，以統轄海魚，飛鳥，及地昆蟲。○上帝曰：子汝所食者，地結實之菜蔬，懷核之樹菓，亦以草萊子走獸，飛鳥，昆蟲，生物食之，有如此也。上帝視所造者盡善，有

夕有朝，是乃六日。○**第二** 天地萬物既成，七日上帝工竣，乃憩息。是日上帝畢其事而安息，故以七日爲聖日，而錫嘏焉。

耶和華上帝既造天地，其畧如左。始造之日，野不生草，不植蔬。耶和華上帝未降霖雨，其時耕作尙無人也。於是霧由地出，以潤土壤。耶和華上帝搏土爲人，噓氣入鼻，而成血氣之人。有囿於埃田東，乃耶和華上帝所樹者，以所造之人置於其間。耶和華上帝使地生木，食可適口，觀可娛目。當囿之中，有生命之樹，亦有別善惡之樹。埃田有河，流入於囿，可資灌溉，中分四支。一曰比遜，潏洄於哈腓拉，其地產金，其金最精，亦產珍珠、碧玉。二曰其訓，環流於古實。三曰希底結，流於亞述東。四曰百辣。耶和華上帝挈其人，置埃田囿，使之栽植，使之防守。命其人曰：囿之菓實，任意可食，惟別善惡之樹，不可食。食之日必死。○耶和華上帝曰：不可使夫人獨處，必造一相助爲理者。耶和華上帝搏土爲走獸，飛鳥，率之至亞當前，視其稱以何名，以亞當所稱之百物，而其名乃定。亞當於六畜、飛鳥、走獸，各命以名。惟亞當無相助爲理者。耶和華上帝乃令亞當酣睡，取其一脇骨，彌縫其肉。以所取之脇骨成女，率至亞當前。亞當曰：是爲我百骸中之一骨，全體中之一肉。彼由男出，必稱爲女。若是人可離父母，膠漆其妻，成爲一體。亞當與妻並裸，亦無愧焉。

第三 耶和華上帝所造生物中，莫狡於蛇。蛇謂婦曰：囿有百樹，上帝豈語汝云：勿食乎？婦曰：囿樹結實，我俱可食，惟囿之中，有一樹焉，上帝命毋食，毋捫，恐陷死亡。蛇曰：汝未必死。上帝知食之日，爾目必明，能辨善惡，彷彿上帝。婦視其樹，食可適口，觀可娛目，能益智慧，使人生慕，故取菓

食之亦以奉夫。夫亦食之。二人目明自知裸體。遂編蕪葉爲裳。日是涼風至。耶和華上帝遨遊於園。亞當與婦聞其聲。匿身樹間以避之。耶和華上帝召亞當云。汝何在。曰。我聞爾聲於園。以我裸故。畏而自匿。曰。孰言爾裸乎。我命爾勿食之樹菓。爾乃食乎。亞當曰。爾以婦賜我。與我爲偶。婦子我菓。而我食之。耶和華上帝謂婦曰。爾何爲。耶婦曰。蛇誘我食之。耶和華上帝謂蛇曰。爾既爲此較之六畜百獸。必更見詛。爾必腹行。畢生食塵。我以生靈之心。置爾與婦之衷。爰及苗裔。彼將傷爾首。爾將傷其踵。謂婦曰。我必使爾懷妊劬勞。產育維艱。爾必繫戀於夫。夫爲爾綱。謂亞當曰。既聽婦言。食我所禁之樹。故土緣爾見詛。爾畢生鬱伊。食其所產。土將叢生荆棘。汝所食者。惟田之蔬。必汗流浹面。庶可餬口。逮歸於所出之土而後已。汝身乃土。死則返其本焉。亞當名婦曰。夏娃。以其爲羣生之母也。耶和華上帝爲亞當及婦。作皮衣衣之。○耶和華上帝曰。人能別善惡。彷彿我儕。恐其舉手。亦折生命樹。食之而永生。故遣其人出埃田園。以栽植所自出之土。遂逐之出。於埃田園東置噶略味。與焰劍。指揮莫定。以防範生命樹之途焉。

第四章 亞當與婦夏娃同室。懷妊生子。該隱該隱譯云。耶和華佑我。我卽得子。復生次子亞伯。亞伯牧羊。該隱耕田。他日該隱攜土所產。以祭耶和華。亞伯奉耶和華以首生之羊與脂膏。耶和華眷顧亞伯。而歆其祭。不顧該隱。不歆其祭。該隱盛怒。變色。耶和華曰。爾怒伊何。變色曷故。苟爾行善。豈不興起乎。苟行不善。孽伏於門。惟彼必繫戀於爾。汝爲之督。嗣後該隱與弟晤談。及至田間。攻而殺之。○耶和華問該隱曰。爾弟何在。曰。不知。我豈防閑弟者乎。曰。爾果何爲。爾弟之血有聲。自

地籲我。汝既殺弟，地口遂張，以受其血。故爾見詛，必離斯土。厥後爾雖耕田，地不效力。爾將流離無定。該隱謂耶和華曰：我罹重刑，實所不堪。爾今逐我，必離斯土。不復覲爾面，流離無定。恐遇我者殺我。耶和華曰：凡殺該隱者，使其七倍受罰。於是耶和華加以印誌，免遇之者擊之。○該隱遂離耶和華，往埃田東，椰得地居焉。該隱與妻同室，懷妊生子，命名以諾。又建城垣，即以子名稱之。以諾生以臘，以臘生米戶雅利，米戶雅利生馬士撒利，馬士撒利生拉麥，拉麥娶妻二，一名亞大，一名洗拉亞。大生雅八，為居幕牧畜者祖。又生猶八，為鼓琴品簫者祖。洗拉生土八，該隱為銅工鐵工之師，生女名拿馬。拉麥謂妻亞大與洗拉曰：拉麥之婦乎，必聞我聲，必聽我言。我殺人而自傷，戮童而自殘。若殺該隱，必七倍受罰，則殺拉麥，其受罰也，非七十有七倍與。○亞當復與妻同室，生子，命名曰設，云昔該隱殺亞伯，今上帝更賜我子，以代之。設亦生子，名以哪士。蓋人於是時始籲耶和華。名云。蓋人二句或曰蓋人至是始稱爲耶和華之民云

亞當之裔，其畧如左。上帝造人，象其像，造男亦造女。當造之日，稱之曰人，而錫蝦焉。○亞當百有三十歲生子，克會乎己，命名曰設。其後歷八百年，猶生子女，享壽九百三十歲而終。設百有五歲，生以哪士。其後歷八百有七年，猶生子女，享壽九百一十二歲而終。以哪士九十歲，生該南。其後歷八百十五年，猶生子女，享壽九百有五歲而終。該南七十歲，生馬勒列。其後歷八百四十年，猶生子女，享壽九百有十歲而終。馬勒列六十五歲，生雅列。其後歷八百三十年，猶生子女，享壽八百九十五歲而終。雅列百六十二歲，生以諾。其後歷八百年，猶生子女，享壽九百六十二

歲而終。以諾六十五歲，生馬士撒拉。其後所行，合乎上帝，歷三百年，猶生子女，享壽三百六十五歲。以諾所行，合乎上帝，上帝接之，不居於世。馬士撒拉一百八十七歲，生拉麥。其後歷七百八十二年，猶生子女，享壽九百六十九歲而終。拉麥一百八十二歲，生子，命名挪亞。曰：耶和華詛土，使我操作，備嘗艱苦，是子必慰藉我。厥後拉麥歷五百九十五年，猶生子女，享壽七百七十七歲而終。挪亞五百歲，生閃、含、雅弗。

人民繁衍於地，所有女子，其容豔麗，上帝之子見之，遂遴選焉。娶以爲室。耶和華曰：人既縱欲，我神必不恒顧其衷，然尙可延其生命。至於一百二十年，當時有偉丈夫在世，緣上帝子與世人女同室，育此英武，亙古以來，聲名夙著。○耶和華鑒觀世人，作惡貫盈，心所圖維，恒懷惡念。於是耶和華既造世人，旋有悔心，愀然憂之。耶和華曰：將以我所造之人，翦滅於地，以及牲畜、昆蟲、飛鳥，然此雖由我作，我則悔焉。惟挪亞於耶和華前，得沾恩寵。○其畧如左：挪亞於當世爲義，德無不備，所行合乎上帝。挪亞生三子：閃、含、雅弗。時人於上帝前，壞其心術，暴虐徧行。上帝乃鑒觀斯世，億兆喪心，行爲邪僻。上帝謂挪亞曰：緣世億兆，暴虐徧行，我必翦滅，使之云亡。○爾可刻木爲方舟，中爲房，以瀝青塗其內外。其式長三十丈，闊五丈，高三丈，舟必作蓋。其上僅徑一尺，古尺布傍置一門，必作三層，分上中下焉。我必令洪水氾濫於地，翦滅億兆，天下凡有血氣者，必淪胥以亡。今與爾約，爾可入舟，若妻、若子、若媳，咸挈以登。將諸生物族類，牝牡各一，挈之登舟，以延其命。禽鳥、六畜、昆蟲，皆依其類，每族各以偶至，以延其命。爾必爲己及物，蓄諸食品，以供所需。

挪亞遵上帝命而行。

第七章 耶和華謂挪亞曰。我鑒觀斯世。惟汝爲義。爾率眷屬。以登方舟。畜中潔者。取牝牡七。不潔者。取牝牡二。飛鳥亦取雌雄七。以存其種於世。越七日。吾降霖雨。必浹四旬。晝夜不絕。凡所造之生物。盡滅於地。挪亞悉循耶和華命。當洪水淹地時。挪亞適六百歲。卽與妻子及媳。俱登方舟。以避洪水。潔畜與不潔畜。禽鳥以及昆蟲。悉以類至。牝牡各一。隨挪亞而登舟。以遵上帝命。七日後。洪水氾濫於天下。適挪亞六百歲。二月十七日。巨淵出其泉。穹蒼破其隙。霖雨四旬。晝夜不息。當是日。挪亞率妻及子。閃含雅弗與三媳。皆登方舟。百獸。六畜。昆蟲。飛鳥。諸族。凡有血氣者。牝牡各一。遵上帝命。就挪亞登方舟。耶和華遂閉其門。○洪水氾濫及至四旬。水勢洶湧。舟浮於地。水愈橫溢。舟溯洄於水面。橫流益甚。天下高山。爲之湮沒。其勢洋溢。高於諸山。一丈有五。○昆蟲禽獸。六畜。與人。以及生物。動於地者。俱已沉沒。凡在陸地。有鼻可通呼吸者。咸就死亡。在地民族。及各生物。昆蟲。六畜。飛鳥。一切翦滅。獨挪亞與在舟者得存。水溢於地。歷一百五十日。

第八章 上帝眷念挪亞。以及在舟之百獸。六畜。命風吹地。水勢漸平。淵塞其泉。天彌其隙。霖雨以止。時水漸退。漸殺。歷百有五十日而始消。七月十七日。舟止於亞喇臘山。水復漸退。逮十月朔。山巔始見。○越至四旬。挪亞啟舟之牖。以放鴉出。鴉翱翔往來。待水涸焉。又放鴿出。欲試其水退與否。地尚有餘水。鴿無能駐足。仍返其舟。挪亞遂接之。使入。待至七日。復放鴿出。其鴿暮歸。口啣橄欖新葉。由是挪亞知水退矣。更待七日。放鴿。鴿不復返。○適挪亞六百有一歲。正月朔。地水盡涸。

挪亞遂撤舟蓋見土壤已燥二月二十七日地已燥○上帝命挪亞曰爾與若妻若子若媳宜出方舟禽鳥六畜昆蟲生物皆可挈之以出使孳生產育繁衍於地挪亞乃與妻子暨媳俱出禽獸昆蟲各隨其類咸出方舟○挪亞爲耶和華築壇取禽畜之潔者燔而祭於壇馨聞於上耶和華意謂人雖自孩提其心常懷惡念嗣後我必不緣之詛地復滅生物地存之時稼穡寒暑冬夏晝夜必不間絕

爾我昔以菜蔬飼爾今以生物賜爾皆可爲食肉尙有血卽其生命毋食或獸傷人或人相殺凡流血殞命殘害兄弟者我必伸其冤余造世人與我維肖故流人血者人必流其血爾將生育衆多昌熾於地○上帝謂挪亞與其子曰我與爾及爾後裔約亦與白獸六畜禽鳥生物出自方舟生於陸地者約自今以後不復令洪水滅生物而湮地上帝曰我與爾衆及諸生物永立其約必有兆焉置虹雲中爲我與億兆立約之徵厥後我使雲覆地雪中虹現於時我必念我與爾衆及諸生物所立之約嗣後必無洪水剪滅衆生虹顯雲中我觀之則念我與衆生百族所立之永約上帝謂挪亞曰我與衆生百族約以此爲徵

挪亞三子閃含雅弗出於方舟含生迦南挪亞三子之裔蔓延遍地挪亞爲農植葡萄園飲酒既醉於幕中衣服盡解迦南父含窺父裸體出告昆弟閃與雅弗取衣負肩却行以前蓋父之體首不回顧弗見其裸挪亞醉醒方知仲子所爲曰迦南可詛必爲僕役以事兄弟又云可頌美乎耶

和華閃之上帝。惟迦南必為僕，服役於閃。上帝使雅弗處閃幕，恢廓其居。迦南執其役。○洪水後，挪亞尚歷三百五十年，享壽九百五十歲而終。○**挪亞三子**，閃、含、雅弗。洪水後生子，其裔如左。雅弗之子，**柯滅馬略**、**馬太雅番**。土八米設提臘，柯滅之子。亞實基拿，哩法陀伽馬。雅番生以利沙，大失亦為基底多單二族之祖。此數人散處洲島，以其邦國民族方言為區別。○含生古實弗、迦南，亦為麥西一族之祖。古實之子西巴、哈腓拉、**大喇馬**、**提迦喇馬**之子。示巴底但、古實生寧綠、英武蓋世，在耶和華前為獵夫之雄，故稱獵夫之雄者，曰猶寧綠。在耶和華前，肇基於巴別，以力亞甲及示拿地之甲尼由示拿亞述出，建尼尼微。哩河伯邑與加拉又尼尼微、迦拉間之大邑，名哩鮮麥西一族生路丁安、男利哈納、土八魯甲路、**鴿托**諸族。甲路生非利士一族。○迦南生豕子西頓，亦為赫耶布士亞摩哩、革迦撒、希未亞基西尼亞、瓦底洗馬哩、哈抹諸族之祖。由此迦南族姓蔓延。迦南之境，從西頓近其臘，至迦薩沿及所多馬、蛾摩拉、押馬西、編拉沙。此舍之子孫各隨其邦國民族方言，以為區別。○雅弗兄閃亦生子，為希百全族之祖。閃生以攔、亞述、亞法撒、路得、亞蘭。亞蘭之子烏士、戶勒其帖、馬實亞。法撒生撒拉、撒拉生希百。希百生二子，一名法勒，即分列因當時邦國分裂，一名約單。約單生亞摩撻、沙粒、哈薩馬、非耶喇、哈多蘭、烏薩、特拉、阿八亞。庇馬利、示巴、阿如、哈腓拉、約八皆約單之子。其所居處自米沙至東山名洗法，是閃之裔，各隨其邦國民族方言。上所載皆挪亞子孫之支派，各隨其世系邦國，以為區別。洪水後蔓延於地。

昔天下億兆，言語皆同，自東以徙，至於示拿。見有平原居焉，彼此互論曰：共相陶瓦，

之以火。於是有瓦以代石，更有石油以代泥沙。又曰：共相建邑，經營層臺高及霄漢，名藉以揚庶免四方散處。耶和華臨格，觀衆所築之邑臺，曰：民弗異族，言弗殊音。今已有此作爲，其後烏能底止。我儕臨格，消其言語，使彼此不通，遂散之四方。於是罷築城之役，緣耶和華消億兆之言語，散之四方。故名其邑曰巴別。巴別，即巴比倫，消亂之義。

閃之裔如左：洪水後二年，閃方百歲，生亞法撒。其後歷五百年，復生子女。亞法撒三十五歲，生撒拉。其後歷四百有三年，復生子女。撒拉三十歲，生希百。其後歷四百有三年，復生子女。希百三十四歲，生法勒。其後歷四百三十年，復生子女。法勒三十歲，生拉苟。其後歷二百有九年，復生子女。拉苟三十二歲，生撒鹿。其後歷二百有七年，復生子女。撒鹿三十歲，生拿鶴。其後歷二百年，復生子女。拿鶴二十九歲，生他拉。其後歷一百一十九年，復生子女。他拉七十歲，生亞伯蘭。拿鶴哈蘭。○他拉之裔如左：他拉生亞伯蘭。拿鶴哈蘭。哈蘭生羅得，死於故土，卽迦勒底之耳邑。其時父他拉尚在。亞伯蘭拿鶴咸娶室。亞伯蘭妻撒勒拿鶴妻密迦。密迦暨以士迦，俱哈蘭之女。撒勒不在，故無出。他拉挈其子亞伯蘭及孫羅得，卽哈蘭子，並其媳，卽亞伯蘭妻撒勒，咸出迦勒底之耳邑，欲往迦南。至於哈蘭居焉。他拉享壽二百有五歲，終於哈蘭。

第十二章 耶和華諭亞伯蘭云：爾可出故土，離戚族，遠父家，往我所示之地。我將使爾後成爲大邦。錫嘏於爾，畀爾顯名，必蒙綏祉。祝爾者吾亦祝之，詛爾者吾亦詛之。天下兆民，將藉爾受福焉。亞伯蘭循耶和華命而往，羅得偕行。其離哈蘭也，年七十有五。挈妻撒勒，與姪羅得暨在哈蘭所

積之貨財，所得之婢僕，咸向迦南而遣。既至迦南，○路由叙劍，至摩哩之橡樹，當時迦南族處其地。耶和華顯現與亞伯蘭曰：我將以斯土賜爾苗裔。亞伯蘭乃於顯現之處築壇以祭。後遷伯特利東山，以張其幕。西有伯特利，東有孩在彼築壇，奉事耶和華，而籲其名。後漸南徙。○適歲大饑，故亞伯蘭往，旅於埃及。近埃及時，語妻撒勒曰：爾有殊色，埃及人見爾必云：此其妻也。必將殺我而存爾。爾可稱爲我妹，俾我獲安，我命緣爾得保。○亞伯蘭至埃及，埃及人見其婦有殊色，法老法老埃及及之臣觀之，譽於法老前，遂召之入宮。亞伯蘭爲法老厚待，遂有牛羊駱駝牝牡之驢，以及婢僕。然耶和華降厲災以譴法老及其家室，緣納亞伯蘭妻撒勒。故法老召亞伯蘭曰：曷待我如是？彼乃爾妻，曷不實告，何以妹相稱？幾使我妻之，今可挈之偕行。遂命送亞伯蘭與妻，及凡所有而去。○亞伯蘭與妻並羅得，及凡所有者，出埃及，往詣南方，其蓄積富厚，有金銀牲畜，自南以行，歷程至伯特利。昔在伯特利孩之間，張幕築壇，所遂於彼籲耶和華名。羅得偕行，亦有牛羊帷幕。二人之業浩繁，壤地褊小，弗得同居。時迦南與比哩洗人雜處於此。亞伯蘭之牧者與羅得之牧者相爭。亞伯蘭謂羅得曰：爾我乃骨肉之親，不可相爭。爾牧我牧，何競之有？地具在爾前，爾我可相區別。爾左我右，可也。爾右我左，亦可也。其時所多馬蛾摩拉未爲耶和華所滅，自約但平原至於瑣耳土，皆潤澤，猶耶和華園，可與埃及相頡頏。羅得瞻望及之，故擇約但平原而東徙。於是二人相別。亞伯蘭居迦南地，羅得寓平原之邑。張幕於所多馬，所多馬人作惡，重獲罪於耶和華。羅得別後，耶和華謂亞伯蘭曰：爾且舉目遙瞻，由此以及四方，所見之地，我必賜爾，爰

及苗裔永世勿替。我必使爾苗裔如塵沙然。若有能核塵沙之數者，則爾苗裔亦可計矣。爾起偏行其地，我必賜爾。亞伯蘭遂遷幕至希伯崙，近慢哩之椽而居，築壇祭耶和華。

第十四章 示拿王暗喇非以拉撒王亞畧以攔王基大老馬列邦王提達與所多馬王庇喇蛾摩

拉王庇沙押馬王示納西編王示米別及庇拉即瑣耳王戰所多馬五王咸會於西亭谷。後之鹽海即其地也。蓋此五王事基大老馬。歷十有二年，至十三年叛。十四年基大老馬與同盟諸王來擊亞提律加寧之哩之音人哈麥之蘇西人沙微基烈亭之以米人西耳山之何哩人。至鄰於曠野之耳巴蘭同盟列王歸至安密八即迦鐵擊亞馬勒地及哈洗遜大馬之亞摩哩人。時所多馬王蛾摩拉王押馬王西編王庇拉即瑣耳王皆出陳於西亭谷戰以攔王基大老馬列邦王提達示拿王暗喇非以拉撒王亞畧四王敵五王。西亭谷多石油坑所多馬王蛾摩拉王奔而陷坑。其餘遁於山敵奪所多馬蛾摩拉人輜重糗糧而去。亞伯蘭姪羅得居所多馬故人與物皆被虜。有遁逃者報希百來人亞伯蘭亞伯蘭處近亞摩哩人慢哩之椽慢哩與兄弟以實各亞乃俱與亞伯蘭盟約。亞伯蘭聞姪被虜遂率習練之僕隸素育於家者三百一十八人追敵至但分其隊伍乘夜攻擊。又追至大馬色北之何巴奪回所虜之輜重以及人民婦女與姪羅得暨凡所有。○亞伯蘭破基大老馬及同盟諸王歸時所多馬王出至沙微谷即王谷而接之。撒冷王麥基洗德爲至高上帝之祭司挈餅與酒而出祝之曰願天地之主至高上帝錫嘏於亞伯蘭至高上帝使爾制敵富頌美之。亞伯蘭以所獲者什一奉麥基洗德。所多馬王謂亞伯蘭曰以人歸我物任爾取。

亞伯蘭曰：吾指至高之上帝，天地之主，耶和華而誓，不取爾一絲縷，一履帶，恐爾謂以富加諸我。惟少者所食，及同行之亞乃，以實各慢哩，所應得者，可任意以取。

爾後耶和華異象中，諭亞伯蘭曰：毋懼，我範衛爾。大賚爾。亞伯蘭曰：吾主耶和華將何

以賜我，蓋我無子，惟大馬色人以利亞薩為我家宰。為我家宰或曰將為我嗣又曰：爾未賜我子，則素育於我家者，

將為我嗣。耶和華諭之曰：此非爾嗣，必自爾出者，乃為爾嗣。遂攜之門外曰：仰觀乎天，眾星可悉

數與。又曰：汝苗裔必如是。亞伯蘭信耶和華，耶和華遂稱之為義。耶和華曰：我乃耶和華，昔攜爾

出迦勒底之耳者，蓋欲以此地賜爾得之。曰：吾主耶和華，我得此地，何以知之。曰：可取犢及牝山

羊，牡綿羊，生已三年者，暨鴈鳩鷓鴣，以奉於我。亞伯蘭取而中剖之，置之兩旁，使各相對，惟鳥不

剖。鷓鴣下集，啄其性牲。亞伯蘭驅之日，將入亞伯蘭酣睡，心覺幽暗，則醒。耶和華曰：爾當知爾苗

裔必旅於異邦，服役良苦，歷四百年。越至於後，役爾裔之異邦人，我必贖之。拯爾苗裔，大獲所有

以出。爾必享遐齡，安然返本，而葬焉。越至四世，爾之苗裔將歸斯土，蓋亞摩哩人罪未貫盈，日入

幽暗，時有烟燄之洪爐，已燃之明燈，由牲牲中而過。當日耶和華與亞伯蘭約曰：我以斯土賜爾

苗裔，自埃及河至百辣，大河，即基尼，基尼洗，甲摩尼，赫比哩，洗哩，之音。亞摩哩，迦南，革迦撒，耶布

西諸族之地。○亞伯蘭妻撒勒不有，有埃及婢名夏甲，撒勒謂亞伯蘭曰：耶和華不賜

我生育，爾且與婢同房，或可因之以得子。亞伯蘭從其言，其居迦南已歷十載，妻撒勒令納埃及

婢夏甲，遂與之同房。夏甲自覺有妊，藐視主母撒勒，謂亞伯蘭曰：我之受辱，職爾之故，我昔以婢

置於爾懷，既懷姙矣，乃藐視我。爾我問，願耶和華折中，其是非。亞伯蘭曰：婢為爾所治，可任意以待。於是撒拉以困苦相加，婢乃遁逃。耶和華之使者，遇之於野，其地近泉，去書耳之路無幾。曰：撒拉，婢夏甲，迺從何來？茲欲何去？曰：避主母撒拉。曰：可歸主母，仍服其下。又曰：我將增爾苗裔，生齒繁衍，不可勝數。又曰：爾今懷妊，必生男子。因耶和華俯念爾苦，可命名以實馬利。以實馬利，即上帝眷顧之意。彼將為野人，攻衆而衆亦攻彼，其所居地，在同儕之東。夏甲既蒙耶和華所諭，則稱其名曰：爾乃監我之上帝。蓋曰：我非於此，以景仰夫監我者乎？爾乃監我，即上帝與我親而我尚存乎。緣此，其泉名曰：別拉海萊。別拉海萊，即我親而我尚存之泉。今在迦，我此列間有之。○夏甲生子，亞伯蘭命名曰：以實馬利。時亞伯蘭年已

八十有六。○第七章 亞伯蘭九十有九歲時，耶和華顯現曰：全能之上帝，我也。爾之所行，當合

乎我，務無失德。我與爾約，賜爾子孫衆多，寔昌寔熾。亞伯蘭遂俯伏焉。上帝又曰：我與爾約，命爾

為萬民父。今而後，不復名爾為亞伯蘭，乃以亞伯拉罕。亞伯拉罕，即萬民之父。稱爾。因我命爾為萬民父焉，我將

繁衍爾子孫，使爾為羣民之祖。列王由爾而出，我將與爾，及爾歷代苗裔，立我永約。為爾及爾裔

之上帝。爾所旅者，即迦南一境，我將以之錫爾及爾苗裔，永為恒產。我亦為其上帝。○又曰：爾及

後裔，必守我約。歷代勿替。爾中男子，咸宜受割禮。即我賜爾及爾後裔所必守之約。故爾陽之皮

必受割，以徵我賜爾之約。爾歷代男子，或生於爾家，或娶自異邦，非爾苗裔，既生八日，皆必受割。

家所生者，金所繫者，俱必受割。如是我約必加於爾身，以為永約。但不受割者，則背我約，必絕之

於民中。○上帝又謂亞伯拉罕曰：厥後爾妻不稱撒拉，乃以撒拉稱之。我將錫爾賜之生子，為羣

民母列王由之出。亞伯拉罕俯伏竊哂，私自思維，謂我已期頤，撒拉年亦九十，烏能生育。亞伯拉罕求上帝曰：願以實馬利於爾前，得保其生幸矣。上帝曰：爾妻撒拉果必生子，命名以撒。我將與以撒及其後裔立永約，至以實馬利。我應爾求，我將錫嘏其裔，繁衍不可勝數，必出十二牧伯，昌大其國。明年屆此期，撒拉必生子以撒。我將與之立約，言竟上昇。是日亞伯拉罕遵上帝命，將子以實馬利以及家所生金所鬻之男子，咸行割禮。亞伯拉罕時年九十九，而受割禮。其子以實馬利十有三歲，亦受割禮。父子二人同日受割禮。凡其家人，或生於家，或鬻自異邦者，均受割禮。○

第十八章 一日時已亭午，亞伯拉罕坐於幕門，其幕在幔哩橡下。耶和華顯現，亞伯拉罕仰見三人遙立，乃自幕門趨迎俯伏曰：若蒙恩於長者前，願勿遽行，憩息樹下，容我取勺水，以濯爾足，取餅少許，補爾心力，而後過征，可也。蓋爾既過我，當待爾如是。曰：可。亞伯拉罕亟進幕中，語撒拉曰：速備細麵三斗，搗之作餅，又趨至羣畜所，擇犢之肥美者，付僕急烹，遂將酥與乳及所烹犢臠陳於前，自侍樹下，以待其食。三人曰：爾妻撒拉何在。曰：在幕。其中一人曰：明年屆期，我必復至，爾妻撒拉將生子。撒拉在後，於幕門聞此。亞伯拉罕與撒拉俱年邁，撒拉癸水已絕，故竊哂曰：我老矣，我主亦然，豈復有生子之樂乎。耶和華謂亞伯拉罕曰：撒拉曷竊哂歟，何疑年老不生育乎。豈耶和華而有難行之事哉。明年屆期，我必復至，撒拉必生子。撒拉懼而不承，曰：我未嘗哂也。曰：爾實哂。○三人乃起，望所多馬以行。亞伯拉罕送之，耶和華曰：今我所爲，豈於亞伯拉罕有所隱乎。彼必昌大其國，天下兆民藉之受福。我知彼必囑其子及眷屬，令守我道，秉公行義，如是則我所許

者，可踐其言。耶和華曰：所多馬蛾摩拉罪惡貫盈，聲聞於上。今我臨格，監其動作，實如所聞。設有不若是者，我亦能知。○二人往所多馬亞伯拉罕，尙立於耶和華前。卽之曰：爲善爲惡者，豈可槩滅之乎？邑中或有五十義人，則邑之人，豈可盡滅，何不緣義人而赦其罪乎？並誅善惡不可，待善惡相等亦不可。鞫天下者，豈不行義乎？耶和華曰：所多馬邑如有五十義人，我必緣此赦其一方。亞伯拉罕曰：吾雖若纖塵，而敢上告，浸假而五十義者，缺其五，豈因是滅此一邑乎？曰：如有四十五人，則亦弗滅。曰：四十人則何如？曰：四十人，吾亦弗行是。曰：主毋怒，我有一言，若三十人則何如？曰：三十人，亦弗行是。曰：我敢上告，浸假二十人，則何如？曰：二十人，我亦不滅。曰：主毋怒，敢復進一辭而後已，或止十人，則何如？曰：十人，吾亦弗滅。耶和華言竟而往。亞伯拉罕乃歸。

第十九章 日暮，二天使至所多馬，時羅得坐於邑門，見之，遂起晉接，俯伏曰：長者歟，請回步履，以臨僕舍，濯足而宿，夙興遣征，可也。曰：否，我將宿於衢。羅得促之，使者旋踵，以入其室，乃炊無酵餅，肆筵使食。○未及寢，所多馬人咸集，自老迄幼，環其屋，呼羅得曰：暮就汝之人何在，可出之，以遂我所欲。羅得出，卽閉其門，曰：兄弟，毋作斯惡，我有二女，尙未適人，容我出之，任爾所爲，特此人既遣我舍，請毋擾。曰：爾速退，爾旅於此，乃欲爲士師乎？今將害爾，較彼尤甚，且促羅得勢甚迫切，徑前欲破其門。天使手援羅得，入門卽閉，使衆於門外，自老迄幼，目昧不明，索門不得。○天使謂羅得曰：於此爾尙有戚族乎，或子，或女，或婿，及邑中所有者，俱攜之出，吾儕將滅是邦，其罪之大，聲聞於耶和華，故遣我滅之。羅得出，告聘二女之婿，曰：耶和華將滅是邑，爾且出此，其婿聞之，以爲

戲言。○及旦，天使促羅得曰：起，攜若妻，及在此二女，恐與邑共罹災害。耶和華矜恤羅得，羅得尙遲延，天使執其手，與妻及女，咸引之出，置於邑外，曰：爾必遁逃，以全生命，毋回顧，毋止於平原，當避於山，否則必亡。羅得曰：主不可僕，蒙爾恩，施我以莫大之仁慈，全我生命，茲若避於山，恐遭災害，亦終必亡。附近有小邑，易以逃匿，是小邑容我逃匿，以全我命。曰：許汝所求，爾所言之邑，我不翦滅，爾其速匿於彼，爾尙未至，吾不能有所作爲，因邑甚小，故名瑣耳。○日出時，羅得入瑣耳。耶和華自天雨火，硫於所多馬蛾摩拉，由是邑垣平壤，民生植物，無不盡滅。羅得妻回顧，變爲鹽柱。亞伯拉罕夙興，至昔觀耶和華之處，望所多馬蛾摩拉，與平原一境，則見烟焰騰上，如出洪爐。當上帝翦滅平原，傾覆羅得所居之邑時，眷念亞伯拉罕，拯羅得出於災，羅得懼居瑣耳，故偕二女離其邑，處於山，同居巖穴。長女謂季女曰：吾父已老，斯土又無人，與我爲偶，以循人道，莫若使父飲酒而與偕寢，以存其後。是夜使父飲酒，長女與之寢，女之臥起，父不及知。翌日，長女謂季女曰：我昨與父偕寢，今夕仍飲以酒，爾可偕寢，以存其後。是夜亦使父飲酒，季女偕寢，女之臥起，父亦不知。羅得二女，由此懷妊，長女生子，命名摩押，爲摩押族之祖。季女亦生子，命名便亞米，爲亞捫族之祖。

第廿一章 亞伯拉罕徙於南方，旅於其臘，其地在迦鐵書耳間。亞伯拉罕稱其妻撒拉爲妹，故其臘王亞庇米力召之入宮。一夕，上帝見夢，諭亞庇米力曰：爾取此婦，當死，蓋人之妻也。亞庇米力未玷婦身，故曰：爲義之民，主豈滅之乎？彼非稱婦爲妹，婦稱夫爲兄乎？我之爲此，心本純良，手無

污穢。上帝曰：我知爾爲此，心本純良，故我阻爾，使爾不玷婦身，以干罪戾。今以婦歸其夫，彼乃先知，可代爾祈，全爾生命。不然，爾與眷聚必死。亞庇米力夙興，召僕衆，告以斯事，僕衆聞之，懼甚。亞庇米力呼亞伯拉罕曰：爾果何爲？我曷嘗獲罪爾？爾乃陷我於重罪，爰及人民，爾之相待，甚非所宜。又曰：爾至此何所見而行？亞伯拉罕曰：我意此邦不畏上帝，恐爲我妻而殺我，彼誠我妹，同父異母，我娶爲室。昔上帝命我離父家，遨遊於外，我囑婦曰：後所適之邦，必稱我爲兄，是則待我以恩。亞庇米力遂將牛羊僕婢賜之，并歸其妻亞庇米力曰：吾之土地，具在爾前，任意居之。謂撒拉曰：我以千金賜爾兄，可蔽爾容，勿令衆見，言此蓋以責之。○亞伯拉罕祈上帝，遂醫亞庇米力，與妻及婢，使之生育。蓋耶和華因撒拉故，曾使亞庇米力之眷聚不能生育。

耶和華眷顧撒拉，踐其前言，應其所許。故亞伯拉罕年雖耄耄，而撒拉懷妊，屆上帝所言之期，誕生男子。亞伯拉罕以撒拉所生子，命名以撒。越八日，遵上帝命，行割禮。當以撒生時，亞伯拉罕適百歲。○撒拉曰：上帝使我粲然而笑，聞者將與我粲然而笑。又曰：夫年邁矣，而我從之以誕育。越在疇昔，孰能預告亞伯拉罕曰：撒拉將哺子乎？子長而斷乳，斷乳之日，亞伯拉罕設盛饌。○埃及婦夏甲從亞伯拉罕所生之子，頗與譏刺。撒拉見之，語亞伯拉罕曰：出婢及婢之子，婢之子不得與我子以撒嗣業。亞伯拉罕爲子故，深以爲憂。○上帝曰：勿爲婢及婢之子而憂，可聽撒拉所言，蓋出自以撒者，得爲爾裔。然婢之子，亦屬爾出，我必使其後成爲大國。亞伯拉罕夙興，以革囊盛水，與夏甲負之，更與之餅，使攜子去，婢至別是巴野，遂迷其途。囊水既罄，乃置子於

樹蔭相去一矢。曰：我不忍見子之亡。坐而相對，大聲號泣。上帝聞子聲，其使者自天呼夏甲曰：夏甲何故爾勿懼。爾子在彼。上帝已聞其聲。爾起扶持之，輔翼之。我將使其後成爲大國。上帝明其目，卽見水泉，遂往以水充革囊，飲其子。上帝佑其子，長而居野，長於弧矢。族巴蘭野，母選埃及女，與之爲室。○亞庇米力與厥軍長，非各謂亞伯拉罕曰：汝凡所爲，上帝佑之。今當指上帝以誓，毋欺我及我子孫，以我所厚待爾者。爾亦如是待我，以及爾所旅斯土之民。亞伯拉罕曰：我誓之。有井泉爲亞庇米力僕所據。亞伯拉罕諫亞庇米力曰：亞庇米力曰：是誰所作與。吾未嘗知也。爾弗告我。迨於今日，我亦罔聞。亞伯拉罕以牛羊饋亞庇米力，而相結約。更以牝羔七置於一處。亞庇米力曰：爾置七牝羔一處，曷故。曰：我鑿此井，以七羔饋爾爲憑。以二人相誓於彼，故名其地爲別是巴。別是巴卽卽巴約之泉。既誓於別是巴，亞庇米力與厥軍長非各啟行，歸非利士地。○亞伯拉罕植林木於別是巴，禱告耶和華永生之上帝，蓋其旅於非利士地也。非一日云。

厥後上帝試亞伯拉罕，呼之曰：亞伯拉罕曰：子在此。曰：爾嫡所出，惟一以撒。爾所鍾愛者，可攜之往摩哩地。在我所示之山，燔之以獻。○亞伯拉罕夙興，備驢攜二僕，及子以撒，劈柴爲燔，將詣上帝所示之處。越三日，舉目遙瞻其處。亞伯拉罕謂僕曰：爾與驢姑待於此，我與子往彼崇拜卽反。遂使子負柴，已則持火與刀，與子偕行。以撒謂父曰：吾父與曰：吾子，吾在此。曰：火與柴，則有之矣。而所燔之羔何在。曰：吾子，上帝將備羔以爲燔祭。於是偕行，至上帝所示之處。亞伯拉罕築壇，臚列其柴，縛子以撒置於壇之柴上，舉手執刀，將宰其子。耶和華使者自天呼曰：亞伯

拉罕乎。亞伯拉罕乎。曰：我在此。曰：爾子莫擊莫傷，我知爾畏我，蓋爾嫡子，惟此一人，猶且不惜，以獻於我。亞伯拉罕舉目回顧，見有牡綿羊，角繫林叢，遂往執羊，燔而獻之，以代其子。稱其地曰：耶和華必預備。越至於今，人常云：在耶和華山，必預備也。○耶和華之使者自天復呼亞伯拉罕曰：耶和華指己而誓，曰：因爾行是，不惜嫡子一人，我必大賚爾福祉。昌熾爾子孫，如天星之衆多，如海沙之無量。爾子孫將勝諸敵，因爾遵我命，天下兆民將藉爾裔而受福祉。亞伯拉罕遂返至僕所，與之偕行，至別是巴而居焉。

厥後人告亞伯拉罕云：密迦從爾兄拿鶴生子，伯曰戶斯，仲曰布斯，季曰基母利，基母利生亞蘭。

密迦又生基泄，哈鎖必達，益臘，彼士利。此八人者，皆密迦從亞伯拉罕兄拿鶴所出。彼士利生女

利百加，拿鶴妾名流馬生子，提八，迦舍，大轄，馬迦。○**第二十三章** 撒拉享壽一百二十有七歲，卒

於迦南之基列亞巴，卽希伯崙。亞伯拉罕爲撒拉哀哭。○後起離尸，謂赫人曰：我於爾中爲賓旅，

請以塚地與我，使死者得葬。○赫人曰：吾主請聽，爾在我中，爲有能之牧伯，在我塚地間，擇其佳

者，以葬其尸。我中必無人禁爾。亞伯拉罕鞠躬，言於赫邑之居民曰：若爾許我得葬死者，則請代

我求鎖轄之子以弗崙，在其田之一隅，名麥比拉，有穴焉，請足其金數售之，爲我塚地。以弗崙赫

人也，於邑民及入是邑者前，對亞伯拉罕曰：主與，尙其垂聽，我以田及田內之穴錫爾，汝可葬其

死者，邑衆爲證。亞伯拉罕鞠躬於民前，謂以弗崙曰：請聽吾言，我將以金購田，爾可受之，使死者

得葬。民皆聞之。○以弗崙曰：主歟，尙其俯聽，價約二百金，爾與我豈有所較，請葬乎死者。亞伯拉

罕從其言，以商買素用之金二百，如數以與赫人爲證。○如是以弗崙田在麥比拉與慢哩相對，田之穴暨田中四圍羣樹，俱定與亞伯拉罕爲業。邑中人與凡入邑者爲證。厥後亞伯拉罕葬其妻撒拉在迦南地，慢哩相對麥比拉田之穴，慢哩卽希百崙也。田及田穴，赫人定之，與亞伯拉罕爲塚地。

第十四章 亞伯拉罕壽高年邁，耶和華於凡事皆錫嘏焉。亞伯拉罕謂治理全業之老僕曰：爾當置手於我髀下，指天地之上帝耶和華而誓。我居迦南，斯土之女，勿妻我子，必返故土，擇戚族中爲我子以撒娶焉。僕曰：浸假其女不欲來斯，則我以爾子仍歸故土，可乎？亞伯拉罕曰：慎勿使我子返於故鄉。天上上帝耶和華，昔導我遠父家，離故土，其時已有成言，誓以斯土錫我苗裔，必遺厥使爲爾先導，使爾爲我子娶於故土。設女不欲來斯，則我使爾誓與爾無與，惟不可歸我子於故土。僕遂置手於主亞伯拉罕髀下，依所言而誓。○主之全業統轄於此僕，故於主所有之駝中取十而往，至米所波大米拿鶴所居之邑。日暮，衆女羣來汲水，僕使駝跪伏於邑外井旁，曰：求吾主亞伯拉罕之上帝耶和華施恩於我主亞伯拉罕，使我今日適逢其會。我立井旁，邑民之女出以汲水，倘其中有一女，我告之，授汲器以飲我，彼云：請飲，亦飲爾駝，則其女爲爾所定，與爾僕以撒爲室。由此可知爾施恩於我主。言未竟，利百加負汲器出，彼乃亞伯拉罕兄拿鶴與妻密迦之子，彼土利所生，其容甚麗，尙爲處女，未曾適人，卽臨井汲水，盈其器而上。僕趨迎之，曰：請以器中之水飲我一勺。曰：吾主請飲，乃急授器飲之。飲畢，女曰：我更汲水，飲爾駝，使足其量。遂傾汲器

於槽急臨井汲水，以飲羣駝。僕奇之，默然弗語，疑耶和華果賜我坦途與。俟駝飲竟，遂取金鼻環重二錢有半，金劍二，重五兩，贈之，曰：汝誰氏女，請告我。汝父之家，可有隙地，以旅我乎？曰：吾乃拿鶴與密迦之孫，彼士利之女。又曰：我家芻蕘具足，亦有隙地，可以容宿。僕遂稽首，崇拜耶和華。曰：頌美吾主亞伯拉罕之上帝耶和華，不遺我主，施其仁慈，真實无妄。我於途中，耶和華導我，至吾主戚屬之家。女趨歸告其家人，利百加有兄名拉班，見鼻環與手劍，聞妹利百加述僕所言，則趨外。牙僕時，僕尙立井旁，駝亦在側，語之，曰：爾蒙耶和華錫嘏，奚矜於外，請入。我已備室與爾，備廐與駝。○遂引僕入室，釋駝之負，給以芻蕘，將水濯僕，及從者足，肆筵令食。僕曰：我事尙未相告，不敢先食。曰：願聞其詳。○曰：我乃亞伯拉罕僕，耶和華錫純緞於吾主，使之昌大，金銀僕婢，牛羊駝驢，錫子不置。主母撒拉，年老生子，主以凡所有者，悉付畀之。主令我誓云：我居迦南，其地之女，勿妻吾子，必詣父家戚族中，爲之娶室。我謂主曰：浸假其女不欲來斯，將若何？主曰：我所事之耶和華，將遣厥使佑爾，賜爾坦途，可於父家戚族中，爲子取室。設或至我戚族之處，而彼不肯與，則我使爾誓，與爾無與。今日我至井旁，禱曰：我主亞伯拉罕之上帝耶和華，如果賜我坦途，則我今日立於井旁，必有女出汲，我請以器中勺水飲我。若言且飲，亦爲駝汲，則此女可爲耶和華所定，與吾主之子者。默祝未竟，而利百加出，負器臨井以汲，我即求飲。女授汲器曰：且飲，亦可與駝飲。我遂飲，女亦與駝飲。我問曰：汝誰氏女？曰：彼士利女，拿鶴與密迦之孫也。我遂置環於其鼻，着劍於其手，稽首崇拜，頌美吾主亞伯拉罕之上帝耶和華，導我以正途，使取主兄之孫，爲主子之室。今

欲待吾主以仁慈，真實無妄，則告我，否亦告我，使我知所左右。拉班與彼士利曰：事由耶和華，毋庸辨其是非。利百加在此攜之而歸，與主之子爲室，遵耶和華命。亞伯拉罕僕聞言，俯伏崇拜耶和華，取金銀器皿，與衣饋利百加，又以寶物饋其兄及其母。僕與從者飲食而宿。夙興曰：願遣我歸。利百加兄與其母曰：容女少留，偕我居處，歷至旬日，然後啟行。曰：勿阻我，耶和華賜我坦途，請遣我歸。曰：可呼女而問之。乃呼利百加曰：爾欲與此人偕行乎？曰：我欲行，遂遣利百加與其媼同。亞伯拉罕僕暨從者而去。祝利百加曰：爾乃我骨肉，願爾爲億兆母，汝之苗裔可勝諸敵。○利百加與其婢乘駝而行，僕迎之以歸。時以撒居南，適自別拉海萊而至。暮出於田，默然靜思，舉目見駝羣至。利百加遙望以撒，問僕曰：遊於田而來迓者爲誰？僕曰：是我主也。女遂下駝，取帕自蒙。僕將所爲悉告以撒，以撒導利百加入母撒拉之幕，娶以爲妻，愛之甚篤。蓋自母沒後，至此始獲慰藉。○亞伯拉罕繼娶，名基都喇，生心蘭、約山、米但、米田、益八、書亞、約山、生示巴、底但。底但生亞書利，利都是、利烏米、米田、生以法、以弗、哈諾、亞庇大、以勒大、咸屬基都喇子孫。○亞伯拉罕以凡所有遺於以撒，當其存日，衆庶子各有所子，使往東方，以避以撒。亞伯拉罕享壽一百七十有五，壽高年邁，氣絕而終，乃返其本。其子以撒以實馬利葬之於麥比拉穴，與慢哩相對，卽赫人鎖轄子以弗崙之田。昔亞伯拉罕所購者，其妻撒拉亦葬於此。○亞伯拉罕既沒，上帝錫嘏其子以撒，以撒附別拉海萊而居焉。

亞伯拉罕納撒拉婢埃及女夏甲，生以實馬利，其裔循其世系名氏，記列於左，以實馬利初生尼

排約次生基達押別密衫密馬土馬馬撒哈達提馬益督拿非實其底馬此皆以實馬利諸子之名隨其鄉黨十二牧伯各治其族以實馬利享壽一百三十七年氣絕而終遂返其本以實馬利子孫所居在同儕之東隅其地自哈腓拉至書耳人自埃及往亞述者必經其邑○以撒之紀如左亞伯拉罕生以撒以撒四十歲娶巴坦亞蘭地亞蘭人彼士利女拉班妹利百加爲妻以撒之妻不妊故以撒爲之所耶和華耶和華許之而利百加懷妊胎孕震動若相爭然利百加曰如此將如之何問於耶和華耶和華曰胎所懷者有二民焉其後所出成爲二國此必強於彼長將事其幼○屆期學生初產者紅遍體生毛如裘命名以掃後出者手執兄踵命名雅各二子生時以撒年已六旬及其長也以掃善獵遨遊於野雅各柔懦居處於幕以撒嗜野味故愛以掃利百加愛雅各○雅各煮羹以掃自野歸愈甚謂雅各曰我慮矣以此紅湯食我自此以掃亦名以東東以雅各曰爾今盍以長子業畀於我以掃曰我且死矣卽爲冢子亦何益之有雅各曰當與我誓遂誓之於是繫其長子業於雅各雅各乃以餅及豆羹給以掃以掃飲之食之起而往以掃藐視長子之業如此

亞伯拉罕時歲薦饑以撒時其地又饑故往其曠至非利士人王亞庇米力耶和華顯現謂以撒曰毋往埃及必居我所示之地旅於斯土我將佑爾錫嘏於爾以此列邦賜爾爰及苗裔昔與爾父亞伯拉罕誓我踐其言必繁衍爾苗裔如天星之衆多以此列邦錫之天下兆民將藉爾裔而受福當亞伯拉罕之尙存也遵我言詞供我役事守我禮儀誠命律法故因是而錫

○以撒居其臘，居民間及其妻，則曰：我女弟也。蓋有殊色，故懼以妻稱之。恐居民爲利百加故，而害及其身。居處日久，非利士人王亞庇米力自牖窺之，適以撒與利百加嬉戲，召之曰：彼果爾妻，何稱爲妹？曰：竊恐因之見殺。亞庇米力曰：何爲若此？倘有人不知，偕爾妻寢，則陷我於罪。乃諭民曰：犯此人與其妻者，殺無赦。以撒耕稼於彼，追秋而穫百倍。耶和華錫嘏之，遂以昌大。日增月盛，竟成巨富。牛羊成羣，僕從甚衆。非利士人妬之，當亞伯拉罕時，其僕所鑿之井，後爲非利士人塞之。以士亞庇米力謂以撒曰：爾強大過我，請離我。○遂遷其臘谷，張幕而居。當亞伯拉罕時所鑿之井，沒後，非利士人塞之。以撒復鑿，依父所稱之名。以撒僕掘井於谷中，得活泉。其臘牧者與以撒牧者爭，曰：此屬於我，因其相爭，故以撒稱其井曰埃色。埃色即相爭又鑿一井，仍爭不已，故名之曰息拿。息拿即敵離彼復鑿一井，乃不相爭，故名之哩河伯。哩河伯即寬云：耶和華使我寬舒。蕃衍斯土，以撒離彼往別是巴。是夜，耶和華顯現，謂之曰：勿懼，我乃爾父亞伯拉罕之上帝。爲我僕亞伯拉罕故，我必佑爾。錫嘏於爾，蕃衍爾苗裔。以撒築壇於彼，籲耶和華名，遂張幕。僕爲鑿井。○亞庇米力與友亞戶撒暨軍長非各自其臘來見，以撒以撒曰：昔爾曹憾我遠我，今何來見？曰：我儕知耶和華祐爾，竊思爾我間當立誓，互相結盟。昔我未嘗加害於爾，乃厚待爾，送爾安然以歸。如是汝亦莫薄待我。蓋耶和華錫嘏於爾故也。以撒遂肆筵以待，式飲式食。夙興相誓，以撒送之，安然而歸。是日以撒僕以鑿井事來告，曰：我得水矣。遂名之曰是巴。故邑名別是巴。至於今日。○以掃四十歲時，娶赫人別哩之女猶滴，與赫人以倫之女巴實抹爲室。由是以撒與利百加常爲二婦憂心。

悄悄矣

第廿七章 以撒年邁，目昧不明，召長子以掃曰：「吾子曰：我在此。」曰：「我老矣，不知死期將至，爾可執器，維弓與矢，以適於田，爲我獵焉。獲取野獸，以作嘉肴，我所嗜者。」進以食我，及我尙存，爲爾祝嘏。以掃適野獵獸，當以撒囑時，利百加聞其言，謂子雅各曰：「我聞爾父囑爾兄云：『可獲野獸以作嘉肴，我食之，及我尙存，籲耶和華爲爾祝嘏。』今我子可遵我命，往羊羣，擇肥羔二，我作嘉肴，投父嗜好，以進於父，及其尙存，爲爾祝嘏。」雅各謂母曰：「我兄遍體有毛，我乃光潔。」設父捫我，以我欺父，恐求祝而反見詛。母曰：「吾子見詛，我自當之，可從我言，而取其羔。」乃往取與母，母作嘉肴，投父嗜好。長子以掃有美服，存於母所，利百加取之，以衣季子。又以羔皮蒙手及頸，掩其光潔，以所作之嘉肴及餅，昇雅各。○進於父曰：「我父也。」曰：「吾在此，爾誰乎？」雅各曰：「我乃長子以掃，遵命而行，請起食野獸之肉，祝嘏於我。」以撒曰：「爾獲之何其速與！」曰：「乃爾上帝耶和華賜我。」以撒曰：「我子來前，我欲捫爾，果以掃否？」雅各徑前，以撒捫之，曰：「聲則雅各，手則以掃也。」因手有毛，彷彿厥兄，末由別其真僞，遂爲祝嘏。曰：「爾誠我子以掃否？」曰：「然。」曰：「以爾所獲者陳於前，待我食之，爲爾祝嘏。」乃進前食之，亦飲以酒。以撒曰：「爾來，與我接吻。」遂前吻父，父聞其衣馨香，祝曰：「耶和華錫嘏於田，使之馨香，吾子之馨香亦若是。」願上帝賜爾天降甘露，地常肥美，穀與酒既豐且盛，願兆民服役爾側，列國拜跪爾前，兄弟以爾爲主，同母者無不稽首，詛爾者必見詛，祝爾者必見祝。○以撒祝竟，雅各遂出，適其兄以掃田而歸，亦作嘉肴，進於父曰：「請父起食我所獲野獸之肉，祝嘏於我。」以撒問曰：「爾

爲誰曰長子以掃以撒戰慄不勝曰爾未至誰作嘉肴進我我已食之爲彼祝嘏彼必恒蒙其福
 以掃聞言大聲痛哭曰請父亦爲我祝嘏曰爾弟來施其詭謀奪爾福祉以掃曰宜其名雅各
 雅各爲爾主兄弟皆爲其役以穀與酒供之今將何物施爾乎以掃曰父之祝嘏豈獨一而已也
 請更祝我遂大聲號泣以撒曰爾所居之處可得天降甘露地常肥美爾將恃刃以圖生服役於
 爾弟爾若遨遊於外可脫其軛弛爾仔肩○以掃因父爲雅各祝嘏懷恨雅各竊言父喪伊蓮我
 必殺弟人以長子言告利百加故召季子曰爾兄將殺爾以雪其恨今吾子從我言且奔哈蘭見
 舅氏拉班偕居數日待爾兄怒息若其氣已平忘爾所爲我則遣人召爾豈可一日喪二子乎利
 百加謂以撒曰因以掃娶赫人女我畢生殷憂倘雅各亦娶斯土之女我何以生爲○
 以撒召雅各爲之祝嘏囑曰毋娶迦南女爲室乃起往巴坦亞蘭至爾母父彼士利家娶舅氏
 拉班女爲室願全能之上帝錫嘏於爾使爾繁衍爲兆民祖以亞伯拉罕之嘏錫爾爰及苗裔昔
 上帝以斯土錫亞伯拉罕而爾旅之今願與爾爲業以撒遣雅各往巴坦亞蘭見亞蘭人彼士利
 子拉班卽以掃雅各之舅氏○以掃見以撒爲雅各祝嘏遣至巴坦亞蘭欲在彼娶室更囑其母
 娶迦南女爲室又見雅各循父母命往巴坦亞蘭於是以掃知迦南女不悅於父故適以實馬利
 家更娶馬哈喇爲室馬哈喇乃亞伯拉罕孫以實馬利女尼排約妹○雅各離別是巴向哈蘭而
 行日入時至一方遂留宿焉取石爲枕在彼偃臥夢有梯自地悉天上帝之使者陟降於上耶和

華據其巔曰：我乃爾祖亞伯拉罕與以撒之上帝耶和華。爾所寢之地，悉以賚爾，爰及苗裔。爾裔繁衍如塵沙，蔓延四方。天下兆民，憑藉爾裔，以徵福祉。我必祐爾，爾所向往，我必庇護，使歸斯土。不汝遐棄，吾所許者，必踐其言。○雅各醒曰：耶和華果在乎此，而我不知。乃悚然曰：此非上帝之殿，天之闕乎？敢弗寅畏。雅各夙興，以所枕石立爲柱，沃膏其上。昔斯邑名路斯，雅各易之曰：伯特利。伯特利譯即上帝之殿遂許願曰：如上帝眷佑我，庇護我，我所向往，賜以衣食，安然而歸，則耶和華必爲我之上帝。且我立柱石，將爲上帝殿。上帝所錫我者，十輸其一，獻於上帝。

雅各既集，則移石啟井，汲與羊飲，飲竟，仍覆以石。雅各曰：兄弟奚自？曰：自哈蘭。曰：爾識拿鶴之孫拉班否？曰：識之。曰：安乎？曰：安。今其女拉結偕羊以至，曰：日尙高懸，聚羣畜之時，猶未至也，何不飲羊，使復就牧？曰：不能，必待羣畜成聚，移石啟井，則可飲羊。○言際，拉結偕羊至，蓋父羊爲其所收。雅各見舅氏拉班女拉結與厥羊，則前移石啟井，飲舅氏之羊，遂與拉結接吻，喜極流涕，告拉結曰：我乃爾父之甥，利百加子，拉結遂趨告其父。拉班聞甥雅各至，卽趨迎之，抱頸接吻，引之入室。雅各以所遇之事，告拉班。拉班曰：爾乃骨肉之親也。雅各偕居，至於一月。○拉班謂之曰：爾雖我甥，豈可使爾徒勞乎？盍告我，欲得何值？拉班有二女，長名利亞，季名拉結。利亞目眇昏，而拉結有殊色。雅各愛拉結，曰：我爲季女拉結，願役事爾，七年爲期。拉班曰：與其妻他人寧，妻爾，可借我居。雅各爲拉結役事七年，因愛之甚，視七年如數日。○屆期，謂拉班曰：其期已屆，盍妻我，使我成禮。

拉班招集隣里，肆筵設席，既昏，以長女利亞與雅各成伉儷。以婢悉帕與女利亞，供其役事。夙興，乃知爲利亞，謂拉班曰：曷待我若是，我非爲拉結，以役事爾乎？何欺我爲？拉班曰：未嫁長而先嫁，季於斯土有所不宜。當與利亞盈其七日之期，則以拉結子爾嗣。後爾必役事我，更歷七年。雅各從其言，與利亞盈其七日之期，後拉班亦以拉結妻之。以婢辟拉與女拉結，供其役事。雅各亦與拉結成禮，愛之過於利亞，仍爲拉班役事，更歷七年。○耶和華知利亞不見寵，故賜生育，惟拉結不妊。利亞懷妊生子，命名流便曰：耶和華俯念我苦，今而後，夫必愛我。再妊生子，命名西面曰：耶和華聞我不見寵，復賜我此子。又妊生子，命名利未曰：今生三子，夫必膠漆於我。又妊生子，命名猶大曰：我今必頌美耶和華，嗣後利亞久不妊。○第三十章 拉結見己不育，則妒厥姊，謂雅各曰：賜我生子，不然我死矣。雅各怒曰：使爾不育者，在上帝，豈在我乎？曰：我婢辟拉可與同室，彼生之，我撫之，我因以得子。遂以婢辟拉予夫同室，辟拉懷妊生子，拉結命名曰：曰：上帝祐我，聽我所賜，我一子。辟拉再妊生子，拉結命名納大利曰：我與姊力爭得利。利亞久不妊，以婢悉帕與夫同室，悉帕生子，利亞命名伽得曰：幸甚。悉帕再生子，利亞命名亞設曰：我蒙福祉，羣女將謂我有福。○麥秋至，流便往於田，獲風茄，奉母利亞。拉結謂利亞曰：請以爾子之風茄與我。曰：爾奪我寵，豈微故耶？今欲奪我子之風茄乎？拉結曰：爲汝子之風茄，是夜可與夫偕寢。暮雅各自田歸，利亞出迓之，曰：爾與我偕入室，我舍我子之風茄，以得爾，故是夜與之同室。上帝俯念利亞，賜之懷妊，生五子。利亞命名以薩迦曰：昔以婢與夫，今蒙上帝給我值。利亞復妊生六子，命名西布倫曰：上帝賜

我嘉賚，我生六子，夫必借我。後生女，命名底拿。○上帝眷念拉結，俯聽其所，使之誕育，懷妊生子。日：上帝已洒我耻矣。乃命名約瑟。日：耶和華必復賜子。

拉結生約瑟後，雅各謂拉班曰：請遣我歸，返於故土。我爲妻子，役事於爾，乃爾所知。蓋以妻子賜我，以遣我歸。拉班曰：我知耶和華緣爾錫嘏於我，若得蒙爾恩，與我偕居，請言其值，而我給之。日：我爲爾服役，收汝羣畜，是爾所知。當我之未至也，所有鮮少，迨我既至，耶和華錫嘏於爾，滋育繁多。然我欲成家，將至何時乎？拉班曰：我何以酬爾？日：爾欲相酬，無需他物，惟有一事。若許則仍爲爾牧。今我將徧閱爾羣畜，凡斑駁成點之山羊，及棕色之綿羊，悉驅之出，以爲我值。異日我值置於汝前，凡山羊非斑駁成點，綿羊非棕色者，卽擬我盜，可也。我之公義，以此可徵。拉班曰：可如爾言。當日將牡山羊之有圈點者，牝山羊之斑駁成點，兼雜白文者，及綿羊之棕色者，悉付己子。移之遠方，相去三日，惟雅各仍收拉班之餘羊。○遂將楊柳杏楓之枝，擇其嫩者，剝皮成文，使枝之白間露，置枝於溝壑水槽，羣畜來飲之處，與羣相對，使畜飲時，牝牡相誘，羣畜附枝相誘，遂產斑駁圈點者。雅各將羔羊區別之，以己羣驅在一方，與拉班羣中，所有圈與棕色之羊相對，不與拉班羊相雜。遇畜之肥健者，相誘，雅各置枝於水道，而當其前，使附枝相誘。若畜之羸弱者，不置之。如是，弱歸拉班，肥歸雅各。且生息繁多，牲畜奴婢駝驢，不可悉數。○第廿一章 拉班衆子相議，日：我父所有者，而雅各奪之，因致巨富。雅各聞之，亦見拉班待己不如嚙昔。耶和華命雅各曰：當歸父家，返故族，我必祐爾。雅各招拉結利亞至於田，造羣畜所，語之曰：我見爾父待我，不如嚙昔。

然吾父之上帝祐我，我竭力事爾父，爾所素知。爾父乃欺我，十易我值，頻欲害我，而上帝不容。若云：斑點者為我值，而羣畜咸生斑點。若云：斑圈者為我值，而羣羊皆有斑圈。是耶和華將爾父所畜悉賜於我。遇牝牡相誘之際，我於夢中見牝羊乘其牝者，皆圈點斑駁。上帝之使者見夢呼我曰：雅各，我在此。曰：試觀衆牝羊，乘其牝者，無非圈點斑駁。蓋拉班之待爾，我已監之。我乃伯特利之上帝。昔爾在伯特利，以膏沃柱，指我以許願。今當起離斯土，歸故族。拉結利亞曰：父既醫我，侵食我值，以我為外人，我於父家，豈尚有嗣業乎？我父貨財，為上帝所奪，皆屬於我，與我子。今上帝諭爾者，一切遵行。

雅各起，使妻子乘駝，攜所有者，與在巴坦亞蘭所獲之牲畜，歸於迦南。見父以撒，拉班往剪羊毛，所藏偶像，拉結竊焉。雅各欺亞蘭人拉班，不以其奔告之。挈凡所有，渡河向基列山而遁。越三日，人以其事告拉班，乃率戚族追之。七日至基列山，始及焉。是夜，上帝見夢，諭亞蘭人拉班曰：爾與雅各，勿以惡言相加，爾其慎之。○雅各張幕於基列山，拉班追之。既及，亦與戚族張幕於基列山。謂雅各曰：爾何欺我，攜我二女，與行劫奪者無異。何為竊遁，曷不告我，俾我鼓琴，播鼓謳歌，忻然送汝。奚不容我與子女接吻，爾之所為，不智孰甚。我力能害爾，惟前夕爾父之上帝諭我曰：慎勿以惡言加於雅各。夫爾雖戀慕父家，欲歸甚急，奚竊我上帝像乎？雅各曰：我意謂爾必強留爾女，故懼耳。至於爾上帝像，爾見有竊之者，可置於死地，物有屬爾者，爾可自辨，爾自取之。我儕戚族為證。蓋雅各不知拉結竊偶像焉。拉班遂進雅各幕，及利亞幕，二女婢之幕，皆無跡可尋。後出利

亞幕入拉結幕。拉結以偶像置之駝鞍下，而坐其上。拉班徧索不獲，拉結請父曰：天矣，適至，不得起迎，吾主勿怒。拉班徧索偶像，終不得見。○雅各怒斥之曰：我何罪愆，乃相迫太迫。今爾徧索吾物，屬於爾家者，未獲其一，獲則置之我儕戚族前，俾折中於爾我間。二十年我偕爾處，爾綿羊山羊之牝，未有殞其胎者，爾畜之牡綿羊，我不食，死於野獸者，我不歸爾。我補之，晝夜所盜，爾惟我是問。我晝則冒暑，夜則受冷，寢寐俱廢。如此我居爾家，歷二十年，役事於爾者，爲爾二女十四年，爲爾牲畜六年，爾乃易我值，至於十次，使吾祖亞伯拉罕之上帝，吾父以撒所畏之上帝，不祐我。汝必棄我，絕無所得，惟上帝監我操作辛勤，故前夕責爾。○拉班曰：斯女卽我女，斯子卽我子，斯畜卽我畜，凡所見者，無非屬於我。今與吾女及其所生者，將何爲乎？莫若爾我結盟爲憑。雅各遂取石立柱，亦謂戚族曰：爾可積石，乃羣取石，積累爲崗，共食於其上。拉班名之曰亦甲撒，哈土大雅各名之曰迦列。拉班曰：爾我間以此崗爲憑，故亦名曰迦列。又名密士巴。蓋曰：爾我相睽隔時，耶和華爲眷佑。爾若負吾女，別有所娶，人雖不知，而上帝監之。拉班謂雅各曰：可觀此崗，爾我間所立之柱。此崗此柱，可爲憑，我不越此崗害爾，爾亦不越此崗害我。願亞伯拉罕之上帝，拿鶴之上帝，及其祖之上帝，折中於爾我間。雅各惟指其父以撒所畏之上帝而誓。雅各在山獻祭，設席招其戚族，使共食餅，後宿於山。拉班夙興，接吻子女，祝嘏而返。

雅各復行，上帝之使逢之。雅各見之曰：此乃上帝之營，故名其地曰馬哈念。馬哈念卽二營。遂遣人先往西耳地，以東田，見兄以掃，囑曰：可告我主，以掃云：主之僕雅各曰：我旅於拉班家，越

至今日。有牛羊驢僕婢，特遣人告主，望沾主恩。○其人反告曰：吾儕至彼，見爾兄以掃，將率四百人來迎爾。雅各悚懼不勝，以從者及牛羊駝分爲二隊。曰：若以掃來擊前隊，則後隊可逃。○遂禱曰：吾祖亞伯拉罕之上帝，吾父以撒之上帝耶和華，昔命我回故土，故族許以恩待，爾所施之恩寵，眞實无妄，我不堪得。昔我惟執一杖濟約但河，今我羣從已成二隊。我畏兄以掃，恐其至擊我，并擊妻孥，故求爾拯我。爾曾許以恩加我，使我苗裔如海沙，不可勝數。○是夜雅各宿於彼，簡所有者饋其兄，以掃以爲禮。山羊牝二百，牡二十，綿羊牝二百，牡二十，牝駝與子三十，牝牛四十，牡牛十，牝驢二十，小驢十。遂別爲羣，付與僕手。曰：爾往前途，使各羣相距，皆有隙地，囑其前者曰：若我兄以掃遇爾，問爾爲誰牧，將往何地，此畜果誰所有乎，則當言此乃禮物。爾僕雅各饋吾主以掃者，雅各在後將至，再遣之僕，三遣之僕，及凡驅羣畜者囑之云：若遇以掃，當亦如是以言。必曰：爾僕雅各在後將至。蓋雅各自謂必以前行之禮物，使兄復和，然後覲面，庶幾接我。乃命禮物先行。雅各是夜宿於營中，夜未央，卽起，使二妻二婢及十一子濟雅泊渡，眷聚旣濟，凡所有亦濟。○雅各獨留，遇一人，與之角力，迄於黎明。相角之時，其人自知不勝，擊雅各髀傷之。曰：天將明矣，請釋我去。雅各曰：不爲我祝嘏，必不容爾去。曰：爾何名。曰：雅各。曰：今以後，不祇名雅各，更名以色列。蓋爾得志於上帝前，與人爭無不勝。雅各曰：請以爾名告我。曰：曷問我名。遂在彼錫嘏。雅各名其地爲使以利。曰：我與上帝晤對，而覲其面，我命尙其可保。日出時，雅各過使以利，髀傷，其行趨起。因其人擊雅各髀，傷其巨筋，故以色列人凡髀之巨筋，至今不食云。○第三十三章 雅各遙見以

掃率四百人至，遂區別羣子，令利亞拉結及二婢率之。將二婢及其子置於前，利亞及其子在中，拉結與約瑟在後。自前俯伏，至於七次，方與兄相近。以掃趨迎，抱頸接吻，彼此涕泣。以掃見婦與子，問爲誰。曰：蒙上帝恩，賜子與僕。二婢及其子前而拜。利亞及其子亦前而拜。後拉結與約瑟亦前而拜。以掃曰：適見羣畜，不知何意。曰：望沾恩於主。曰：我所有者足矣，弟所有者存之。曰：勿固却。若沾爾恩，請受其禮。蓋我觀爾面，蒙爾悅我，如觀上帝面然。上帝施恩我，綽有餘裕，請受所奉之禮物，促之然後受。以掃曰：我儕適征，我爲爾先導。曰：主知我之子女猶稚，我之牛羊方字，若疾驅之一日，而羣畜死矣。請主前往，僕率子女牲畜，依其所能，迺適而進，至主所處。西耳地曰：我留從者數人，與爾偕行，如何。曰：焉用此，惟得沾主恩，足矣。○是日，以掃返於西耳。雅各至數割，爲己築室，爲音作廬，故其地名曰數割。或謂音○雅各從巴坦亞蘭至迦南地，詣示劍邑，安然無恙。邑前張幕，出百金以與示劍之父哈抹子孫購田一區，以張其幕。在彼築壇，稱其名上帝壇，卽以色列之上帝。

第三十四章 雅各有女底拿利亞所出，往見隣女，爲彼地牧伯希未人哈抹子示劍所見，誘其偕寢，而玷辱之。中心膠漆，戀愛甚篤，以甘言慰藉。示劍告父曰：願得此女爲室。雅各聞女被辱時，衆子在田牧羣，故緘口無詞，以待子歸。○示劍父哈抹至，與雅各語。雅各衆子自田歸，聞示劍與妹偕寢，干犯以色列族，行所不當，行，不勝憂忿。哈抹告之曰：我子示劍之心，眷戀爾女弟，請與之爲室。爾曹與我儕，可相嫁娶，爾女可與我，我女任爾娶。如是爾我偕居，地具在爾前，居此貿易，享其

土宜示劍告女之父兄曰望沾爾恩任爾所求我無不與爾欲厚其聘豐其禮惟命是從第以女子我爲室雅各衆子因妹已被辱詭詞對哈抹示劍曰此事不可行人未受割禮而我以妹與之自取辱耳若爾曹效我感受割禮則可從爾言如是我儕以女嫁爾亦娶爾女彼此共居同一民族若不聽我言不受割禮我則攜妹而去哈抹與其子示劍善其言示劍爲宗黨所推尊因愛雅各女故從言勿緩○哈抹與示劍遂至邑門與民相語曰雅各一家與我甚睦地又廣闊盡容其居此貿易我娶其女我女嫁彼但我衆有丁男必受割禮與彼相同則其人願與我居同一民族我若許之便與我同居則其牛羊貨財皆歸我矣凡有男子出自邑門者聽哈抹示劍之言悉受割禮○越三日痛未痊雅各二子底拿兄西面利未各執刃毅然侵邑殺其丁男以刃戮哈抹及示劍攜底拿出其室而去雅各衆子因妹受辱剝其衆尸劫其邑物奪其牛羊驢與在邑在田之所有盡攘其貨財俘其妻子遷其器皿雅各謂西面利未曰爾曹累我令我遺臭於迦南比哩洗地且我寡彼衆必聚而攻我殲吾家室曰其待我妹若妓將若何

上帝諭雅各曰昔爾避兄以掃我於伯特利顯現與爾今起往彼而居築壇祭我雅各命家人與從者云外人之上帝爾當棄之更衣自潔昔我遭難上帝眷顧之我行於途上帝庇佑之今當赴伯特利在彼築壇獻祭遂以異邦上帝之像及耳環以予雅各藏之示劍椽下遣征前往上帝使四邑之民咸懼故追雅各子者迄無一人○雅各與從者至迦南路斯是邑亦名伯特利昔雅各避兄以掃上帝顯現故在彼築壇名其地曰益伯特利時利百加燬底破喇死葬於

伯特利橡下，名其樹曰亞倫巴哭。亞倫巴哭○雅各自巴坦亞蘭歸，上帝復顯現，錫嘏曰：爾素名雅各，斯後不第稱此，可更名以色列，遂稱曰以色列。又曰：我乃全能之上帝，使爾生育衆多，以成羣族。列王皆由爾出。我所賜亞伯拉罕以撒之地，亦將錫爾，延及苗裔。上帝言竟，上升。雅各即於上帝與言之處，立石爲柱，沃之以膏，奠之以酒。上帝與雅各語，雅各名其地曰伯特利。○由伯特利徙去，以法大無幾，拉結臨產艱危，難產之際，收生者曰：毋懼，爾又將得子。氣將絕時，拉結名其子曰便阿尼而死。父命名便雅憫。拉結死，葬於以法大途側，後名伯利恒，即其地。雅各立柱於拉結之墓，至今猶存。○以色列徙過以特臺而張幕。以色列居彼，聞流便悉其妾辟拉，雅各有十二子。流便西面利未，猶大以薩迦西布倫利亞所出。約瑟便雅憫拉結所出，但納大利拉結婢辟拉所出。伽得亞設利亞婢悉帕所出，是皆雅各於巴坦亞蘭所生。○雅各至慢哩亞巴邑，見父以撒，昔亞巴即希伯崙，亞伯拉罕與以撒會旅於此。以撒享壽一百八十歲，壽高年邁，氣絕而終，以返其本。其子以掃雅各葬之。

第三十六章 以掃即以東，其裔如左。以掃娶迦南二女爲室，其一赫人以倫女亞大，其一希未人祭便孫亞拿女亞何利巴馬，又娶以實馬利女尼排約妹巴實抹爲室。亞大生以利法，巴實抹生流耳亞何利巴馬，生耶是雅蘭，可喇。此皆以掃於迦南地所生。以掃率其妻與子女家人羣畜牲，及在迦南所獲者，往詣他方，離弟雅各。蓋二人財貨充盈，牲畜成羣，所旅之地褊小，不能同居。○以掃居西耳山，爲以東族人之祖。其裔如左。以掃衆子之名，備載於後。其妻亞大生以利法，巴

實抹生流耳。以利法生提慢阿抹西波迦但基納。以利法妻亭納生亞馬力。此皆屬以掃妻亞大者。流耳生拿轄西喇沙馬米撒。此皆屬以掃妻巴實抹者。○祭便孫亞拿女亞何利巴馬生耶是雅蘭可喇。○以掃衆子中有伯爵者其畧如左。以掃冢子以利法子孫中有提慢伯阿抹伯西波伯基納伯可喇伯迦但伯亞馬力伯。此皆以利法族在以東地屬於亞大者。○以掃子流耳子孫中有拿轄伯西喇伯沙馬伯米撒伯。此皆流耳族在以東地屬於以掃妻巴實抹者。○亞何利巴馬子孫中有耶是伯雅蘭伯可喇伯。此皆屬於以掃妻亞拿女亞何利巴馬者。上所記諸伯皆以掃即以東子孫有素居是地者。何哩人西耳子孫其畧如左。羅單說八祭便亞拿底順以察底山。此皆以東地何哩人西耳子孫而爲伯者。羅單生何利希慢羅單之女弟即亭納說八生亞勒文馬拿轄以八示波阿南祭便生亞雅亞拿。當時在野牧父祭便驢得溫泉者。即亞拿亞拿生底順與女亞何利巴馬底順生欣但。一是班益蘭基蘭以察生辟罕撒番亞干底山生烏士亞攔何哩族諸伯其畧如左。羅單伯說八伯祭便伯亞拿伯底順伯以察伯底山伯。此皆何哩族在西耳地者。當以色列族未有王時。惟以東地有王其畧如左。庇耳子庇拉爲王於以東地都停哈巴庇拉。薨破斯喇人西喇子約八即位。約八薨提慢人戶山即位。戶山薨庇撻子哈撻即位。都亞味得昔於摩押平原擊米田族者。即此王也。哈撻薨馬士哩迦人三拉即位。三拉薨河傍哩河伯人掃羅即位。掃羅薨亞革破子巴勒哈南即位。巴勒哈南薨哈達即位。都於保其。后卽米薩合孫馬特列女米希大別。以掃族衆伯依其世系居處名氏其畧如左。亭拿伯亞勒瓦伯耶帖伯亞何利巴馬

伯以拉伯比嫩伯基納伯提慢伯密薩伯麥鐵伯以蘭伯以上所載無不依其居處產業而爲以東地之伯以東族之祖卽以掃是

雅各居迦南卽父所旅之地其畧如左約瑟年十有七借兄牧羊少時與庶母辟拉悉帕所出者爲侶以其過告父以色列之生約瑟也年已邁矣故愛之過於諸子爲製彩衣諸兄見父愛約瑟過於己故憾之不以善言相加○約瑟有夢述於諸兄由此諸兄銜憾益深約瑟曰我所夢者請聽之我儕於田束禾我所束者起而立爾所束者環而拜諸兄曰爾果將統轄我乎抑治理我乎故因其夢與言而益憾約瑟復夢告諸兄曰我夢得其二矣有日月十一星皆拜我約瑟以此夢告父兄時父叱之曰爾所夢者何與我與汝母汝兄果將俯伏爾前乎父詰其事兄嫉約瑟○諸兄往示劍牧父羣畜以色列語約瑟曰來爾兄牧於示劍吾將遣爾曰我在此曰往觀諸兄及牲畜可皆無恙乎爾返告我遂遣之自希伯崙谷至示劍○曠田間或遇之曰爾何求耶曰求我兄彼牧羊何所請告我曰已去此矣我聞其言將往多丹約瑟追之果在多丹未至諸兄遙見共謀殺之相語曰作夢者來矣莫若殺之棄於井流言爲惡獸所食後觀其夢果驗否流便聞之欲救約瑟曰莫傷其命流便欲援之歸父故曰勿流其血勿害其身曠野有井投之於中可也○約瑟至兄觀其彩衣投諸窖井遂坐食餅遙見以實馬利人成隊以至驅羣駝負香料乳香沒藥自基列來欲往埃及猶大謂諸兄曰殺弟而匿其血何益之有此乃我手足之親毋戕其生莫若鬻與以實馬利人兄弟允之以實馬利人素居米田爲買於外將經其處諸兄乃援約

瑟出井，繫之於賈，獲金二十。以實馬利人掣約瑟往埃及。○後流便至井，窺約瑟不在，遂裂己衣。返見諸弟曰：童子不在，我將何歸？諸昆弟宰山羊之羔，濡約瑟衣於血，遣人攜衣歸。父曰：我儕得此，試觀果爾子之衣否？雅各視之曰：誠吾子之衣也，是必爲惡獸所食，肢體斷傷無疑矣。雅各遂裂己衣，衣麻，慘傷，幾歷歲月。子女羣來相勸，父不受慰，曰：我必悲哀，至於幽冥。就子乃已，父之痛子如此。米田賈攜約瑟至埃及，繫與法老臣侍衛長波提乏。

第三十九章 維時猶大離諸昆弟，就亞士蘭人希喇，在彼見迦南人書亞女，娶之爲室。婦妊生子，命名曰：再妊生子，命名阿楠。復妊生子，命名示拉。時猶大居於基悉，猶大爲長子，叫娶室，名大馬。嗚作惡於耶和華前，而耶和華殺之。猶大命阿楠曰：當與嫂同室，生子以嗣兄。阿楠知子不歸己，雖與嫂偕寢，不欲生子，爲兄嗣續。以此不悅於耶和華，耶和華亦殺之。猶大恐季子亦死，如二兄然，故謂其媳大馬曰：盍居父家，守志勿嫁，待吾子示拉長，遂居父家。○久之，猶大妻書亞女死，猶大納慰與友亞士蘭人希喇，往亭訥剪羊毛，或告大馬曰：汝舅往亭訥剪羊毛，大馬知示拉雖長而已，未得嫁之，故去喪服，以帕蒙面蔽體，坐亭訥。途側二泉之處，猶大見其蔽面，以爲妓，不知爲媳。途側就之，曰：與爾偕寢，可乎？婦曰：何以贈我？曰：必遺山羊之羔，曰：以何爲質，而待羔至？曰：爾欲何質？曰：爾印及紳與杖，乃畀之，遂薦寢焉。婦卽懷妊，起而去，脫帕，仍衣喪服。猶大托友亞士蘭人還之羔，欲取其質，而不見婦。問居民曰：途側二泉處，有妓安在？曰：此地無妓。返見猶大曰：求之不得，居民亦言彼地無妓。猶大曰：任婦得質，若逼求之，適足增羞，吾曾遺羔，不得其人矣。○越三月，

人告猶大云爾媳大馬有淫行今已懷妊猶大曰曳出焚之既出遣人謂舅曰投贈之主使我懷妊試觀此印及紳與杖屬誰猶大識之曰不嫁之與示拉我過矣婦過較我爲輕嗣後猶大與之絕○臨產知其學生產際一子先出其手收生者以絳絲繫之曰此首出也手入他子生矣收生者曰爾何圻之此爾自圻故命名法勒士法勒士其手繫絳絲者後出命名撒拉

第三十九章 以實馬利人攜約瑟至埃及繫於法老臣法老臣侍衛長波提乏約瑟於埃及家爲

僕耶和華祐之使之亨通厥主見耶和華祐之所爲無不亨通故加以恩使常侍左右統轄全業悉以所有歸其掌握嗣後耶和華爲約瑟故錫嘏於其主凡在室在田咸蒙其祉主悉以所有歸約瑟掌握於己所食外不知有長物約瑟丰采甚都久之主母目約瑟曰與我偕寢約瑟不從曰主已不與家事以凡所有歸我掌握家之中我爲督我有作爲主不禁禦但汝乃其妻我不可犯安可自干元惡獲罪於上帝婦日誘之約瑟不聽非惟不與同寢亦不與共在一日入室治事旁無侍從主母執其衣曰與我同寢約瑟棄衣而遁主母見其遁棄衣在手則呼家人曰主使希百來人至此辱及我儕適入室中欲我薦寢我厲聲號呼彼聽我聲甚厲棄衣而遁婦存其衣以待主歸既至則告曰爾所得之希百來僕入以辱我我厲聲號呼彼方棄衣而奔主聞妻言知僕行是則怒甚執約瑟下囹圄其地爲犯王章者所幽囚之處約瑟既下獄蒙耶和華祐特矜恤之令沾恩於司獄司獄以獄囚悉畀約瑟掌理獄中所爲惟約瑟是問司獄不自理獄事悉歸約瑟蓋耶和華祐約瑟凡其所行無不亨通

四 厥後埃及王之酒正膳長犯其主。法老怒酒正膳長二臣，禁之於獄，待衛長之所。卽約瑟幽囚之地。侍衛長使約瑟待其側。二人久困於獄。酒正膳長於獄中，同夜得夢，夢各不同。不知何兆。約瑟朝入，見其有憂色，問曰：「今日何以有不豫色？」曰：「我儕得夢，無人能占其兆。」約瑟曰：「占其兆者，由於上帝所示，請述其詳。」酒正以夢告曰：「夢有葡萄樹於前，樹有三枝，萌芽舒蕊，結實纍然。吾執法老爵，摘實取汁，傾於其中，以奉法老。」約瑟曰：「三枝者，三日也。三日間，法老將使爾出獄。復爾職，仍爲酒正。」奉爵法老，此卽其兆也。爾若得志，請垂念我，施恩於我，爲我告法老，拯我出此。我昔被掠出希百來境，在此我亦未嘗妄作，而人乃幽囚我。膳長見兆吉，則謂約瑟曰：「我亦夢有三白筐，戴於首上。筐盛法老所食之炙饌，有鳥啄之。」約瑟曰：「三筐者，三日也。三日間，法老將使爾出獄。懸爾於木，鳥啄汝肉，此卽其兆也。」越三日，法老誕，賜宴羣臣，召酒正膳長使之出獄。復酒正職，奉爵於前。懸膳長於木，而約瑟所示之兆悉應。然酒正不念約瑟，竟忘之矣。

四 越二年，法老夢立於河濱，見七牛由河出，體肥且美，鬻芻於田。又見七牛由河出，色惡且瘠，與前所見之牛，立於河濱，其惡且瘠者，吞其肥而美者。法老乃寤，復夢，見一莖生七穗，旣佳且實。又見七穗，細弱特甚，暴於東風，其佳且實者，反爲細弱所吞。法老寤，知爲夢，味爽，中心憂疑，召埃及博士哲人，以夢告之，皆弗識其兆。○酒正告法老曰：「吾憶昔日獲罪，法老怒臣及膳長，同囚於侍衛長之獄。我二人同夜得夢，夢各不同，不知何兆。在獄有希百來少者，侍衛長之役，我以夢告之，其占我夢，各示以兆，占無不應。臣得復職，膳長懸木。」○法老召約瑟，速之出獄，雍

變易衣以觀法老。法老謂約瑟曰：我得一夢，無人識其兆，或告我言爾聞夢，卽識其兆。約瑟對曰：非臣所能知也。願上帝以平康之兆賜於法老。法老曰：我夢立於河濱，見七牛由河出，體肥且美，醫芻於田。又見七牛由河出，色惡羸瘠，其牛之惡遍埃及未之見也。其惡且瘠者，吞其前所見之肥牛。既吞，依然羸瘠，若未嘗入腹然。於是我卽寤。復夢見一莖生七穗，佳且實。又見七穗，枯而細，暴於東風。佳者反爲細者所吞。我以此夢告諸博士，皆弗能占。約瑟告法老曰：法老之夢，其兆維一。上帝有所爲，先示於王。七美牛者，七年也。七佳穗者，亦七年也。其兆相同。後七牛惡且瘠者，七年也。細弱之七穗，暴於東風者，七饑年也。我言上帝欲有所爲，先示於法老者，正如是。遍埃及地必大有七年，其後必繼以荒歉七年，使埃及疲敝，不知前此之富歲。蓋後至之凶荒特甚，故前日之豐稔不知也。上帝定此將速成之，故使法老復夢，可裨智慧之士治理埃及，亦立羣督於國，使七豐年中，田所出者，五分取一，斂豐年之粟，積之於廩，守之於城，存此粟爲將來埃及地七凶年之用，庶幾其國免於喪敗。法老與羣臣善其言。法老謂臣曰：如此之人，蒙上帝之神賦之，豈易得乎？又謂約瑟曰：上帝旣以此示汝，故爾智慧，無人可與比擬。爾可治我家，我民必遵爾命，獨於國君之位，則我爲尊。又曰：我舉爾統轄埃及，遂脫指環，授約瑟手，衣以棉衣，復以金索垂其項，乘以大輅。前驅者呼曰：跪，自是立爲通國之宰。法老謂約瑟曰：我乃法老，遍國中無敢擅作，惟爾命是聽。○法老賜約瑟名曰：撒納巴尼，以安之。祭司波提非拉女亞西納妻之。約瑟觀埃及王法老時，年已三十，遂遍巡埃及四方。七豐年中，物產豐腴，約瑟斂其國之糧，儲於邑，各邑郊之糧，儲於邑。

內遂積粟如海沙之衆不可量數多故也。荒年未至，約瑟妻安之祭司波提非拉女亞西納生二子。長子命名馬拿西曰：上帝使我不復念昔於父家受諸艱苦。季子命名以法蓮曰：我至斯土已歷困苦，上帝反使我昌熾。

埃及地富饒，已歷七年，而七年之凶荒繼至，應約瑟言。時列國皆饑，惟埃及地尚有倉儲。埃及民饑，號呼求食於法老。法老曰：往見約瑟，所命必行。通國之凶荒已甚，約瑟遂啟倉箱，糶粟於埃及人。天下既荒，故列國人至埃及乞糶於約瑟。○第四十一節 雅各知埃及有粟，謂衆子曰：爾曹何觀望乃爾？我聞埃及有粟，可往糶之，以延生命，免於死亡。約瑟諸昆十人，遂往埃及糶粟。其弟便雅憫、雅各不遣之偕行，恐罹災害。○迦南地饑甚，人羣至埃及糶粟。以色列衆子亦在其中。約瑟得秉國鈞，糶粟於兆民。諸昆至，俯伏以拜。約瑟見而識之，佯爲不知，叱曰：爾何自？曰：自迦南地來乞糶。約瑟雖識諸昆，而諸昆不之識。約瑟憶前夢，語諸昆曰：爾曹乃偵者，今來此，特窺吾國之虛實耳。曰：吾主，僕不若此，祇爲乞糶而來。我儕皆同父者，素行篤實，豈偵者哉？曰：不然，爾今來此，蓋窺吾國之虛實耳。曰：僕昆弟十有二人，迦南地一父所生，一弟已亡，季者偕父。約瑟曰：爾誠偵者，我言不虛。吾指法老以誓，未攜季者至，不許爾出此，以徵爾言之真偽。必禁錮爾曹，惟遣一人，攜爾弟至，藉徵爾言之真偽。非然，我指法老以誓，汝果偵者，遂幽於獄。至三日，則語之曰：我畏上帝，特施一策，爾從之則得生。爾果篤實，則禁一人於獄，其餘載粟以歸，救爾家之急。攜季者至，以徵爾言之真偽，庶可免於死亡，乃遵命以行。○相語曰：昔吾儕因弟而獲罪，我見其乞憐，不諒其苦。

爽置若罔聞，故遭此艱。流便曰：我豈不曰莫害孺子，惟爾不聽，故流厥血之罪，今歸於我。初約瑟與之言，藉譯以傳語，今十人各言方言，意約瑟不知，而約瑟已知之，退而哭，復出與語，自衆中取西面繫之於前，命以粟充衆囊，陰反其金，饋之以贖，其待之若此。○九人負粟於驢而去，至曠息所，一人啟囊，以粟飼驢，見金在囊口，告兄弟曰：人反我金，猶在於囊。衆心危懼，相告曰：上帝之待我如此，曷故？○歸迦南地見父，以其事告之，曰：國宰叱我，以我爲偵者。我曰：我儕素爲實，非偵者，見弟十有二人，一父所生，一弟已亡，季者偕父於迦南。國宰謂我曰：若爾果爲實，有一策可施，爾兄弟中必留一人於此，其餘載粟，以救爾家之急。後攜季者至，則知爾誠爲實，非偵者也。我乃反爾兄弟，爾可貿易於國，遂傾其囊，各人所緘之金具在，父子見之皆懼。雅各謂衆子曰：爾曹喪我子矣，約瑟已亡，西面亦亡，今欲取便雅憫，此皆害及我身。流便告父曰：請付於我，我必反之，不然殺我二子以償。曰：我必不使幼子與爾偕往，其兄已亡，彼卽斃然，如途間遭害，則我皓然白首，淒涼歸墓，皆爾之過也。○第四十三章 境內饑甚，埃及所運之粟已罄，父曰：復往，少爲乞糴。猶大曰：其人實告我曰：如季者不來，不得覲我面。若遣弟偕往，則可乞糴。不然，則不可往，蓋其人曰：如季者不來，不得覲我面。以色列曰：何以有弟告之，因而害我？曰：其人詳詰我戚族云：爾父尚在，猶有弟否？我以實告，豈知其命我攜弟來耶？猶大謂以色列曰：遣弟與我偕往，汝我子女，均可相保，不至死亡。我保幼弟，其責在我，如不攜歸，置於爾前，我畢生負疚。若無濡滯，已往返者再。以色列曰：若然，我有一策，探地佳品，載之於器，爲禮以饋之，乳香、野蜜、少許香料、沒藥、榲子、杏仁、擊金、乞糴。

倍其前數。昔得于囊之金，悉返之，恐其或有差謬也。更攜幼弟，再往見其人。願全能之上帝，使爾獲寵於其人前。遣爾兄與便雅憫歸。若我喪子，則亦已矣。○遂取禮物，挈前金倍其數，偕便雅憫詣埃及立約瑟前。約瑟見便雅憫偕至，則謂家宰曰：導此人歸，宰牲設席。是日亭午，我將與之共食。家宰遵命，導之以歸。十人咸至約瑟家，則懼相語曰：緣昔有金於囊，故招我入，欲乘隙碎來，執我爲奴，而攘我驢。乃於門側語其家宰曰：長者與，昔我來此乞糶，歸至憩息所，啟囊見我儕之金猶在，計其數無少缺。今我反之。此外尙攜金乞糶，藏金於囊，不識誰爲。曰毋懼，安爾心。爾之上帝，卽爾父之上帝，生財於爾囊，爾金我已受之矣。遂出西面相見。○咸導入室，俾水濯足，且飼其驢。昆弟十一人，聞將食於此，故備禮物以待。約瑟亭午歸，旣至，昆弟陳禮物於室，俯伏拜之。約瑟問安曰：汝前言父已老，不識尙在無恙乎？曰：吾主之僕，我父尙在無恙，遂稽首俯伏。約瑟見同母弟便雅憫曰：爾前言之季弟，卽此人乎？願上帝施恩於孺子。約瑟因弟中心如焚，急擇一所，潛焉出涕，故入室而哭。後蹟面出，強制其情，命肆筵設席。旣設約瑟一席，十一人一席，共食之。埃及人一席，緣埃及人與希百來族同席，以爲不屑。約瑟命諸昆弟列坐於前，長先幼後，彼此駭異。約瑟饋饋與衆昆弟，惟便雅憫之饋獨盛，且五倍之。遂飲同樂。○第四十四章 約瑟命家宰曰：以粟充其人之囊，依所能負，仍反其金。以我銀爵與乞糶之金，置於季者囊。家宰遵命。黎明，人與驢俱遣之去。距邑未遠，約瑟謂家宰曰：往追其人，及之，則曰：曷以惡報善乎？吾主所飲之器，用以卜者，豈非此耶？爾行是不良孰甚。追旣及，如言以告。十一人曰：長者何爲出此言也？此事僕斷不爲。向者得

金於囊我自迦爾來卽反於爾則我豈竊金銀於主室乎可索僕中誰藏此物卽當死我衆爲爾之奴曰如爾言藏此物者當爲我奴餘皆無辜各人急下囊啟之家宰遍索自長迄幼得爵於便雅憫囊衆裂衣使驢負載仍返於邑○猶大與昆弟至約瑟適在室俯伏拜之約瑟曰爾所爲者何與人而若我能卜而識之爾豈不逆料乎猶大曰我儕告主豈尙有言辭焉能自伸上帝猶僕之咎遇有爵於其手者與我儕成爲主之奴約瑟曰不可第遇有爵於其手者則爲我奴爾衆安然以歸返見爾父可也○猶大前謂約瑟曰主與法老若同一體僕有一言告於主前主母怒昔主問僕云有父與兄弟否僕告主曰有父年老奄奄生季子其同母之兄亡矣其母惟遺此子父絕愛憐主命僕攜之至欲目覩之僕告主曰彼與父不能暫離恐別父則父死主命僕曰若季弟不至爾曹不復覩我面僕旋歸見吾主之僕我父則以主言告我父曰復往少爲乞糶僕曰若季弟偕往則可否則不可蓋季弟不同行則其人之面我不能覩吾主之僕我父告我曰爾知我妻拉結惟生二子一出不歸我曰必死於獸至今不得見一子尙存今爾欲攜之去設遭災害是使我皓然白首淒涼歸墓今歸見吾主之僕我父而季弟不與我偕將若何况父惜季弟如命既見其不同歸父必死如是僕將使吾主之僕我父皓然白首淒涼歸墓蓋僕保此子於父前曰如不攜之歸我畢生負疚今僕願代季弟居此爲吾主之奴容季弟偕兄歸如我歸而季弟不歸見父遭禍吾何忍乎○第四十五章約瑟情不能制屏諸侍者不令一人侍側然後明告兄弟使相辨識卽大聲號泣埃及人與法老內庭悉聞約瑟謂兄弟曰我乃約瑟吾父尙在乎諸昆弟懼不能

措一詞。約瑟曰：爾來前，則皆前曰：吾乃爾弟約瑟。昔爾鬻於埃及者，勿緣此自憂自恨。蓋上帝遣我先爾而至，以保爾命。今在境內，已饑二年，更有五載，必無稼穡。上帝遣我先爾而至，存爾後嗣。大援其手，以保爾命。我之至此，非爾所遣，上帝所遣，使我於法老尊其父，兼司宗室，治理通國。爾可速返，見父告之曰：汝子約瑟言，上帝立我爲埃及宰，請來此，毋稽留爾及子孫牛羊，與凡所有，居於珂山，與我伊邇。饑饉尙有五年，我供養爾，庶免眷聚，與凡所有者匱乏。我親與爾言，爾曹與弟便雅憫，皆目覩之。我在埃及所得之顯榮，爾所共見，速返告父，迎之至此。遂抱弟便雅憫頸而哭，便雅憫亦抱其頸而哭。約瑟與諸昆弟接吻而哭，昆弟始與之言。○有聞於法老官曰：約瑟之兄弟至，法老與其臣皆悅。法老命約瑟曰：可囑兄弟，使畜負物，而往迦南，迎父與眷聚就我，我必以埃及嘉物賜爾，享地之膏腴，必遵我命，以埃及之車，迎父以至，并載妻孥。遍埃及之嘉物，皆以賜爾，毋惜爾之器皿。以色列諸子，遵言而行。約瑟循法老命，給之以車，饋之以贖，各贈衣一襲，贈便雅憫金三百，衣五襲。其饋父也，牡驢十，負埃及之嘉物，牝驢十，負粟與餵糧，以爲父贖。遺兄弟歸曰：途間毋相爭競。○遂離埃及，至迦南，見父雅各，告之曰：約瑟尙在，爲埃及通國之宰。雅各不信，不以所言動其心。諸子以約瑟言告父，雅各見約瑟遣車載己，其神活潑，曰：足矣，我子約瑟尙在，我未死，必往見之。○**第四十六章** 以色列攜凡所有，往至別是巴，獻祭於父，以撒之上帝。至夜，上帝於異象中，呼以色列曰：雅各，雅各曰：吾在此。曰：我乃上帝，卽爾父之上帝，爾往埃及，勿懼。我必昌熾爾族，使成大國。我將導爾至埃及，歸爾骨於故土。約瑟將按手於爾，使爾瞑目。雅各離

別是巴衆子以法老所遺之車載其父爰及妻孥雅各驅羣畜攜迦南所有之貨財及子女與孫戚族咸至埃及

以色列衆子至於埃及者其畧如左雅各長子流便流便生哈諾法路希斯崙迦米西面生耶母利雅民阿轄雅斤鎖轄少羅少羅乃迦南女所出利未生革順哥轄米喇哩猶大生叶阿楠示拉法勒士撒拉惟叶阿楠死於迦南法勒士生希斯崙哈母勒以薩迦生陀拉孚亞約百伸崙西布倫生西烈以倫雅利此雅各子孫與女底拿生於巴坦亞蘭屬利亞所出者共三十三人伽得生西非翁哈基書尼以士本以哩亞羅底亞哩利亞設生音拿以書亞以書以庇哩亞及妹西喇庇哩亞生希百抹結此雅各子孫屬拉班所賜利亞婢悉帕所出共十六人雅各之妻拉結生約瑟便雅憫約瑟在埃及娶安之祭司波提非拉女亞西納生馬拿西以法蓮便雅憫生庇拉庇結亞實別其喇乃慢以希羅實母平戶平亞勒此雅各子孫屬拉結所出共十四人但生戶仲納大利生雅泄姑尼耶色示臉此雅各子孫屬拉班所賜拉結婢辟拉所出共七人○屬於雅各同來埃及者共六十六人所娶之媳不與焉約瑟於埃及所生者二人於是雅各眷聚至埃及者共七十人

雅各遣猶大前往見約瑟導至珂山遂至珂山約瑟備車往珂山迓父見之抱頸而哭不輟以色列謂約瑟曰爾其尙存余猶及見雖死無憾約瑟謂父兄曰我將觀法老告之曰昔在迦南我之父兄及眷聚咸至彼有羣畜以牧爲業今驅牛羊及凡所有而至倘法老召爾問汝何業爾當告

曰僕與祖宗自幼迄今牧畜爲業。蓋埃及人視牧者爲不屑。必以珂山爲爾居地。○約瑟觀法老告曰。我之父兄驅牛羊攜所有自迦南至。今在珂山。約瑟簡兄弟五人。導見法老。法老曰。爾操何業。曰僕與祖俱牧羊。近者迦南饑甚。牲畜無芻。故欲旅此。求法老許僕居珂山。法老諭約瑟曰。爾之父兄既至。埃及之沃土。任爾自擇。可使爾父兄居珂山。諸昆弟中有能力者。使爲我牧畜長。○約瑟導父觀法老。雅各爲法老祝嘏。法老問雅各年幾何矣。雅各曰。余旅世年百有三十。較祖旅世之年少。不能相及。且多歷艱苦。雅各再爲法老祝嘏而退。○約瑟循法老命。以埃及之沃土。蘭塞境。賜父兄爲業。約瑟供養父兄眷聚。視其應需而給之。○饑既甚矣。四方無糧。埃及迦南無不窮乏。埃及與迦南人以金易粟。約瑟斂二地所有之金。儲於法老之庫。民間金盡。埃及人見約瑟曰。金盡矣。請予我食。否則斃於爾前。將若何。約瑟曰。金既盡。盡以畜易粟。民牽羣畜就約瑟。約瑟以粟易其馬牛羊驢。是年因易其畜。給之以糧。○歲終。明年又至。曰。我主之前不敢隱。我金已盡。羣畜悉歸吾主。我無所有。惟身與田。主何忍見我身死。而田不治。願以身及田易粟。我與吾田。爲法老所得。第給我以種。田不至於荒蕪。命不至於死亡。饑甚矣。埃及人各鬻其田與法老。約瑟爲法老購之。移埃及四境之民於城邑。惟祭司之田不售。蓋法老頒糧與祭司。祭司食其糧。故不鬻田。約瑟告民曰。今我爲法老購爾及爾田。有種於此。播田可也。穡時當五輸其一。以納法老。四分歸爾。爲種以播田。亦爲爾及爾眷聚所食。曰。爾援我命。願沾主恩。爲法老僕。約瑟立埃及田賦之法。五輸其一。以納法老。獨祭司之田。不歸法老。至今猶然。

以色列族居埃及之珂山。在彼獲業，生育衆多。雅各居埃及十有七年，享壽一百四十七歲。以色列死期將至，召子約瑟曰：「如爲爾所愛，則當置手於吾髀下，必善待我，眞實無妄，誓勿葬我於埃及。我欲與祖父同墓，必攜我骨出埃及，歸葬於先人之兆。」曰：「惟命是聽。」曰：「必發誓，卽誓之。」以色列乃倚床而拜上帝。倚床或曰扶杖

第四十八章 厥後，或告約瑟曰：「爾父有疾。」約瑟攜二子馬拿西、以法蓮至，或告雅各曰：「爾子約瑟來見。」以色列強坐於牀，謂約瑟曰：「昔在迦南之路，斯全能上帝顯現，錫嘏於我，曰：『我必使爾生育衆多，爲羣族祖。』以斯土錫爾、爰及苗裔，以爲恒業。我未至埃及，爾所生二子以法蓮、馬拿西，當視爲吾子，比之流便、西面。嗣後有所生，則爲爾子，必與兄弟共其業。昔我自巴坦至迦南途間，去以法大無幾，拉結死，我葬之以法大途側，後名伯利恒，卽其地。」以色列見約瑟二子，曰：「此爲誰？」約瑟曰：「蒙上帝於斯土，賜我二子，曰：『可攜之前，我爲祝嘏。』」以色列年邁，目昧不明，約瑟攜子於前，以色列吻而抱之，謂約瑟曰：「吾不意覲爾面，上帝復使覲爾子。」約瑟令二子暫離膝前，而自拜伏於地。後攜二子，右執以法蓮，向以色列左，左執馬拿西，向以色列右。如是而前，以色列以右手按季子以法蓮首，左手按長子馬拿西首，非出無意。爲約瑟二子祝嘏，曰：「昔我祖父亞伯拉罕以撒所崇事之上帝，我生及今，牧我之上帝，拯我出患難之天使，願錫嘏童蒙，當爲吾子，爲吾祖父亞伯拉罕以撒之孫，使昌熾於地。」○約瑟見父以右手按以法蓮首，意有不悅，乃舉父手，欲自以法蓮首，移於馬拿西首，曰：「吾父不可，此乃長子，請按右手於其首。」父不許，曰：「吾子，我知之矣，此子亦將

昌大爲一族之祖，惟季必超越於長，其裔必爲羣族祖。是日以色列爲二子祝嘏，曰：斯後以色列族將爲人祝，曰：願上帝賜爾福祉，若以法蓮、馬拿西然。於是立以法蓮於馬拿西之先。○以色列語約瑟曰：我死期將至，上帝必祐爾，使爾返於爾祖所旅之處。昔我以刃以弓，奪亞摩哩人之地，必以頒爾，較諸昆爲尤多。○第四十九章 雅各召衆子曰：當集於前，我將以異日之事告爾。惟爾衆子宜咸集，聽乃父以色列之言。我之冢子，厥惟流便，我力方剛，始鍾爾身，有威有能，惟爾獨擅。然爾多欲，如水之沸，爾上父榻而汚之，故不卓越於昆弟間。西面利未兄弟也，詭詞約人而行殘忍。（雅各一旬或曰其刃是爲殘忍之器）我心不願與同謀，我意不願與共會，其乘怒而殺人，其縱欲而圯垣。（圯垣或曰：厥怒烈，厥氣暴，悉屬可詛，我必分之於雅各家，散之於以色列族，猶大與兄弟必頌美爾，爾父之子伏拜爾前，爾必扼敵之吭，猶大若稚獅，見物則斷傷之，悠然而去，吾子如牡獅，伏視眈眈，亦猶牝獅，孰敢櫻之。猶大族中，代有秉鈞執政之人，待賜安者至，民咸歸之。繫厥驢於葡萄樹，亦維小驢於葡萄樹之佳者，以酒滌衣，以葡萄汁濯服。其目因酒而赤，其齒因乳而白。西布倫將居海濱，泊舟之所，界延西頓，以薩迦如健驢，臥於兩藩間，以靜逸爲可嘉，以土壤爲美觀，仔肩而負荷，入貢以服役。但將治其民，爲以色列族支派之一。但如蛇於途側，蝮於道旁，以傷馬足，乘者下墜，耶和華拯我，我所企望，伽得爲軍所侵，反襲其後，亞設藏有珍錯，王所食之甘旨，悉產其地。納大利歡聲，如旣釋之磨，約瑟如葱蘢之樹，植於泉旁，其枝蔓延踰垣，昔約瑟爲矢人所困，爭競而寤，逐之，特以色列有力之牧者，卽雅各有能之上帝，故其弓仍勁，其手尚強，爾父之上帝，眷祐於爾，全能之

主錫嘏於爾。天上之繁祉，地下之名泉，產有乳哺之福。爾父之福，恒久不已，勝於亙古山嶽所出之寶物。昔約瑟遠兄弟而去，此福必歸其首。便雅憫如狼，斷傷牲畜，朝吞所獲，夕分所得。○此皆以色列十二支派，其父爲之祝嘏，各依其祚，而禱其福。父命之曰：我將返本，當葬我於赫人，以弗崙田中之穴，附吾祖父側。昔亞伯拉罕自赫人以弗崙購迦南地，慢哩相對麥比拉田之穴，以爲塚地。族人於斯土葬亞伯拉罕，及其妻撒拉，亦葬以撒及其妻利百加。我亦葬利亞，其田與穴，購自赫人。雅各命衆子畢，斂足於牀，氣絕返本。○約瑟俯於父面，涕泣而吻之，命延於家之醫士，以香料敷父尸，醫士斂之。斂尸四旬既畢，埃及人哭之七旬。哭期既竟，約瑟告於法老之臣曰：若蒙汝恩，請爾爲我求法老，曰：吾父臨沒時，使我發誓，必葬之於迦南地，所備之墓，容我往彼，葬父而返。法老傳諭，謂約瑟曰：爾父既令汝發誓，可往葬之。○約瑟遂往葬父。法老之臣工侍御暨埃及長老偕行。約瑟眷聚兄弟族人俱往，獨留孩稚牛羊於珂山。車馬同行，大衆成隊。至約但東亞達禾場，哭之甚哀。惟約瑟爲父悲哀七日。迦南居民見其在亞達禾場悲哀，則曰：埃及人大哀，故稱約但東之地曰亞伯麥西。亞伯麥西即埃及人舉哀雅各衆子循父命而行，歸父骨至迦南，葬於麥比拉田之穴，與慢哩相對。昔亞伯拉罕購自赫人以弗崙之塚地，約瑟葬父既畢，則與昆弟偕送葬者咸歸埃及。父既沒，約瑟昆弟懼曰：約瑟必憾我，念我舊惡而報。遂遣人見約瑟曰：父未沒時，已命我儕告爾云：昔諸昆仲待汝不善，吾今令爾宥其過，惟我儕爲汝父上帝之僕，請赦我罪。約瑟聞言而哭。兄弟至前，俯伏曰：我儕願爲爾服役。約瑟曰：毋懼，報施在上帝，豈在我乎。約瑟二旬或曰：我儕代上帝于爾

之待我，雖懷惡念，而上帝反使我有善遇，保兆人之命。至於今日，爾勿懼，我養瞻爾，及爾子女，遂以善言慰藉。○約瑟與戚族居埃及，享壽百有十歲。以法蓮之曾孫，與馬拿西之孫，馬吉之子，約瑟猶及見之，願復於懷。○約瑟謂兄弟曰：我死期將至，上帝必眷顧爾，導爾出斯土，反至所誓賜亞伯拉罕，以撒雅各之地。約瑟使以色列族發誓云：上帝必眷顧爾，爾當攜我骨出於是邦。約瑟享壽百有十歲，乃終，人斂其尸，蓋棺於埃及。

出埃及記

以色列族與眷聚，偕雅各至埃及，其名備載如左。流便、西面、利未、猶大、以薩迦、西布倫、便雅憫、但、納大利、迦得、亞設、與在埃及之約瑟，屬于雅各者共七十人。約瑟與眾昆弟及同時之人，相繼而逝。以色列族生育繁多，昌熾是邦，日以強大。

埃及新王卽位，不念約瑟告民曰：以色列族甚衆，其強過我，莫若施謀以制之，恐其衆多，乘敵至合而攻我，離我國而去。於是法老建比東、蘭塞二邑爲府庫，役以色列人，負戴甚苦，立督以治其事，屈抑愈甚，生育愈繁，故埃及人益息之，嚴督其役，畀以重任，艱苦其身，陶瓦、擣土、力田，所服之役，無不以嚴。○希百來族有收生者，一名十拉，一名部亞。王命曰：爾爲希百來婦收生，見其臨產，若生男則殺之，女則存焉。收生者畏上帝，不遵王命，竟存男子。王召收生者曰：爾不從命，存男奚爲？對曰：希百來婦甚健，收生者未至，子已產矣。與埃及婦異，收生者畏上帝，上帝施恩，克昌厥後。以色列族生育衆多，日以強大。法老命其民曰：以色列族生男則溺於河，生女可全其命。

○有利未族人，娶利未族女，懷妊生子，見子岐嶷，匿之三月，不可復匿，則取菹爲箱，以石油澆青塗之，納之其中，置於河濱蘆葦間。子之姊遙立，視其若何。○是時法老女臨河而浴，其婢遊於河濱，王女見葦間有箱，遣婢取之，啟見有子在焉，子哭，憐之曰：此希百來人子。子之姊謂法老女曰：我往招希百來乳媪，以哺此子，如何？曰：可。乃往招其母。法老女謂之曰：爲我哺此子，我予汝值。婦取子哺之。子少長，母攜見法老女，法老女以爲己子，命名摩西。蓋曰：我拯之於水。○摩西既壯，

至兄弟處見其負戴。又見埃及人擊其兄弟希百來人。摩西顧左右無人，則殺埃及人，掩之以沙。明日又出，見希百來二人鬪，謂不義者曰：何傷爾同儕？曰：孰立汝為有司刑官，以治我乎？昔殺埃及人，今欲殺我乎？摩西意謂事洩而懼，法老聞之，欲殺摩西。摩西避法老往米田，坐於井側。○米田祭司有七女，皆來汲水，欲盈其槽，飲父羣羊。衆牧逐之，摩西助女以飲羣羊。諸女返見祖流耳，祖曰：今日爾歸何速？曰：有埃及人拯我，脫於衆牧手，亦為我汲水飲羣羊。曰：其人安在，因何遣之？請來食餅。流耳欲摩西偕居，摩西悅，流耳以其孫西坡喇妻之，生子命名革順。蓋曰：我為旅於異地。○歷年既久，埃及王薨，以色列族因服役良苦，太息號呼，聲聞於上帝。上帝聞之，追念素與亞伯拉罕以撒雅各所立之約，故眷顧以色列族，特垂念焉。

米田祭司葉羅摩西外舅也。摩西為之牧羊，驅羊至曠野之西，迨上帝之山何烈。耶和華之使於棘火焰中顯現。摩西見棘焚而不燬，曰：我必同步履，觀此異象，棘焚不燬，曷故耶和華上帝見摩西同步履，則自棘中呼之曰：摩西摩西。曰：我在此。曰：爾勿前，解爾屨，爾立之所乃聖地。又曰：我乃爾祖之上帝，即亞伯拉罕之上帝，以撒之上帝，雅各之上帝。摩西蒙其面，不敢觀上帝。耶和華曰：我鑒吾民，受苦於埃及，人督其役，上籲於我，惟我聽聞，知其殷憂，我降臨以拯之，脫於埃及人手，導出其境，以詣至腴至廣之地，其地產乳與蜜，即迦南人，赫人，亞摩哩人，比哩洗人，希未人，耶布士人所處者。埃及人虐遇以色列族，其籲上聞於我，我已鑒之。今將遣爾見法老，導我民以色列族出於埃及。摩西對曰：我何人斯，焉得見法老，導以色列族出埃及乎？曰：我左右爾，爾導

民出埃及必事我於此山。我非無徵以遣爾。摩西曰：我至以色列族告曰：遣我者爾祖之上帝也。彼若詰我，上帝何名，將奚以對？上帝曰：我自有而恒有。爾當告以色列族曰：自有者遣我。又曰：必告以色列族遣爾者，乃其祖之上帝。亞伯拉罕之上帝，以撒之上帝，雅各之上帝。耶和華是。耶和華是耶和華者此我恒久之名，歷世爲誌。爾往屬以色列長老，而告之曰：爾祖之上帝亞伯拉罕，以撒，雅各之上帝，耶和華，顯現於我。曰：我眷顧爾，爾於埃及所受，我無不鑒之。我將脫爾於苦厄，導爾出埃及。至迦南人，赫人，亞摩哩人，比哩洗人，希未人，耶布士人之地。其地產乳與蜜。以色列長老必聽從。爾與之觀埃及王曰：希百來族之上帝耶和華，已降臨於我，請許我詣野，歷程三日，以祭我上帝耶和華。然我知不施其大有爲之手，則埃及王必不許汝往。故我將施我大能，行其異蹟，以擊埃及，行且釋爾。我將使我民得沾恩於埃及人，毋使徒手而去。諸婦必向隣女，與旅於其家者，乞金銀服飾，飾其子女，如是使埃及人之物歸乎爾已。第四摩西對曰：恐以色列族不信從我，言耶和華不顯現於我。耶和華曰：爾所執者何？曰：杖。曰：可擲於地。摩西擲之，遽化爲蛇。摩西避焉。耶和華曰：舉爾手執其尾。摩西舉手執之，仍爲杖。耶和華曰：爾當行是，使以色列族信其祖之上帝。亞伯拉罕之上帝，以撒之上帝，雅各之上帝。耶和華已顯現於爾。○又曰：置手於懷。摩西置於懷，復出其手，竟成癩皓如雪。又曰：再置手於懷。摩西復置而出之，其色與遍體無異。耶和華曰：如以色列族不緣前之異跡信從爾，必爲後之異跡信從爾。設行異跡，而仍弗信從，則以河水傾於陸地，水必變血。摩西籲耶和華曰：我主，自昔迄今爾命我之時，我無能措辭，拙於口病於舌。耶和華

曰。子人以口者誰乎。使人或聾或瘖。或明或瞽者誰乎。非我耶和華乎。往哉。我必助爾說辭。示爾以所當言。曰。我主請遣他人。耶和華不悅。曰。利未族人亞倫爲爾之兄。我知其善說辭。今出迓爾。見爾必喜。汝必告以所當言。我將助汝二人說辭。所必行者。吾以示爾。曹亞倫必爲汝告民。彼之於爾。代播言詞。爾之於彼。代爲上帝。爾當執此杖。以行異跡。○摩西往見外舅葉羅。曰。我昆弟在埃及。未識存否。容我往見之。曰。爾可安然以歸。耶和華在米田。諭摩西曰。欲害爾命者已死。可返埃及。摩西挈妻孥。以驢乘之。執上帝杖以歸。耶和華諭摩西曰。汝歸時。我命爾所行之異跡。爾必行於法老前。法老不釋我民。剛愎厥心。我姑聽之。我姑聽之句或曰我使之然後做此爾可告法老曰。耶和華視以色列族。同於家子。故諭爾云。當釋我子。使爲我服役。不然。必殺爾家子。○摩西行於途。至憩息所。耶和華欲置之死地。西坡喇取利石。爲子行割禮。所斷之皮。擲於足前。曰。爾爲我夫。何殘忍若此。西坡喇言是。蓋爲行割禮也。旣行是禮。耶和華釋摩西。○耶和華諭亞倫曰。詣野迓摩西。乃往迓之於上帝之山。接吻爲禮。摩西以耶和華遣之。使行異蹟。告於亞倫。

摩西亞倫遂招集以色列長老。亞倫以耶和華命摩西言告長老。行異蹟與民前。民篤信之。旣聞耶和華眷顧以色列族。矜其患難。無不稽首崇拜。○摩西後摩西亞倫入告法老曰。以色列之上帝耶和華云。當釋我民。往野守節。法老曰。誰爲耶和華。使我惟命是聽。而釋以色列族乎。我不識耶和華。曷肯釋以色列族。曰。希百來族之上帝。降臨於我。請許我適野。歷程三日。以祭我上。帝耶和華。恐疾疫鋒刃災及我身。王曰。摩西亞倫奚爲阻民操作。爾往。仍爲負戴。又曰。此族衆多。

爾使之不負戴曷故。○是時法老諭督役者與族長曰：厥後此族陶瓦，毋仍給芻，使往自斂。所陶之瓦，其數仍如曠昔，毋容少減。彼憚服役，故號呼曰：容我往祭我之上帝，當倍其工，使之操作，無胥動以浮言。督役者與族長出告以色列族曰：法老命不給爾芻，爾往隨在斂之，工毋少減。以色列族散往，遍於埃及，斂草芥以代芻。督役者促之曰：當日竣其工，與昔有芻無異。法老所委之督，撻以色列族長曰：爾所陶瓦，昔有其數，今不能竣曷故。○以色列族長籲法老曰：曷待僕若是不給僕以芻，而使陶瓦，僕又被撻，咎歸王臣。曰：爾怠矣，爾怠矣，故云。容我往祭耶和華，爾往操作，不給爾芻，所陶之瓦，其數當竣。以色列族長聞日所陶瓦數，毋容減，則知害及乎己。以色列族長觀法老而出，見摩西亞倫，佇立於途，告之曰：爾使法老及羣臣，無不惡我，授刃殺我，願耶和華鑒察而伸我冤。○摩西返，禱耶和華曰：主歟，何爲遣我，以害此族。我遵爾命，入告法老，及至今日，彼荼毒此族益甚，而爾未嘗拯之。○耶和華諭摩西曰：我必施大能，使法老釋以色列族，驅之出境，俾爾目擊。○上帝諭摩西曰：我爲耶和華。昔我顯現於亞伯拉罕，以撒雅各，稱吾名爲全能之上帝，未嘗稱吾名爲耶和華。彼旅於迦南，我與之立約，錫斯土以爲業。今埃及人使以色列族服役，而號呼，升聞於我，我念前約。爾告以色列族曰：我乃耶和華，將拯爾於埃及人，釋爾負戴，罷爾役事，降災以譴爾敵，施能以贖爾身。我必以爾爲民，我亦必爲爾之上帝，使爾知我乃爾上帝。耶和華拯爾於埃及，及釋爾負戴。我耶和華昔有誓言，錫地與亞伯拉罕，以撒雅各。今導爾入斯土，予爾爲業。摩西以此言告以色列族，彼因徵役煩苛，志昏氣餒，置若罔聞。耶和華諭摩西曰：往告

埃及王法老必釋以色列族出其境。摩西對曰：我拙於口，以色列族且不聽，何論乎王。耶和華諭摩西亞倫命埃及王釋以色列族出於其地。○以色列族最著者，臚列如左：以色列長子流便，生哈諾、法路、希斯崙、迦米、流便子孫由是蔓延。西面生耶母利、雅民、阿轄、雅斤、鎖轄、少羅、少羅乃迦南女所出。西面子孫由是蔓延。利未生革順、哥轄、米喇哩、利未享壽一百三十七歲。革順生立尼示，每依其世系。哥轄生暗蘭、以斯哈、希伯崙、烏泄、哥轄享壽一百三十三歲。米喇哩生抹利、母示。此利未子孫，依其世系。暗蘭娶其姑約基別，生亞倫、摩西。暗蘭享壽一百三十七歲。以斯哈生哥喇尼弗、色哩、烏泄、生米沙利、以利撒反、色哩。亞倫娶亞米拿達女，拿順、妹以利沙巴，生拿答、亞庇戶、以利亞撒、以大馬。可喇生亞惜、以利迦拿、亞比亞撒。此可喇之子孫。亞倫之子以利亞撒娶部嫗女，生非尼哈。以上所載，皆利未子孫最著者。昔耶和華命摩西亞倫導以色列族兆民出於埃及，及自後告法老導民出境者，卽其人也。○是時耶和華於埃及地諭摩西曰：我乃耶和華，當以我所諭告埃及王。摩西曰：我拙於口，法老豈聽哉。耶和華諭摩西曰：我使爾代爲上帝，以治法老。使亞倫代爾爲先知，以播言詞。我所諭爾者，汝當言之。使亞倫告法老釋以色列族出其境。法老剛愎厥心，我姑聽之。俟我多施異蹟奇事於埃及地。法老必不聽爾，我則施大能降災於埃及人，導我兆民以色列族出其境。我行是，使埃及人知我乃耶和華。摩西亞倫遵命以行。告法老時，摩西年八十，亞倫八十有三。○耶和華諭摩西亞倫曰：若法老欲索奇事，可使亞倫執杖擲之於法老前，必化爲蛇。摩西亞倫觀法老遵耶和華命以行，亞倫擲杖於法老及羣臣前，遽化爲蛇。

法老召哲人巫覡，卽埃及之博士，亦施厥術以行是事，各擲其杖，俱化爲蛇，而其杖爲亞倫杖所吞。法老仍剛愎厥心，不肯聽從，而耶和華之前言應矣。○耶和華謂摩西曰：法老剛愎乃心，不肯釋民。明日法老詣河，爾往河濱，執化蛇之杖，俟法老至，告之曰：希百來族之上帝耶和華遣我見爾，使釋其民，往詣曠野，爲其役事。迄今爾未聽從，緣此耶和華命我，以杖擊河水，立變爲血，使爾知彼乃耶和華。河水將臭，鱗族將亡，俾埃及人厭棄不飲。○耶和華諭摩西曰：當使亞倫展施其杖，擊埃及水，其江河池沼咸變爲血。於是血徧通國，木石器皿，無不有血。摩西亞倫遵命，於法老及羣臣前，以杖擊河，水咸變血。水臭魚斃，通國有血。此河之水，人不能飲。埃及博士亦施厥術，以行是事。法老剛愎其心，不肯聽從，耶和華之言應矣。法老反宮，不以爲意。河水不能飲，故埃及人沿河濱掘地得水。○耶和華降災於河，歷至七日乃止。○耶和華諭摩西曰：當詣法老，告之曰：耶和華命爾釋其民，爲其役事。不然，必使蛙害境內。蛙必滋生於河，升於王宮，入室上榻，亦入臣民家，而搏麵炊麵之器，莫不遍及。蛙必擾爾，與爾臣民。○耶和華諭摩西命亞倫於江河池沼間，展施其杖，使蛙悉出，遍於國中。亞倫指水，使蛙盡出，充斥埃及。博士亦施厥術，使蛙至於埃及。○法老召摩西亞倫曰：汝求耶和華，爲我與我民驅蛙。我則釋爾族，容其祭耶和華。摩西曰：請約何時，我必代爾與臣民求，驅蛙離王宮民室，仍入於河。曰：定以明日。曰：可如爾言，使知我上帝耶和華無可比擬。蛙必離爾宮及臣民，惟在於河。○摩西亞倫退。耶和華既使蛙害法老，摩西籲之，以除其害。耶和華如摩西言，使第宅里巷田畝之蛙盡斃。人積之成壘，腥臭遍地。法老少覺寬舒。

剛愎厥心，仍不聽從，而耶和華前言應矣。

耶和華諭摩西，命亞倫展施其杖，以擊土塵，使化爲蚋，於是通國之塵爲蚋，曠人與畜，博士亦施厥術，欲生蚋，而術不行，人畜既被曠，博士告法老曰：「此乃上帝施其有能之手，維時法老剛愎厥心，仍不聽從，而耶和華前言應矣。」○耶和華諭摩西曰：「汝夙興，至水濱，俟法老至，告之曰：『耶和華云：汝當釋我民，服役於我，倘爾不從，我必使蠶蠅曠爾與臣民，且充斥宮幃，第宅田畝，我民居於珂山，是時我區別之，在彼必無蠶蠅，使爾知我耶和華治理宇內，區別我民與爾民，明日必行是事。』」耶和華遂使蠶蠅充斥法老之宮，及民第宅田畝，俱罹其災。○法老召摩西亞倫曰：「爾可於斯土祭爾上帝。」摩西曰：「不能，我所宰牲，祭我之上帝，耶和華埃及人，以爲不可宰，如我於埃及人前，宰其所不當宰，豈不以石擊我乎？願詣曠野，歷程三日，以祭我之上帝，耶和華，遵其所諭。」法老曰：「我今釋爾，俾爾詣野，祭爾上帝，耶和華，第行勿遠，願代我祈。」摩西曰：「我退禱於耶和華，明日可驅蠶蠅。」離法老及臣民法老，毋再欺，不釋我族，俾祭耶和華。○摩西退禱於耶和華，耶和華如摩西言，驅蠶蠅離法老與厥臣民，靡有孑遺，是時法老剛愎厥心，仍弗釋以色列族。

耶和華諭摩西曰：「當觀法老告曰：『希百來族之上帝，耶和華，申命汝釋其民，爲其役事。』如不釋而仍強拘之，則爾在田之羣畜，耶和華必降以災，使馬驢駝牛羊，遍染疫癘，以色列羣畜，耶和華必區別之，使毒釐無損耶和華定期日，明日我於斯土，必行是事。次日耶和華果行此，埃及及

人在田之羣畜盡斃。而以色列族之羣畜不死一牲。法老使人矚以色列族之羣畜，俱無恙，仍剛復厥心，不釋其族。○耶和華諭摩西亞倫曰：爾曹當取爐灰盈掬，使摩西向天揚之。於法老前，灰化爲塵，遍於埃及，使通國人畜悉生瘡痍。二人遂掬爐灰，立法老前。摩西向天揚之，使人畜悉生瘡痍。博士與埃及人，均染此疾。故博士不能立於摩西前。法老剛復厥心，仍不聽從。耶和華姑聽之。姑聽之句或曰使之然而所諭摩西之言應矣。○耶和華諭摩西曰：夙興立於法老前，告之曰：希百來族之上帝耶和華云：爾當釋我民，役事於我。不然，我必降災於爾，以及臣民。使爾知我於天下，無可比擬。我欲施大能，降疫癘於爾躬，及爾兆民，滅爾於斯土，亦何不可之有。然我使爾觸與，以顯我能。我名播揚於天下。爾如剛暴，禁阻我民，明日此時，必大雨雹，自埃及肇基迄今，未有若此之甚。今爾在田之羣畜，當使避匿。雨雹時，凡人與畜，在田不歸者必死。法老之臣，畏耶和華命者，使僕衆與羣畜，咸趨歸舍。其不以耶和華命爲意者，僕衆與羣畜，仍遺於田。○耶和華諭摩西曰：以手指天，必有雹雨於埃及，傷人及畜，與通國之田蔬。摩西以杖指天，耶和華使雷震電閃，雹降，遍於埃及。其時電閃雹降，其災甚厲。自埃及肇基以來，未之見也。凡在田之人畜，無不被擊。田蔬悉傷，園木盡折。而以色列族所居之珂山，雹不之及。○法老召摩西亞倫，謂之曰：我過矣，耶和華無不義，我與斯民反之。雷轟雹降，亦太甚矣。請爾禱於耶和華而止之。我必釋汝，更無扞格。摩西曰：我出邑將拱手禱耶和華，雷必卽止，雹不復降。使爾知宇內，悉爲耶和華所治。然我知爾與羣臣，尙未實畏耶和華上帝。當時麩麥初穗，胡麻始華，故麩麥與胡麻俱壞，小麥與粗麥未長，故不壞。摩西退

出色拱手禱耶和華雷雹悉止雨不淋漓。法老見雷息雨雹皆止則與羣臣仍干罪戾剛復厥心不釋以色列族而耶和華諭摩西之言應矣。

耶和華諭摩西曰爾當觀法老與羣臣剛復厥心我姑聽之我姑聽之句或曰我使之然後後此以顯我異蹟於其間俾爾以我所行於埃及之異蹟告爾子孫則知我誠耶和華。○摩西亞倫觀法老曰希

百來族之上帝耶和華諭云爾欲待何時始自卑乎當釋我民以役事我倘不釋我民明日我使

蝗至爾境內周遍於地幾無隙土其未壞於雹者必為蝗所食以及園中植木無不盡焉爾之官

幃臣民之第宅蝗充斥之自爾祖爾父至於今日皆未嘗見也摩西退。○羣臣奏法老曰似此累

我伊於何底宜釋斯族役事其上帝耶和華豈不知埃及已將危亡乎法老乃召摩西亞倫曰爾

往役事爾之上帝耶和華但欲往者為誰摩西曰自老迄幼由于及女爰至牛羊無不俱往以守

節禮奉事耶和華曰我知爾衷懷不善如耶和華庇爾則可但我不釋爾之幼稚同往我如爾所

惟長者往役事耶和華餘弗與遂驅二人出。○耶和華諭摩西曰手指埃及招蝗遍集未壞於雹

之田蔬悉為所食摩西以杖指埃及耶和華令風從東來永朝永夕明晨蝗隨風至蝗至埃及棲

於四境自古迄今至於後世殆亦未有若此之甚蝗遍通國覆蔽全地田蔬園木未壞於雹者悉

為所食樹葉田蔬靡有孑遺。○法老速召摩西亞倫曰我獲罪於爾之上帝耶和華亦獲罪於爾

今姑宥我贖爾上帝耶和華免此大災二人退禱耶和華耶和華令西風驟起悉驅其蝗投之紅

海埃及境內不遺一蝗法老剛復厥心不釋以色列族耶和華姑聽之。○耶和華諭摩西曰以手

...

指天使埃及晦冥暗中摸索摩西指天遍埃及地杳冥幽暗至於三日三日間人不得相見弗能出戶惟以色列族宅有輝光○法老召摩西曰爾可攜子女往役事耶和華止留牛羊摩西曰必給我犧牲燔而祭我之上帝耶和華亦率羣畜弗遺一蹄我必以此役事我之上帝耶和華未臨其地所以奉事耶和華者尙不知以何物○法老剛愎厥心不釋以色列族耶和華姑聽之法老曰爾且退自後毋覲我面覲面之日我必置爾於死地摩西曰可如爾言我不復覲爾矣

第十一章 耶和華諭摩西曰我更降災於法老與埃及民彼然後釋汝驅爾出境汝可語以色列族使諸男女乞金銀飾物於其隣耶和華使斯族沾恩於埃及人時法老之臣民重視摩西○摩西謂法老曰耶和華云我中夜必遍行埃及自居位之法老迄旋磨之婢女凡其長子及羣畜首生者悉置於死號泣之聲遍聞埃及自昔迄今至於後世殆亦未有若此之甚而以色列族由人及畜無犬敢吠使爾知埃及人與以色列族爲耶和華所區別爾之羣臣必咸集伏拜我前求我族衆出爾境然後我乃出摩西言竟怒而退○耶和華謂摩西曰法老必不聽從我將於埃及廣施異蹟摩西亞倫雖施諸異蹟於法老前法老仍剛愎厥心不釋以色列族耶和華姑聽之

第十二章 耶和華於埃及諭摩西亞倫曰爾必以是月爲正月而作歲首當告以色列會衆曰是月十日各家必取一羔若戶小人寡一羔不能盡則與比隣同取隨其人數各如其量取純潔壯羔生未盈歲者綿羊山羊俱可當留至十四日夕以色列會衆宰是羔卽於食羔之室取其血以貫左右楹及門楣是夕炙其肉共無酵餅苦菜而食勿生食勿水烹必火炙首足與臟皆宜食毋

留其餘於明日。若留於明日者，以火燬之。當束帶納履，執杖而食，其速如欲遁者，是為耶和華逾越節之禮。我耶和華是夜將通行通國，擊埃及人長子，與畜首生者，凡埃及人之上帝，我必敗之。惟汝室以血為徵，我見之，將逾越爾室。擊埃及時，災害不及爾身。歷代當誌是日，必守節期，以奉事我耶和華，永著為例。七日間，當食無酵餅，首日必於爾室除酵，自首日至七日，凡食酵者，必絕之於以色列族中。首日必為聖會，七日亦必為聖會，是日勿操作，惟備食則可。是日我導爾羣衆，以出埃及，故當守無酵節期。歷世勿替，永著為例。正月十四日夕至二十一日夕，宜食無酵餅。七日間勿存酵於爾家，無論宗族賓旅，若食酵餅，必絕於以色列會中。有酵者勿食，惟爾家所食者，必除其酵。○摩西屬以色列長老，告之曰：隨爾家之人數，擇羔而宰，以為逾越節禮。以孟威血、東牛膝草、濡血，費門相與橄欖，是夜至明，晨勿出戶。蓋耶和華將通行通國，擊埃及人，見相橄欖血，必逾越其門，不容殘賊者入。擊爾曹，爾與子孫必守此節，永著為例。昔耶和華許以地賜爾，既得斯土，宜行此禮。如爾子孫問曷故行是，當曰：昔耶和華擊埃及人時，逾越我第宅，拯我眷聚，是以守逾越節。奉耶和華，以色列族稽首而拜，遂往遵耶和華所諭摩西亞倫而行。○中夜耶和華通行埃及，自居位之法老，至獄中之罪犯，凡其長子及羣畜首生者，無不被擊。是夜比戶皆有死亡，號泣之聲，遍聞埃及。法老與臣民悉起，召摩西亞倫曰：爾曹與以色列族，速離我民，奉事耶和華。如爾所言，亦驅牛羊，如爾所求，更請為我祝嘏。埃及人促以色列族，速出其境。僉曰：我儕將就死亡。以色列族之濕麵，未置酵，盛於器中，以衣裹之，肩而行，亦從摩西言，乞金銀服飾於埃及人。耶和

華使以色列族沾恩於埃及人遂得所乞之物取之而去。

以色列族自蘭塞過征至數割計其人數婦稚而外壯健者約六十萬。非同族者從行亦衆。羣畜牛羊不可勝數。埃及人促以色列族出境不得滯留故未遑備糧第以所攜無酵濕麵炊爲無酵餅。以色列族旅埃及自祖迄今歷四百三十年。歷年既竟至於是日耶和華之兆民咸出埃及。是夜耶和華拯以色列族出於埃及故當守是日永誌弗忘。至於歷世奉事耶和華。○耶和華諭摩西亞倫曰循逾越節例外人不可食金所購之僕既受割禮則可食。外人旅於爾家及爲爾傭者不可食。食羔必於一室毋攜肉於外其骨不折。以色列會衆宜守此禮。有外人旅於爾家欲奉耶和華守逾越節必使其丁男俱受割禮然後可入會守之。與爾本支無異。未受割者不可食。爾之本支及外人旅於爾家者皆同此例。以色列族遵耶和華所諭摩西亞倫而行。是日耶和華導以色列兆民出於埃及。

第三章 耶和華諭摩西曰以色列族中凡初胎男子首生牲畜皆屬於我當稱爲聖物以獻我。

摩西告民曰是日耶和華以大能導爾出此地脫汝於賤役當誌弗忘毋食酵餅。爾出時乃亞筆

月。亞筆月即節律昔耶和華誓以產乳與蜜之地賜爾祖其地卽迦南人赫人亞摩哩人希未人耶布

士人所屬者既導爾入斯土當於是月守此禮。七日當食無酵餅歷至七日乃守節禮奉事耶和

華七日必食無酵餅酵與酒毋得見於爾境當告子孫昔出埃及耶和華拯我儕故行此禮耶

和華以大能導爾曹出埃及故其法律必述於爾口錄於爾手服於爾類誌之勿失。每年屆期必

守此禮。昔耶和華誓爾祖，以迦南人之地賜爾，既導爾入斯土，則必以初胎男子，首生牲畜，獻於耶和華。首生之驢，必以羔代，否則折其頸。初胎男子，必以金贖。厥後若爾子孫，請爾行此曷故，爾宜告之。耶和華以大能導我出埃及，脫我於賤役。法老剛愎厥心，不釋我出境。耶和華遍戮埃及人之初胎男子，首生牲畜，故我以首生牲畜，獻祭耶和華。其初胎男子，則以金贖。耶和華以大能導我出埃及，故我必錄於手，服於額。法老既釋以色列族出境，上帝不導之，由非利士人之近途，恐民遇戰，或生悔心，旋歸埃及，故由他途導之，沿紅海適野而行。以色列族整其行伍，出於埃及。昔約瑟言上帝必眷顧以色列族，故使民發誓，攜己骨以歸。摩西乃歸其骨，自數割造征，張幕於以籐近野。耶和華導民，無間日夜，晝則導以雲，夜則燭以火，其狀如柱。於是晝有雲，夜有火，弗離於前。○**第四節** 耶和華諭摩西曰：告以色列族，必反比哈希綠境，宜於蜜奪與海接壤之巴力洗分前，瀕海張幕。蓋法老必自謂以色列族迷於野，不得出其藩。法老剛愎厥心，追襲爾後，我姑聽之，迨殲法老，覆其軍，以獲大榮，使埃及人知行是事者，我耶和華也。以色列族遵命而行。○或告埃及王曰：以色列族遭逃於外。法老及羣臣中心悔曰：奚爲釋以色列族，致不役事於我。遂備其車，民盡相從，簡車六百乘，與通國之驕騎軍長，襲其後。法老剛愎厥心，耶和華姑聽之。以色列族毫無畏葸，而出埃及，張幕於瀕海比哈希綠境。巴力洗分前，法老率車馬軍旅追及之。相去伊邇，以色列族見追將及，震驚特甚，呼籲耶和華，亦謂摩西曰：在埃及及豈無塚地，而導我出，使亡於野，曷待我若是。我在埃及時，豈不曰：我姑爲彼役事，與其死於曠野，寧爲埃及人服役。摩西曰：毋

懼耶和華拯爾，可立而待，蓋今日所見之埃及人，後必不復見也。耶和華必代爾戰，爾惟默然耶和華謂摩西曰：曷爲籲我，當告以色列族，遣征勿緩爾。舉杖指海，海立中判，令以色列族行於海中，如履陸地。埃及人必剛愎厥心以襲我，姑聽之。我必勝法老，爰及軍旅車馬，以獲大榮。我行是則埃及人知我乃耶和華。○上帝之使，昔在以色列營前，今遷於後，雲狀如柱，亦離前而立。後間於二營之中，埃及人觀之如黑雲，以色列族望之如巨光，彼此終夜不相近。摩西指海，耶和華使東風驟起，飄揚永夕，水退海判，其間若陸地。以色列族行於海中，若履陸地，左右水如壁立。埃及人車馬與法老軍旅襲其後，至海中，味爽火雲若柱，耶和華於其中俯視埃及營，亂其行伍，脫其車輪，使之難行。埃及人曰：耶和華助以色列族而攻我，我其遁。耶和華諭摩西曰：以手指海，使水反淹其軍，以及車馬。摩西指海，黎明水合如故。埃及人趨而避，耶和華使水阻其前，淹之於海。蓋法老率車馬軍旅入於海中，襲以色列族後，海水回流，軍俱覆沒，靡有孑遺。惟以色列族行於海中，如履陸地，左右水如壁立。是日耶和華拯以色列族，脫於埃及人手。埃及人之屍浮於海濱，以色列人目擊之。耶和華以大能降罰於埃及人，以色列族見而寅畏，篤信耶和華亦信其僕摩西。○摩西與以色列族謳歌頌美耶和華曰：赫兮喧兮，耶和華與當謳歌之馬與乘者俱驅於海。耶和華施能，援手拯我，我爲謳歌。我之上帝，我極其揄揚。我父之上帝，我高其品評。惟耶和華善於戰，惟耶和華著此名。法老軍騎盡驅於海，特選將軍亦沒紅海。如石沉淵，波濤覆之。耶和華顯其大能，施力而羣敵喪亡，作威而仇讎覆滅。其怒如火，燬敵若芻。其揚烈風，使水驟起，濤若

堆立波凝海中。彼敵有言，必追而及，分其貨財，以快我心。出我鋒刃，手殲厥衆。惟爾吹氣，海淹其敵。如鉛之沉，沒於洪水。諸上帝中，上帝或言有能者孰克與耶和華頡頏。至聖至榮，可畏可頌，獨行異蹟。誰堪比擬。爾擊勁敵，地爲吞之。爾拯兆民，恩以導之。自施其能，引至聖室。異邦族類，必聞而畏。非利士民必悚然懼，以東諸伯必穀悚。摩押英豪必戰慄，迦南居民必喪膽。無不驚駭。爾施厥能，敵不敢動。屹然如石，待耶和華所得之民。經其地，聖山恒業，乃耶和華所預備。駐蹕之地，導民進之。安居其所。耶和華爲主宰，至遠靡暨。法老率車馬軍騎入海，耶和華使水回流，盡淹其衆。惟以色列族行於海中，如履陸地。先知婦亞倫姊米哩暗，手執發，諸女亦執發相從，舞蹈而出。米哩暗和其歌曰：赫兮喧兮，耶和華與馬與乘者，盡驅於海。

摩西與以色列族，離紅海遺征，至書耳野。歷程三日，渺不見水。至馬刺，馬刺即得水殊苦人弗能飲。故稱其名曰馬刺。民怨摩西曰：我將何飲。摩西籲耶和華，耶和華示以木，投諸水中，其味卽淡。在彼耶和華設法度，以試其民。曰：爾若從爾上帝耶和華命，行其所悅，循其誠命，守其禮儀，則必醫爾。埃及人所患之恙，必不加諸爾。遂至以林，彼有水泉十二，棗樹七十，近水張幕。

出埃及後，二月有半，以色列會衆離以林，至汎野。其地在以林西，乃間。怨摩西亞倫曰：昔我在埃及，有肉盈鼎，有餅果腹。盍乘此時，死於耶和華手。奚導我於野，使會衆饑而死乎。耶和華諭摩西曰：我必自天雨餅，以贖汝用，使民出外。日斂所需，我行是以試民。果遵我例否。至於六日，所斂必倍其數。所收者民必備之。摩西亞倫告以色列族曰：至夕爾必知耶和華導爾出埃及。

詰朝爾將親耶和華之榮光。我何人斯。奚爲怨我。爾怨耶和華。已升聞於上。又曰。耶和華夕頒爾以肉。朝飽爾以餅。爾出怨言。耶和華已聞之矣。我何人斯。爾所怨者。非我也。耶和華也。摩西使亞倫告以色列會衆曰。耶和華聞爾怨言。使爾進於其前。亞倫言時。以色列會衆向野遙瞻。耶和華之榮光。雲中顯著。耶和華諭摩西曰。以色列族怨言。我已聞矣。當告之曰。夕可噉肉。朝可飽餅。使知我乃爾之上帝耶和華。營壘四周。夕有鴉集。旦有露降。零露初晞。細片如霜。充斥於地。以色列族見而弗識。相語曰。此何物與。摩西曰。此耶和華子爾之餅。耶和華諭爾曰。凡在幕者。取之。視其人數。隨其所需。人各六升。以色列族遵命以斂。寡者有之。多者亦有之。以升量其所入。多取者無餘。寡取者無乏。其斂之也。隨其所需。摩西告民曰。毋留其餘。以待詰朝。有不從摩西言者。留之明日。蟲生臭惡。摩西怒焉。每晨各隨所需而斂。日暴則消。至六日所斂。則倍其數。人各十二升。會衆長來告摩西。摩西曰。此應耶和華言。翌日安息。乃耶和華之聖日。欲炙者炙。欲煮者煮。食既有餘。藏於明日。乃遵摩西命。留之明日。臭不惡。蟲不生。摩西曰。爾可食此。今日安息。奉事耶和華。雖索於野。必不得。六日間當斂之。惟七日乃安息。不能得也。至七日。有適野以斂者。果無所得。耶和華諭摩西曰。斯民不守我誠命。奉我律例。將伊於何底。我耶和華以安息日賜爾。故於六日。子爾宿春。至安息日。必居其所而不離。蓋七日民乃安息。以色列族稱所得者曰嗎喲。狀如薔麥仁。而色白。味甘如蜜餅。摩西曰。耶和華命必以此物充六升。傳於歷代。使知我導汝出埃及。居野時所餉爾者。摩西告亞倫曰。嗎喲六升。藏於器中。置之耶和華前。歷代存焉。亞倫遵命。置於法匱前。以存

之。以色列族食嗎喲，歷四十年，迨至迦南境人跡之處，而後已。六升者，六斗十分之一也。

以色列會衆遵耶和華命，自汎野過征，張幕於哩非停，欲飲無水。民與摩西爭曰：「蓋予

我水。」摩西曰：「奚與我爭？奚試耶和華乎？民渴甚，怨摩西曰：『奚導我出埃及，使我與子及畜燥渴以

死。』摩西籲耶和華曰：『斯民幾欲以石擊我，將若何耶？』耶和華曰：『爾執擊河之杖，率以色列長老，為民

先導。我立於何烈磐上，爾至時當擊斯磐，水由之出，使民得飲。』摩西行是。以色列長老目擊之。以

色列人爭摩西而試耶和華，曰：「不識耶和華果在我中否？」故摩西稱其地曰馬撒。馬撒譯亦曰米利

巴。米利巴譯即爭

亞馬力人與以色列族戰於哩非停。摩西告約書亞曰：「爾當選士卒，詰朝與亞馬力人戰。我執上

帝之杖，立於山巔。約書亞遵命，與亞馬力人戰。摩西亞倫戶耳登於山巔。摩西舉手，則以色列族

勝。垂手，則亞馬力人勝。摩西手疲，不能舉。亞倫戶耳移石使坐，左右扶翼，手不搖撼。至於日入，約

書亞以刃擊敗亞馬力人。耶和華諭摩西曰：「我將滅亞馬力族於天下，當載於簡，口誦之。俾約書

亞聽聞。摩西築壇，稱其名耶和華尼西。尼西譯蓋曰：「因亞馬力手攻耶和華，故與之戰。歷世靡暨。」

第十八章 耶和華上帝扶翼摩西及以色列民，導之出埃及。其時摩西外舅葉羅為米田祭司，風

聞其事，在昔摩西曾遣其妻西坡喇歸於父家，迄今其外舅攜之，以至及其二子。其一摩西命名

革順，蓋曰：「我於異邦為旅，其一命名以列。」撒蓋曰：「我父之上帝扶翼我，拯我脫於法老。」摩西張

幕於野，去上帝之山無幾。其妻孥葉羅攜之，至。或告曰：「爾外舅葉羅挈爾妻孥，偕來斯土。」摩西出

逐之伏拜接吻彼此問安入幕摩西以耶和華緣以色列族故施行於法老與埃及人及在途間歷試多艱賴耶和華援手一切事實俱詳告之葉羅聞耶和華待以色列族特厚脫之於埃及人欣喜不勝曰耶和華既拯爾暨爾同族脫於法老與埃及人手當頌美焉夫埃及人妄自誇大而耶和華超軼其上我故知耶和華較諸上帝爲尤大葉羅遂燔牲獻祭奉事上帝亞倫及以色列長老咸集與葉羅食餅於上帝前○越日摩西坐以鞠民民立於側自朝至暮摩西外舅見其所行則曰汝如是以泄民曷故爾坐而民立自朝迄暮果何意與摩西曰民咸就我諮詢上帝之意耳人與隣里有訟則至我前我折中於其間以上帝律法禮儀告之摩西外舅曰爾之作爲非所宜也事苟繁重汝弗能獨理恐與斯民俱就廢弛我有一策爾其從我以希上帝之眷佑爾在上帝兆民之間可以其事呈於上帝前而教以律法禮儀示以必爲之事必由之道爾於民中簡其具才能慈苞直眞實無妄寅畏上帝者立爲千夫長百夫長五十夫長十夫長使其隨時鞠民事大則告爾事小則自鞠共任此職則爾事輕易舉若爾蒙上帝命以行是事則爾可常存民亦安歸故土摩西聆訓遵外舅之言以行於以色列族中簡才能出衆者立爲民長卽千夫長百夫長五十夫長十夫長隨時鞠民事鉅則往告事細則自鞠是時葉羅返故土而摩西送之行

第十九章 以色列族既出埃及途由哩非停三月朔至西乃野附山張幕摩西陟山觀於上帝耶和華召之曰當告雅各家以色列族云我所行於埃及及民者爾亦目擊譬諸大鷹負雛於翼使爾衆歸我宇內屬我爾果聽我言守我約則於列國中我必以爾爲寶亦爲祭司之國成聖之民役

事於我。爾以此言告於以色列族。摩西乃往屬民長老。以耶和華所命告之。衆論僉同。對曰。耶和華所諭。敢弗奉行。摩西乃以民言覆於耶和華。耶和華曰。我乘密雲。臨格爾上。我與爾言。俾民聽聞。而篤信爾。歷久弗渝。耶和華又曰。汝見此民。使今日明日。潔己濯衣。三日當備。越三日。我必降臨西乃山。顯於兆民山之四周。爾範圍之。告於有衆曰。爾當謹恪。毋陟高崗。毋犯斯境。犯者死無赦。不_レ以手執必矢石攻擊。無論人畜。命莫能逃。迨角聲清越。始可登山。摩西下至民處。使民潔己濯衣。謂之曰。三日必備。勿御爾妻。○三日黎明。雷電交作。黑雲蔽山。角鳴甚厲。遍營之民。無不戰慄。摩西率民出帷幕。佇立山下。以迓上帝。耶和華由火中降臨於西乃山。煙燄四塞。如自洪爐出。山嶽震動。角鳴愈久。聲愈宏遠。摩西禱告。上帝應之以聲。耶和華既降臨於西乃山。自山巔召摩西。摩西登焉。耶和華曰。爾下。告於有衆。勿踰越以窺我。恐多殞沒。親我之祭司亦當自潔。免我震怒。對曰。爾曾諭我。範圍西乃山。以爲聖所。故民不得上。耶和華諭之曰。爾可下。同亞倫上。祭司庶民勿逾越。以上。免我震怒。摩西遂下。以此語告民。

上帝垂誡曰。我耶和華。爾之上帝。導爾出埃及。脫爾於賤役者。余而外。不可別有上帝。毋雕偶像。天上地下。水中百物。勿作像象之。毋拜跪無崇奉。以我耶和華。卽爾之上帝。斷不容以他上帝匹我。惡我者禍之。自父及子。至三四世。愛我。守我誠者福之。至千百世。爾上帝耶和華之名。勿妄稱。妄稱者罪無赦。當以安息日爲聖日。永誌勿忘。六日間宜操作。越至七日。則耶和華。爾上帝之安息日也。是日。爾與子女僕婢牲畜。及遠人主於爾家者。皆勿操作。蓋六日間。耶和華造

天地海萬物，七日止，故耶和華以安息日爲聖日，而錫嘏焉。敬爾父母，則可於耶和華爾上帝所賜之地而享遐齡。毋殺人，毋行淫，毋攘竊，毋妄證，毋貪人宅第，妻室，僕婢，牛驢，與凡屬於人者。○民見雷迅電閃，角鳴烟障，則畏避遙立，謂摩西曰：汝與我言，我則聽從，如上帝與我言，我恐死亡。摩西曰：勿懼，蓋上帝降臨，試於爾衆，俾爾敬畏，毋蹈愆尤。於是民遙立，而摩西至上帝所，幽深玄遠之處。○耶和華諭摩西，使宣言以色列族曰：爾觀我由天與爾言，勿以金銀鑄上帝匹我。當以土築壇，獻牛羊爲燔祭，臚陳其上，亦爲酬恩之祭。凡我使人至籲我名之所，我必臨格，而錫嘏焉。如以石築壇，而奉事我，則毋雕鏤，用器造作，卽爲污穢。升壇毋歷塔，恐露爾下體。

第二十一章 民所當守之法，爾宣布於民。如購希百來僕，可事主六年，七年釋之，不索其贖。若僕之來，孑然一身，其去也亦如是。若與妻偕來，亦必與妻偕去。若主給以妻，生子女，則眷聚屬主，僕孑然而去。僕愛厥主，眷戀妻子，不忍舍去，明以告主，則其主必攜之至士師，附門或門櫪，以鑽貫耳，俾僕恒事其主。如人鬻女爲婢，則不得釋，不與僕同。如主納之而不見悅，是欺之也，則可容其自贖，不可鬻於他族。如已爲子聘，則視之如女，倘別有所娶，則待此女，好合無間，衣食無減，設待之不若是，則容彼自去，毋索其贖，毋傷其財。擊人死者，殺無赦。如殺人非出有意，乃上帝假手於爾，我必示爾以可避之處。如惡謀詭計殺人，雖遁逃於祭壇，亦執以償。擊父母者，殺無赦。詛父母者，殺無赦。攘竊人民，或鬻之，或留之者，殺無赦。彼此相爭，有爲拳石所擊，命弗致傷，委頓床第，後起杖而能行，則擊之者免刑，惟償其失時之值，而醫痊之。如擊僕婢，立斃杖下者，必受刑。倘僕數

日不死，則主不受刑，因以金贖故也。相鬪誤擊妊婦墮胎，而無他害，則當罰金，依夫所定，折中於士師。如有他害，則當以命償命。目償目，齒償齒，手償手，足償足，熱償熱，洩償洩，擊償擊。若擊僕婢而傷其目，必緣其傷而釋之。傷其齒，則必緣其傷而釋之。牛觸男女，致死者，必以石斃牛，不食其肉，無罪牛主。若牛昔嘗觸人，已告牛主，而主不禁，至殺男女，則以石斃牛，牛主償命。若士師令其以金贖刑，則必如數捐之。若觸人子女，亦循此例。若觸僕婢，以金十五給其主，而以石斃牛，或掘阱而不覆其上，或啟井蓋而不掩，致牛墮陷於中，則捐金與主，以償之。已死之畜歸己。若牛觸他人之牛，而致死，則醫生牛，以分其金，死牛分其肉。若人素知其牛，喜於抵觸，而不之禁，則以生牛償人，死牛歸己。若盜牛羊，毋論宰繫，皆當償。盜牛者五倍，盜羊者四倍。宵小穿窬，斃於人手，弗償其命。旭日已升，而被擊死者，必償。盜必倍償所竊，如無有以償，繫之爲奴。如其所竊，或牛羊驢，在盜手尙生者，償之維倍。如牧畜於人之田，或葡萄園，則必以己田己園之佳者償之。如火焚棘，延及露積，或禾稼，或田園，則舉火者必償。如以金以器托友守之，爲盜所竊，盜者被獲，償之維倍。如弗能獲，則解受托之人於士師，察其果取人物與否，毋論牛羊驢衣服諸物，已失之後，爲事主認明者，必見士師，兩造具備，聽士師所斷。償之維倍。如以牛羊驢畜，托友守之，或死傷，或被攘，別無人見，則受托者必指耶和華發誓，自明其一介不取，而畜主必以爲足，不使其償。如畜被盜，則必償之。如被斷傷，即以斷傷示之，而不償。如借人畜，或傷或死，畜主不在，則必償。畜主在，則不償。如爲人僱，既受其值，則毋庸償。如誘未聘之女同寢，則必聘以爲室。其父不欲妻之，則

價以金。如聘禮之數。巫者罪當死。與獸淫合者。殺無赦。我耶和華而外。祭他上帝者。必剪滅之。毋侮旅人。緣昔爾曹旅於埃及故也。勿欺孤寡。若欺之。則其籲我。我必聽聞。我怒必烈。以刃誅爾。寡爾妻。孤爾子。如我民貧乏。而爾貸以金。毋取利。毋迫索。如取人衣爲質。日入必反之。彼以衣蔽體。無此則不能安寢。蓋我以矜憫爲懷。彼若籲我。我必俯聽。勿詛士師。勿詈民長。爾穀既登。爾釀初熟。奉我勿遲。汝初胎之男子。必獻於我。首生之牛羊。七日偕母。越至八日。必獻於我。爾必爲聖民。以奉事我。野獸所斷傷之肉。勿食。投諸犬可也。○**第二十三章** 毋揚虛誕。勿與惡人謀。以爲妄證。毋從俗以行惡。有認立證。毋狗衆以反正。貧者有訟。亦勿徇私。如遇仇之牛驢。迷於歧路。則當牽之返。見憾汝者之驢。負重伏地。則勿遺之。速解其載。貧者有訟。毋反其正。遠諸僞爲。勿殺無辜。毋戮義人。蓋我不釋違義者。毋受賄。蓋賄使明者暗。以直爲曲。毋侮旅人。昔汝爲旅於埃及。故悉旅人之情況。六年間。耕耘田畝。獲其所產。越至七年。以爲閒田。休息不耕。使民之貧者食之。其餘爲野獸食可也。橄欖與葡萄園亦然。六日間宜操作。至七日則安息。使爾牛驢。釋其勞苦。僕婢外人。養其精力。我所諭汝者。必守之。他上帝之名。毋播揚。毋口誦。每年守節禮者三。以奉事我。亞筆月。汝出埃及。屆期必守除酵節。七日間。宜食無酵餅。如我所命。觀我之時。毋徒手而至。爾所植於田者。當初穡時。必守節禮。歲事云暮。盡收所產。亦必守節禮。爾之丁男。觀於我耶和華前。歲凡三次。祭我之牲。其血勿和酵餅而獻。其脂勿留於明日。凡土所出之初實。必進爾上帝耶和華之宮。烹羔勿用羔母之乳。我遣使於爾前。途間爲爾輔翼。導爾至我所備之處。我便至。卽我至。必不宥爾。

愆故當遵其命毋干厥怒。爾誠聽其言遵我所諭則敵爾者我亦敵之。苦爾者我亦苦之。我便必導爾入亞摩哩。赫比哩。洗迦南。希未。耶布士諸族之地。翦滅其衆。彼所奉事之上帝。爾勿崇拜。彼所作爲。爾毋則倣。當摧其偶。毀其像。必奉事爾上帝。耶和華。則爾之飲食蒙于錫嘏。疾病以除。必使爾境內無不妊者。無墮胎者。俱享遐齡。爾所至之地。我必使其民悚懼。潰亂特甚。與爾敵者無不敗北。必使大蜂起於爾前。以驅希未人。迦南人。赫人。一年中我不逐之盡。免土地荒蕪。野獸孳生。我漸逐之。待爾昌熾。以得斯土。我延袤爾境。自紅海至非利士人海。自曠野至大河。斯土之民付於爾手。逐於爾前。毋與其人立約。毋事其上帝。勿容之居斯土。恐誘爾獲罪於我。若奉其上帝。則必陷爾於坎阱。

第十四章 耶和華諭摩西曰。爾攜亞倫。拿答。亞庇戶。同以色列長老七十人。登山遙立拜我。惟爾可近我耶和華。其餘及民皆不可近。摩西以耶和華所諭命令法度。遍告億兆。同聲對曰。耶和華所諭。我必遵行。摩西錄耶和華所命。夙興築壇山下。立十二柱。循以色列族十二支派。遣以色列族少者。獻燔祭。亦獻牛爲酬恩之祭。奉事耶和華。摩西取血半。盛於盂。半灑於壇。以盟約之詞。誦於民聽。僉曰。耶和華所諭。我必遵行。摩西以血灑民曰。此耶和華諭爾之約之血。○摩西亞倫。拿答。亞庇戶。與以色列長老七十人。咸登山。觀以色列族之上帝。其所立之處。如青玉平鋪。如昊天有耀。以色列族之長者。既觀上帝。式飲式食。災害弗加。耶和華諭摩西曰。爾可陟彼高崗。待我以勒石之誠命律法。錫爾。使爾以此訓民。摩西與從者約書亞。與獨登上帝之高崗。未登之先。告

諸長老曰：爾曹處此，待我反，爾有亞倫戶耳在，人有訟事，可往諮取。摩西登崗，有雲蔽之。耶和華之榮光顯於西乃山，雲蔽其上。六日，越至七日，耶和華自雲中召摩西，其榮光狀如火焰，顯於山巔。以色列族無不目擊。摩西登山入雲，凡歷四旬，日夜在焉。○耶和華諭摩西曰：爾告以色列族，宜獻禮物，凡出於心所願者，爾可受之。所受之禮物，卽金三品，紫赤絳三色之縷，與棉、羊毛、牡羊皮之紅者，貂皮、皂莢木、燈油、芬芳之物，可以成膏，可以焚香，璧玉與飾於衣服，黼掛之玉，當爲我構聖室，爰處其中。我所示爾之幕，與器必遵式以造。○以皂莢木作置，長二尺有半，廣與高俱，尺有半，置之內，外飾以兼金，其上四周，悉以金緣鑄金環四，置於四隅，左右各二。以皂莢木作杠，飾以金，兩旁之環，可貫杠以鼻。置杠常貫環，而弗離。我所告汝之律法，宜藏於置，以兼金作施恩之所，長二尺有半，廣一尺有半。用圓輪法作二噤略咪，置施恩之所，兩旁，每旁各一，於施恩所之上，噤略咪高展其翻，覆翼相對，俯視施恩之所。置施恩之所於置上，以我所告之律法，藏於中。我將降臨於噤略咪間。法置施恩所之上，以諭言示爾，使告以色列族。○爾用皂莢木作几，長二尺，廣一尺，高尺有半，飾以兼金，四周悉以金緣。四周之旁，廣約一掌，以金緣之。作命環四，置於四隅，足上環附其旁，可貫杠以鼻。几用皂莢木作杠，以金飾之，俾得鼻几。用兼金作盤，鼎，盂，壺，以灌奠。几上之餅，必恒陳於我前。○用圓輪法作燈臺，其柱，其枝，其蓋，其節，其花，悉以兼金。燈臺出枝凡六，兩旁各三，枝各有蓋，狀似杏仁，有節有花，六枝俱同。柱亦有蓋，凡四，形似杏仁，有節有花。所出之六枝，凡二枝下各有一節，其節其枝，皆用圓輪法，以兼金爲之。臺有燈七，燃之相向。

光輝發越。剪與盤亦以兼金造燈臺與器用兼金千兩。爾惟慎。余於山巔所示爾之模式。爾其遵之。○**第二十八**宜用紫赤絳三色之纓。與編棉作幕幔十。上采織嗒略咪。幔長二丈八尺。廣四尺。諸幔長短維一。幔相連各五。幔之聯絡處用紫纓作紐。次幔亦然。幔上聯絡之處作五十紐。紐相啣接。次幔亦然。作金鈎五十。鈎連諸幔。以成一幕。○以羊毛作十一幔。以蓋幕。幔長三丈。廣四尺。諸幔長短維一。五幔相聯。六幔亦相聯。其六幔宜重複於幕前。幔之聯絡處宜作五十紐。次幔亦然。作銅鈎五十。鈎紐聯爲一幕。餘幔之半必垂幕後。幕幔之餘每旁一尺。垂幕兩旁以蓋之。用牡羊皮之紅者爲幕幃。施貂皮於其上。○以皂莢木作板。立於幕側。各長一丈。廣尺有半。下各二筍相對。幕之衆板其式相同。幕旁之南作二十板。下造銀座四十。板下各有二座。適與二筍相對。幕旁之北二十板。其下銀座四十。板下各有二座。幕旁之西六板。幕隅有二板。幕隅二板一環連其上下。厥板凡八。銀座十六。板下各有二座。以皂莢木作榧。兩旁幕板各五。榧西旁幕板五。榧板中橫榧。由此達彼。板飾以金。作環貫榧。亦以金飾。我於山示汝當建之幕。必遵其式。○用紫赤絳三色之纓。與編棉爲簾。上采織嗒略咪。用皂莢木作柱四。飾以金。簾垂其間。金鈎銀座。旣垂其簾。運法置入。簾隔至聖之室。與聖室相間。施恩之所置於至聖室。法置上。簾外幕北設几案。幕南置燈臺。遙與相對。用紫赤絳三色之纓。與編棉繡幃爲幕門。用皂莢木作柱五。以金飾之。金鈎銅座。以垂其幃。○**第二十九**宜用皂莢木作方壇。長廣俱五尺。高三尺。四隅作四角。亦以木爲。以銅飾。灰盤盃孟鈎鼎。諸器悉以銅作。以銅作羅網。網之四隅綴以銅環。壇中四圍作綠置網。用皂莢

木作杠，飾以銅。壇兩旁置環，貫杠以昇壇，以板作，而空其內。山上所示爾者，必遵其式。○幕四周有場，編棉作帷以圍之。南旁之帷長十丈，柱二十，銅座二十，鈎與桁悉以銀爲。北旁之帷長十丈，柱二十，銅座二十，鈎與桁亦以銀爲。西旁之帷廣五丈，柱十，座十，場之東旁廣五丈，左旁之帷長丈五，柱三，座三，右旁之帷長丈五，柱三，座三。用紫赤絳三色之纓，與編棉繡幃爲門，長二丈，柱四座四，場四圍之柱鈎桁俱以銀爲。座則銅鑄，編棉作場帷，長十丈，廣五丈，高五尺，其座皆銅。幕釘場帷之釘，與幕中所用之器悉以銅製。○宜告以色列族，取橄欖穢油，惟潔是務，使燈常燃。會幕中，法匱前之簾外，亞倫與其子自夕達旦，必燃明燈於我耶和華前，爲以色列族歷代之永例。

第十八章 以色列族中，簡爾兄亞倫，以爲祭司，爰及其子拿答、亞庇戶、以利亞撒，以大馬奉事於我，宜爲爾兄亞倫製聖衣，以彰華美。我以神感人，使有慧心，爾告彼製聖衣。亞倫服之，區別其爲祭司，而奉事我。取金，與紫赤絳三色之纓，與編棉製聖衣，卽繡掛公服，長衣、采衣、冠帶。亞倫與其子服之，以爲祭司，而奉事我。取金，與紫赤絳三色之纓，與編棉繡爲公服，肩之兩旁前後相連，用金，與紫赤絳三色之纓，與編棉繡公服之紳，將璧玉二，上鑄以色列族名，依其生齒。每玉列名凡六，猶玉工鑄印然，鑄以色列族名於二玉上，鑄金二方，嵌玉其中，置二玉於公服之肩。於是亞倫必負以色列族名於我耶和華前，以爲記錄。鑄金二方，編兼金爲二索，繫於金方。○用金，與紫赤絳三色之纓，與編棉繡繡掛，用以鑑察事理，制同公服，繡掛方而複，長廣之數，布指爲度。置玉其中，凡有四行，瑪瑙、淡黃玉、葱珩爲一行，紅寶石、青玉、金鋼石爲一行，赤玉、白瑪瑙、紫玉爲一行。

黃玉、碧玉、璧玉爲一行，鑄金爲方，嵌玉其中。玉上用鑄印法，鑄以色列族十二支派之名。編兼金爲索，以綴黼掛。用金鑄二環，置於黼掛兩旁之上，以金索之末繫其環，以索之端置二金方，加於公服肩前。製二金環，置於黼掛兩旁之下，在公服前。黼掛內，又作金環二，置於公服兩旁下，向前於交接之處相對，在公服繡紳之上，以紫帶繫黼掛環，與公服環相連於紳上，使黼掛不離公服。黼掛用以鑑察事理。亞倫進聖所，觀我時，必服於膺前，念以色列族名不輟。以烏陵土明烏陵土明即光無玷置於黼掛。亞倫觀我耶和華時，必服之膺前，爲以色列族鑑察事理於我前，恒久不輟。○必用紫纓，製公服內之長衣，當肩之中，必留空隙，用組織法製領，隙之四周，如甲衣然，使衣不敝。衣褶四周之下，用紫赤絳三色之纓爲緣，狀若石榴，間以金鈴。衣之四周，石榴與金鈴相間。亞倫出入聖室，奉事我耶和華時，必繫此鈴，使聲遙聞，免於死亡。○必鑄兼金爲匾，以鑄印法鑄字於上，曰：爲聖以事耶和華。繫以紫帶，戴於冠前。亞倫必恒戴於額，以色列族獻諸聖物，恐有罪愆，惟亞倫任厥過。莫我耶和華悅納。織棉縱橫相間，製爲衣冠，惟紳則以絺繡。○爲亞倫子製衣服，冠帶以彰華美，使亞倫及其子服之，沐以膏，俾其成聖，任爲祭司，以奉事我。以臬織禪，自腰及髀，蔽厥下體。亞倫與子進會幕，近祭壇，役事於聖所之時，必衣此服，免蹈罪愆，至於死亡，以此永著爲例。歷世勿替。○**第三十章** 如欲使之成聖，爲祭司而事我，宜取犢二，牡、綿羊二，純潔是務。用麥粉製饅，與和油之餅，抹膏之薄餅，俱弗置醇，盛之於筐，可以提挈，犢與二羊，亦牽之至。攜亞倫及其子至會幕門外，以水濯之。衣亞倫以衣，及公服，黼掛，與公服下之長衣，束以繡紳，以冠冠首，上加聖冕。

斟香膏，膏其首，攜其子來，衣以衣，束以紳，冠以冠，使亞倫及子任祭司職，永著爲例。宰犢至會幕前，使亞倫及子按手其上。當我耶和華前，必宰是犢，於會幕門外，指染其血，灑於壇上之角。餘血傾於壇下，以蓋臟之脂，及肝片，左右腎，與其膏，燔於壇上，其肉皮，遺矢，管外，蒸之。此贖罪之祭也。牡綿羊一，牽之，以至，使亞倫及子，按手其上。必宰是羊，灑血於壇四周，剖分其羊，洗臟及足，使已剖者與首，仍合爲一，以羊全體，蒸於壇上，蓋爲燔祭，取其馨香，以奉事我耶和華。又宰牡綿羊一，使亞倫與子，按手其上。宰羊取血，灑於亞倫及子右耳上，與右手足之巨擘，亦灑血於壇四周。取壇上之血，與所沃之香膏，灑於亞倫及其子之身與衣，使彼身及衣，可得成聖。蓋獻是羊，使亞倫任職，故取羊尾之脂，蓋臟之脂，肝片，左右腎，與其膏，暨右肩，在我前，無酵餅筐中，取圓饅一，和油餅一，薄餅一，均置於亞倫及其子之手，使搖於我耶和華前，以爲奉獻。爾自其手接之，蒸之於壇，加於燔祭之上，獻於我前，取其馨香，以奉事我。此爲燔祭。任亞倫爲祭司時，所獻之羊，必取其腔，搖於我前，是腔，爾可得之。既任亞倫及其子爲祭司，而獻羊，必以所搖之腔，所舉之肩，爲聖物。厥後以色列族，獻酬恩之祭，既以羊腔，羊肩，舉於我前，則必以是歸亞倫及其子，著爲永例。亞倫之聖衣，必遺其子孫，使衣之，以受香膏，任爲祭司。凡其子孫，代爲祭司，進會幕，役事於聖所，必衣是衣。歷至七日，任亞倫爲祭司時，所獻之羊，必於聖所，水烹其肉，亞倫與子，必於會幕門前，食羊及筐中之餅。爾以是羊，爲亞倫及其子贖罪，任之爲祭司，故使彼食之。外人則不可食，蓋聖物也。如以肉與餅，留於明晨，則勿食，必蒸以火，蓋聖物也。爾必遵我所諭，以是禮施於亞倫及其子，歷至

七日任爲祭司。日獻燔一於壇，爲贖罪之祭。既潔其壇，必沃以膏，俾得成聖。歷七日，必獻贖罪之祭於壇，使其成聖。於是壇爲至聖，惟成聖者可近其側。用未盈歲之羔二，日陳於壇。晨一，暮一，清晨獻羔，宜取粉六升，和清油二斤有半，酒二斤有半，以爲灌奠。既暮獻羔，所行之禮，所灌之奠，一如清晨彼爲燔祭，取其馨香，以奉事我耶和華。會幕前，我必蒞臨，與爾晤言。故當於此燔祭，歷代勿替。我必蒞臨，與以色列族晤對，顯著榮光，成聖其地。我必使會幕祭壇，巋然成聖。亞倫及其子，亦成聖，任爲祭司，以奉事我。我必處以色列族中，爲其上帝，使知拯民出埃及，居於其中者，卽我耶和華爲其上帝。

必以皂莢木作壇，焚香其上。形製維方，長廣俱一尺，高二尺，其角亦以木爲。壇上與四旁及角，均以兼金飾之。四周之緣，必以金。兩旁緣下，必作金環二，貫杠以昇壇。用皂莢木作杠，飾之以金。於法匱簾外，施恩所前，我蒞臨之處，必置其壇。清晨修燈時，亞倫必焚香於其上。薄暮燃燈時，亦必焚香於其上。炷香我耶和華前，歷代勿替。於此壇上，毋燔犧牲，毋獻禮物，毋行灌奠，香不以法製者，亦勿焚。亞倫必歃血於壇角。歲凡一次，代民贖罪，是爲至聖，以奉事我，永世勿替。耶和華諭摩西曰：爾核以色列族人數時，必使各獻禮物於我，以贖己命。則核數之時，可免災害。凡被核者，必獻我金二錢有半，卽二十五分，權衡其金，必循聖所之法。二十歲以上，被核者，必奉我金。富無所加，貧無所減，惟金二錢有半，奉獻於我，以贖其命。必由以色列族取金，爲會幕之役事。此金既獻於我，我必眷念以色列族，以贖其命。○耶和華又諭曰：必用銅作盤，與座，以備洗濯。

置於會幕祭壇間，盛水其中，使亞倫與子在彼盥手濯足，進會幕近祭壇，燔犧牲時，必盥手濯足，免於死亡，此爲亞倫及其子之永例。歷世勿替。○又諭曰：必取芬芳之上品，卽清沒藥五百分，香桂二百五十分，香菖蒲二百五十分，肉桂五百分，和以橄欖油十斤，權衡其數，必循聖所之法，以調劑之法，製爲聖膏，必以是膏塗會幕與法匱，几案燈臺與其器皿，香壇祭壇與其器皿，盤與座，均使之爲至聖，惟成聖者可近其側。以膏膏亞倫及其子，使之成聖，任爲祭司，而奉事我。當告以色列族曰：此香膏乃聖物，以奉事我，歷世勿替。此膏必以爲聖，惟膏祭司，毋膏他人，毋遵是法調劑他膏。凡遵是法調劑他膏，或以之膏他人者，必絕於民中。○耶和華又諭曰：必取芬芳之品，卽吟寔、吡喚、喇、嚇、毗、吟、和、乳香之清者，權之必相等，以調劑之法，加鹽製香，潔清成聖。此香至聖，膏之必細置於會幕法匱前，在彼我必蒞臨。此香必以爲聖，而奉事我，若更製香，弗得仍循是法。凡循是法而製香，以芳馨悅己者，則必絕之民中。○第三十一章 耶和華諭摩西曰：猶大支派，戶耳孫烏利子庇撒列，我特簡之，以我神感之，使有聰明智慧，能知工巧，其所造作惟尙奇技，製金三品，能鑄玉，以飾服，能雕木，作諸工，但之支派亞希撒抹子亞何利巴，我使之相輔，凡有聰明者，我更賜以慧心，俾遵我諭而締構會幕法匱，與施恩所暨幕中器皿，几案，金燈與其器皿，香壇祭壇，與其器皿，盤與座，覆蓋之布，祭司亞倫之聖衣，及其子之衣，以盡祭司之職，香膏芬芳之品，以爲聖事，悉遵我命而作。○耶和華諭摩西曰：告以色列族云：必守我安息日，於爾我間，歷世爲徵，則知我乃耶和華使爾成聖。故當守安息日，以爲聖日，凡瀆之者，殺無赦，操作於是日者，必絕之。

民中。六日間宜操作。越至七日。則安息。是爲聖日。以奉事我。凡於安息日操作者。殺無赦。以色列族必守安息日。以自休憩。此乃永約。歷世勿替。於我及以色列族間。永世爲徵。蓋六日間。我耶和華造天地。七日止。而憩息焉。上帝於西乃山。旣與摩西言。手書律法於二石碑。以賜之。

民見摩西遲迴於山下。則集亞倫前。曰。摩西率我出埃及。今彼不知所往。爾盍鑄上帝像。爲我先導。亞倫曰。爾妻孥垂耳之金環。脫以予我。民卽脫之。以授亞倫。亞倫受之。鑄其金。刀刻爲犢。有稱之者曰。以色列族乎。導爾出埃及之上帝。卽此。亞倫見之。築壇其前。示衆曰。詰且節期。奉事耶和華。夙興燔牲獻祭。亦獻酬恩之祭。民坐而飲食。起而舞蹈。○耶和華諭摩西曰。爾必下。爾所導出埃及之民。已喪厥心。我所諭之道。彼違甚速。鑄犢崇拜祭祀。稱之曰。以色列族乎。導爾出埃及之上帝。卽此。又曰。我觀此民。強項不馴。爾勿阻我。我怒甚烈。盡滅斯族。昌熾爾裔。以成大邦。摩西於其上。帝耶和華前。求之曰。昔爾以巨能大力。導斯民出埃及。今何怒之甚烈乎。浸假行是。則埃及人必將曰。耶和華旣導民出。反欲加害。殺之山中。滅之於地。爾其息怒。勿害斯民。求爾憶念爾僕。亞伯拉罕。以撒。以色列。昔爾指己而誓。必熾昌其後。如天星之衆多。錫以所言之地。俾爲永業。耶和華聞之。悔其前言。不加禍於民。○摩西旋踵下山。攜律法之二碑於手。碑成於上帝。前後各有文字。上帝所書。勒於石。約書亞聽民大呼。謂摩西曰。營中有鬩聲。又曰。我聽其音。非勝非敗。乃謳歌之聲。摩西近營見犢。有民舞蹈。怒擲二石碑。折於山下。取犢。蒸以火。搗爲粉。揚於水。令以色列族飲之。謂亞倫曰。斯民何負於爾。使陷重罪。亞倫曰。我主勿怒。爾知斯民。惟惡。

是作謂我曰摩西導我出埃及今彼不知所往爾盍鑄上帝像爲我先導我曰凡有金者脫而子我我投之火此憤以成摩西見亞倫縱民廢弛軍律易敗於敵乃立營門曰孰崇耶和華可歸我利未族歸之摩西曰以色列之上帝耶和華曰衆必繫刀於腰出入營門殺其兄弟友朋隣里利未族從其言是日以色列民死亡者不下三千人摩西曰今日爾任職奉事耶和華攻爾子女兄弟如是耶和華錫爾純嘏○詰旦摩西告民曰汝陷罪甚重我陟山觀耶和華庶幾可贖爾罪摩西復觀耶和華曰斯民以金鑄上帝陷罪甚重請爾恕之不然則我名錄於爾書者爾其塗抹耶和華曰獲罪我者其名錄於書我必塗抹我使必行於爾前爾往導民至我所言之處迨降罰日我必罰之緣民使亞倫鑄犢故耶和華降災於民○爾往導耶和華謂摩西曰昔我與亞伯拉罕以撒雅各立誓以產乳蜜之地錫其苗裔爾既導斯民出埃及必率之往彼我將遣使於爾前驅迦南人亞摩哩人赫人比哩洗人希未人耶布土人爾族強項不馴我不與之偕往恐途中爲我翦滅又曰告以色列族云爾衆強項不馴我如速臨必翦滅爾衆盍去爾文飾我試思之將何以待爾以色列族聞是言愀然以憂在何烈山去其文飾○摩西移幕營外離營少遠稱曰會幕凡欲求耶和華者出營詣會幕摩西適會幕民立於己幕門瞻望摩西迨及入幕入時雲狀如柱下止幕門耶和華與摩西言民目擊之各於幕門俯伏以拜耶和華與摩西晤對如人與友相語摩西歸營惟嫩之子約書亞爲摩西從者弗離於幕摩西籲耶和華曰爾使我導斯民將遣誰偕我往爾未嘗告我惟爾曾曰我知爾有素施爾以恩誠如是也請以爾待是民之道示我則知

我沾恩爲不虛，蓋是族乃爾民焉。耶和華曰：我必偕往，俾爾安居其所。摩西曰：若弗偕往，毋導我出此。我與爾民沾恩，於何知之，以爾與我儕偕往，使我儕超越於天下兆民，是以知之。耶和華曰：我知爾有素，施恩於爾，故爾所求者，我必爲之。曰：請顯爾榮光，使我目擊。曰：我所矜恤者矜恤之，我所憐憫者憐憫之，故必顯著我德，宣播我名，俾爾聞知。惟不許爾觀我面，民而矚我，難保其命。又曰：於此有磐，可駐爾足，磐有穴，我引爾入焉，以手掩之。俟榮光既過，則弗蔽蓋，爾觀我後則可。瞻我前則不可。○摩西曰：耶和華諭摩西曰：昔爾毀石碑，今又製二碑，我書其上，一如前言。詰旦爾可陟西乃山，待我於山巔，他人不得偕登山之四周，人民當斂跡，牛羊不齧草。○摩西遵耶和華命，製二碑如前，夙興，執之登山。耶和華乘雲降臨，與摩西同在，自稱其名爲耶和華。過摩西前曰：耶和華全能之上帝，仁慈矜憫，恒恩施恩，真實無妄，錫恩於人，至千百世。人蹈罪愆，可蒙赦宥，恒於惡者，不蒙赦宥，禍及其身，自父及子，至三四世。摩西速稽首伏拜，曰：如沾主恩，請與偕往。斯民雖強項不馴，望赦我儕之罪戾，使我儕恒爲爾民。耶和華曰：吾今立約，將行異蹟於爾民前，自昔以來，天下兆民，未之見也。四周之民，見我行是，恐懼特甚。今日所諭，爾必守之，我將驅亞摩哩人、迦南人、赫人、比哩洗人、希未人、耶布土人於爾前，爾所往之地，勿與其民立約，恐陷爾於坎阱。必摧其壇，毀其像，斫其偶，斷不容爾以他上帝匹我，此乃我耶和華之名也。故他上帝爾勿崇拜，勿與居民立約，恐彼狗欲從其上帝而獻祭，遂招爾曹共食祭物，恐爾取其女爲媳，其女狗欲從其上帝，以惑爾子，亦狗欲以從。毋鑄上帝像，宜守除酵節，昔亞筆月，爾出埃及，故於是月，當

食無酵餅。七日。遵我所命。凡初胎男子。與首生之牛羊。其牡者屬我。驢之首生。必以羊代。否則折其頸。初胎男子。必以金贖。觀我之時。毋徒手而至。六日。問宜操作。至七日。則安息。雖時當稼穡。亦必安息。麥秋之初。必守七七。日爲節期。歲聿云暮。盡收所產。亦必守節期。爾之丁男。觀於我。耶和華。以色列。上帝前者。歲凡三次。我必爲爾驅除其民。恢廓爾境。我爲爾之上帝。耶和華。爾必觀我。歲凡三次。於此時。必無人覬覦爾地。祭我之牲。其血勿和酵餅而獻。逾越羔勿留於明日。凡土所出之初實。必進爾上帝耶和華之宮。烹羔。毋用羔母之乳。耶和華諭摩西曰。我與爾及以色列族立約。必循斯言。筆之於書。摩西與耶和華居四旬。無論晝夜。不飲不食。耶和華以所約之十誡。書於二碑。○摩西與耶和華言時。容光激射。而不自覺。手執法碑二。下西乃山。亞倫及以色列族見之。則畏避遙立。摩西招亞倫與會長來前。而與之言。以色列族既前。摩西以耶和華在山所諭者。宣於有衆。摩西言竟。取帕蒙面。入與耶和華言。則去其帕。出以所諭。普告以色列族。以色列族見摩西之容。光輝激射。摩西復以帕蒙面。迨入與耶和華言。而去之。

至七日。以爲聖日。奉事耶和華。於焉憩息。是日。操作者必死。爾宅第中。是日。毋舉火。○又告以色列會衆曰。耶和華諭爾云。爾曹從心所願。以獻禮物於我。耶和華。卽金三品。紫赤絳三色之纓。與棉羊毛。牡羊皮之紅者。貂皮。皂莢木。燈油。芬芳之物。可以成膏。可以焚香。璧玉。與飾於公服。黼掛之玉。爾曹有慧心者。必至而造作。遵我所諭。會幕。與蓋。鈎。板。榘。柱。座。置與杠。施恩所。及簾。几。與杠。

器及陳設之餅，常燃之燈臺，與盞、燈油，及器悉備。香壇及杠，塗有膏沐，焚有馨香，幃爲幕門，祭壇銅羅網，與杠及器盤，與其座，場帷及柱與座，幃爲場門，幕釘場帷釘，及索，覆蓋之布，適聖所之用。祭司亞倫之聖衣，及其子之衣，以盡祭司之職。○以色列會衆乃退。凡男女傾誠樂輸者，咸至耶和華前，獻禮物，作會幕製聖衣，盡役事，或攜手劍、鼻環、指環，或攜垂項之珠、金鑄器皿，悉以金奉耶和華。凡有紫赤絳三色之縷，與棉、羊毛、牡羊皮之紅者，貂皮，悉攜之至，欲以銀銅獻耶和華者，亦攜之至。有皂莢木，宜於造作者，亦攜之至。凡婦具慧心，組織紫赤絳三色之縷，與棉，將所織者以獻。凡婦傾誠樂輸者，組織羊毛，用智慧以成。會長攜璧玉，與飾公服繡掛之玉、燈油、芬芳之物，可以成膏，可以焚香。以色列族諸男女，樂輸禮物，獻耶和華。於是耶和華諭摩西者，無不造作。○摩西告以色列族曰：耶和華特簡猶大支派戶耳孫烏利子庇撒列，感以上帝之神，使有聰明智慧，能知工巧。其所造作，惟尙奇技，能製金三品，能鑄玉，以飾服，能雕木，能爲奇技，亦能誨人。耶和華更賜但之支派亞希撒抹子亞何利巴，以爲輔助，賜慧心於二人，使作諸工，卽雕木、織布，以紫赤絳三色之縷，與棉，采織絺繡。凡工之織巧者，皆能製焉。

耶和華以聰明智慧，膺衆人之衷，使與庇撒列、亞何利巴，同爲聖所役事，與作諸工。看耶和華所命。摩西招集庇撒列、亞何利巴，與耶和華所賦聰明智慧者，及凡心願操作者，就已與工。以色列族獻禮物，爲作聖所之材，悉以授之。民又日獻禮物。時構聖所，諸智者暫止操作。就摩西曰：民所獻者，與耶和華所命之制度相較，綽有餘裕。摩西傳命諸營曰：男女毋再造作，以獻

聖所民乃止。蓋所有之材，以作諸工，有贏無紕。於是諸智者製會幕，用紫赤絳三色之纁，與編棉作幕幔十，上采織噤略咪，長二丈八，廣四尺，幔之長短維一，幔相連各五，幔之聯絡處，用紫纁作紐，次幔亦然，幔上聯絡之處，作五十紐，紐相啣接，次幔亦然。又作金鈎五十，鈎連諸幔，以成一幕，以羊毛製十一幔爲幕蓋，幔長三丈，廣四尺，幔之長短維一，五幔相聯，六幔亦相聯，幔之聯絡處，作五十紐，次幔亦然，作銅鈎五十，聯爲一幕，用牡羊皮之紅者爲幕幃，施貂皮於其上，以皂莢木作板，立於幕側，各長一丈，廣尺有半，下各有二筍相對，幕之衆板，其式相同，幕旁之南，二十板，下造銀座四十，板筍下各二座，幕旁之北，二十板，其下銀座四十，板下各有二座，適與二筍相對，幕旁之西，六板，幕隅有二板，幕隅二板，一環連其上下，厥板凡八，銀座十六，板下各有二座，以皂莢木作榿，兩旁幕板，各五榿，西旁幕板，左右五榿，板中橫榿，由此達彼，板飾以金，作環貫榿，亦以金飾，用紫赤絳三色之纁，與編棉爲簾，上采織噤略咪，用皂莢木作柱四，飾以金，金鈎銀座，用紫赤絳三色之纁，與編棉，繡幃爲幕門，作柱五，柱首與橫榿俱飾以金，金鈎銅座。○**第三十七章** 鹿撒列用皂莢木作置，長二尺有半，廣與高俱，尺有半，置之內，飾以兼金，其上四周悉以金緣，鑄金環四，置於四隅，左右各二，以皂莢木作杠，飾以金，兩旁之環，可貫杠以昇置，以兼金作施恩之所，長二尺有半，廣一尺有半，用圓輪法，作二噤略咪，置施恩所之兩旁，每旁各一，於施恩所之上，噤略咪高展其翻，覆翼相對，俯視施恩之所，用皂莢木作几，長二尺，廣一尺，高尺有半，飾以兼金，四周悉以金緣，四周之旁，廣約一掌，以金緣之，作金環四，置於四隅，足上環附其旁，貫杠以昇几，用

皂莢木作杠，以金飾之，俾得昇几。用兼金作盤，鼎、盃以灌奠，及几諸器皿，用圓輪法，作燈臺。其柱其枝，其蓋其節，其花悉以兼金。燈臺出枝凡六，兩旁各三，枝各有蓋，形似杏仁，有節有花。六枝俱同，柱亦有蓋凡四，形似杏仁，有節有花，所出之六枝，凡二枝下，各有一節，其節其枝皆用圓輪法，以兼金爲之。臺有七蓋，剪與盤亦以兼金。造燈臺與器，用兼金千五百兩。用皂莢木作香壇，其形維方，長廣俱一尺，高二尺，其角亦以木爲。壇上與四旁及角，均以兼金飾之。四周悉緣以金，兩旁緣下作金環二，貫杠以昇壇。用皂莢木作杠，飾以金，亦製聖膏，與潔香，用法和之，調劑維宜。○

第三十八節 用皂莢木作祭壇，形製維方，長廣俱五尺，高三尺，四隅作四角，亦以木爲，以銅飾。灰盤、盃、孟、鈎、鼎諸器，悉以銅作。壇中四圍有緣，以銅作羅網，而置其上，鑄四銅環，置於銅羅四隅，用以貫杠。用皂莢木作杠，飾以銅，貫杠於壇兩旁之環，以昇之。壇以板作，而空其內。婦女從事於幕門，取其銅鏡作盤與座。幕四周有場，編棉作帷，以圍之。南旁長十丈，柱二十，銅座二十，鈎與桁悉以銀爲。北旁之帷長十丈，柱二十，銅座二十，鈎與桁亦以銀爲。東廣五丈，門左之帷長丈五，柱三座三，門右之帷長丈五，柱三座三，四周場帷悉編棉爲之。柱座皆銅，其鈎與釘悉以銀。柱頂以銀飾，場帷之桁亦以銀爲。用紫赤絳三色之纒與編棉，繡幃爲門，長二丈，高五尺，制同場帷。柱四座四，其鈎以銀爲。柱頂橫桁悉以銀飾。幕與場帷之釘俱以銅製。○以上所載悉屬法幕之用，乃摩西命祭司亞倫子以大馬偕利未族人治理猶大支派戶耳孫烏利子庇撒列循耶和華命，構造此幕，但之支派亞希撒抹子亞何利巴以相

輔佐彼能雕刻，用紫赤絳三色之纒，與棉爲絺繡，所獻之金，以作聖所者，循聖所權衡計之，得四萬三千八百七十五。核算會衆二十歲以上者，計六十萬三千五百五十人，各獻銀一吡伽，卽二錢有半，循聖所權衡計之，共十五萬八百八十七兩半，用銀十五萬兩，鑄聖所諸板之座，與幃柱之座，座計一百，每座一千五百兩，共用銀十五萬兩，用八百八十七兩半，作柱鈎，亦以銀飾柱頂橫桁，所獻之銅計十萬六千二百兩，作會幕門柱之座，銅祭壇，銅羅網，及諸器，場四周，及門帷柱之座，幕與場帷所有之釘，悉以銅製。○第三十九章 用紫赤絳三色之纒，製覆蓋之布，適聖所之用，亦製亞倫聖衣，遵耶和華所諭摩西之命，用金與紫赤絳三色之纒，與編棉，作公服，其金擗之使薄，細切爲絲，與縷及棉相間，以成采織，肩之兩旁，前後相連，亦用金與紫赤絳三色之纒，與編棉繡公服之紳，遵耶和華諭摩西之命，雕璧玉二，鑄金二方，嵌玉其中，用鐫印法，鐫以色列族名於上，置於公服之肩，以爲以色列族記錄，循耶和華所諭摩西之命，用金與紫赤絳三色之纒，與編棉，采織繡掛，制同公服，繡掛方而複，長廣之數，布指爲度，置玉其中，凡有四行，瑪瑙，淡黃玉，葱珩，爲一行，紅寶石，青玉，金鋼石，爲一行，赤玉，白瑪瑙，紫玉，爲一行，黃玉，璧玉，碧玉，爲一行，鑄金爲方，嵌玉其中，玉十有二，上用鐫印法，鐫以色列族十二支派之名，編兼金爲索，以綴繡掛，作金方二，金環二，置二環於繡掛兩旁之上，以所編金索之末，繫其環，以索之端，置於二金方，加於公服肩前，更製二金環，置於繡掛兩旁之下，在公服前，繡掛內，又作金環二，置於公服兩旁下，向前，於交接之處相對，在公服繡紳之上，以紫帶繫繡掛環，與公服環相連於紳上，使繡掛不離公服，循

耶和華所諭摩西之命。用紫纁組織公服內之長衣。其中留空隙。四周製領。如甲衣然。使衣不敝。在衣之旁。用紫赤絳三色之纁。與編棉作緣。狀若石榴。鑄兼金爲鈴。綴於衣之四周。使與石榴相間。金鈴與石榴互相間隔。亞倫服此。奉事耶和華。遵其所諭摩西之命。織棉爲衣。使亞倫與其子服之。以棉作冠。及冠飾。以編棉與臬爲禪。用紫赤絳三色之纁。與編棉繡紳。循耶和華所諭摩西之命。以兼金作聖冠之額。鑄字於上。曰爲聖。以事耶和華。繫以紫帶。戴於冠前。循耶和華所諭摩西之命。○於是以色列族遵耶和華所諭摩西之命。而成會幕。攜幕及器。鈎板。鍵柱。座。至摩西前。牡羊皮之紅者。及貂皮。以爲蓋。幃以爲簾。法匱與其杠。及施恩之所。几。與諸器皿。及陳設之餅。兼金之燈臺。與其蓋。器與油。悉備。金壇塗有膏沐。焚有馨香。幃爲幕門。銅壇。銅羅網。與其杠及器。盤與其座。場帷及柱。與座。幃爲場門。其索。其釘。與會幕諸器。覆蓋之布。適聖所之用。祭司亞倫之聖衣。及其子之衣。以盡祭司之職。以色列族循耶和華所諭摩西之命。而作諸工。摩西觀諸工。悉遵耶和華所諭而作。故摩西爲之祝嘏。

耶和華諭摩西曰。正月朔。宜建會幕。以法匱置其中。垂簾於匱前。昇几入幕。陳所當陳。昇燈臺入。而燃其燈。以焚香之金壇置於法匱前。施幃爲幕門。置祭壇於會幕門前。置盤於會幕祭壇間。盛水其中。四周立場帷。施幃於門。以香膏膏幕。及幕內所有。使諸器爲聖。膏祭壇與諸器。使壇爲至聖。膏盤與其座。使爲聖。攜亞倫及其子至會幕門前。濯以水。以聖衣衣亞倫。膏之以膏。使其成聖。可爲祭司。以奉事我。又攜其子。以衣衣之。膏之如父。使爲祭司。以奉事我。緣受其膏。亞

倫子孫必永爲祭司。歷世勿替。○摩西遵耶和華命而行。出埃及二年正月朔。摩西建幕。置座。構板。施榫。立柱。張幕。施幃於其上。循耶和華命。以律法藏於櫃。貫杠於旁。置施恩之所於上。昇殿入幕。垂簾於前。以蔽法匱。循耶和華命。幕中簾前北向設几。陳餅於耶和華前。循其所命。南向置燈臺。與几相對。燃燈於耶和華前。遵其所命。置金壇於幕內。簾前焚馨香於上。遵耶和華命。施幃於幕門。置祭壇於會幕門外。可燔牲獻祭。遵耶和華命。置盤於會幕祭壇間。盛水其中。摩西亞倫及其子。盥手濯足。入會幕。近祭壇時。洗濯其身。悉遵耶和華所諭。摩西之命。會幕祭壇四周施場帷。垂幃於門。於是摩西竣厥工。○有雲覆會幕。耶和華之榮光盈其室。因雲覆之。耶和華之榮光盈之。故摩西不能進會幕。雲離會幕時。以色列族過征。雲不移。民不行。晝則耶和華之雲籠罩幕上。及夜雲狀若火。以色列族過征時。悉目擊焉。

之...

之...

之...

之...

之...

之...

之...

之...

之...

之...

之...

之...

之...

利未記

耶和華在會幕召摩西曰當告以色列族云爾中有人欲獻牲爲禮必以牛羊奉我如欲燔牛必取壯者純潔是務率至會幕前莫我悅納按手其上則悅納可希罪愆可贖當宰牛於我前亞倫子孫爲祭司必攜其血至會幕前灑於壇四周剝取其皮剖分其肉亞倫子孫必燃火於壇陳柴其上所剖者首及脂亞倫子孫爲祭司必置諸壇上陳於柴爇以火其臟其足以水洗滌祭司焚之於壇是爲燔祭取其馨香以奉事我○如欲燔羊則綿羊可山羊亦可必取壯者純潔是務於壇之北宰羊於我前亞倫子孫爲祭司必灑血於壇四周剖分其羊首及脂祭司臚陳壇上置於柴爇以火其臟其足以水洗滌悉焚於壇是爲燔祭取其馨香以奉事我○如欲燔禽奉我則鴈鳩可雛鴿亦可祭司攜至壇前折其項而焚於壇灑血壇旁必去其腿脫其毛於壇東向棄灰之處剖禽之翼而弗中判置於壇陳於柴爇以火是爲燔祭取其馨香以奉事我○如欲奉禮物於我耶和華必獻麵粉沃膏加香攜至亞倫子孫卽祭司前容其取麵和膏一撮及所有之香焚於壇以爲記錄是乃燔祭取其馨香以奉事我既燔一撮以獻我則禮物爲至聖其餘當歸亞倫及子孫如欲奉禮物以燻炊製者必獻和油麵餅或抹膏薄餅俱弗置醇如欲奉禮物以鼎煎熬者必獻和油之麵亦弗置醇剖之沃膏是爲禮物如欲奉禮物以釜烹煮者必獻和油之麵以所備之禮物奉獻於我容祭司攜至壇前於禮物中祭司必有所取以爲記錄焚之於壇是爲燔祭取其馨香而奉事我既燔一撮以獻我則禮物爲至聖其餘當歸亞倫及子孫獻我

之禮物，皆弗置醇，凡醇與蜜，毋燔以獻。○以初實爲禮物獻我，則可，焚於壇取馨香，則不可。凡禮物必鹽以鹽，我所命之鹽，毋庸少減，故諸禮物必以鹽調和。如欲獻初實於我，以爲禮物，必取已烘之嘉穗，既搗之新穀，沃以膏，加以香，獻爲禮物。祭司取所搗所沃者，及諸香品，焚而獻我，以爲記錄，是爲燔祭，以奉事我。○如欲獻牛以酬恩，牝牡俱可，純潔是務，奉於我耶和華前，必按手其上，宰於會幕前，亞倫子孫爲祭司，灑血於壇四周，取蓋臟之脂，腹中所有之脂，腰間左右腎與其脂，及肝片，悉燔以獻我，爲酬恩之祭。亞倫子孫必置脂於壇，陳於柴，與日獻祭物同，蒸以火，是爲燔祭，取其馨香，以奉事我。○如欲獻羊以酬恩，牝牡俱可，純潔是務，以奉於我，或獻羔羊，必攜至我前，按手其上，宰於會幕前，亞倫子孫灑血於壇四周，割尾去脂，以離其尻，亦取蓋臟之脂，腹中所有之脂，腰間左右腎與其脂，及肝片，燔而獻我，爲酬恩之祭。祭司悉焚於壇，是爲燔祭，用以享我。○如欲獻山羊，以奉於我，必按手其上，宰於會幕前，亞倫子孫灑血於壇四周，以爲燔祭，取蓋臟之脂，腹中所有之脂，腰間左右腎與其脂，及肝片，祭司悉焚於壇，爲燔祭，以享，取其馨香，而奉事我。犧牲所有之脂與血，爾勿食之，必獻於我，著爲永例，歷世勿替，隨往勿易。

第四節 耶和華諭摩西曰：宜告以色列族云：如有人誤干我命，爲所不當爲，則必獻祭，以贖其罪。如受膏之祭司，陷罪觸法，貽害於民，必緣其所犯，取純潔之犢，獻於我，以贖罪，率犢至會幕門，按手其上，宰於我前，受膏之祭司取血，入會幕，染指其中，灑於聖室之簾，及我前者，凡七，必取血少許，敷於我前，會幕香壇之角，傾餘血於會幕前，祭壇下，取蓋臟之脂，腹中所有之脂，腰間左右腎

與其脂及肝片如昔獻牛爲酬恩之祭而取其脂然祭司必燔之於壇犢之皮肉首足臟腑及遺矢與其全體攜出營外至潔清之地棄灰之所置於柴爇以火○如以色列會衆誤于我命爲所不當爲昔不自明後乃知過會衆必獻犢牽至會幕以贖其罪會之長老必於我前按手其上而宰之受膏之祭司必取血入會幕染指其中灑於聖室之簾及我前者凡七必取血少許灑於我前會幕香壇之角傾餘血於會幕前祭壇下取脂焚於壇如昔獻犢爲贖罪之祭然於是罪愆可贖得蒙赦宥攜犢營外爇之以火與他犢無異此會衆贖罪之祭也○如有民長誤于我命爲所不當爲以取罪戾自知有過必獻山羊之羔取其牡者純潔是務按手其上宰於我前卽其常宰犧牲之處此贖罪之祭也祭司必指染其血灑於壇角傾餘血於祭壇下焚脂於壇如昔酬恩之祭然於是祭司爲之贖罪可蒙赦宥○如有庶民誤于我命爲所不當爲以取罪戾自知有過必獻山羊之羔取其牡者純潔是務爲贖罪之祭按手其上宰於燔祭之所祭司必指染其血灑於壇角傾餘血於壇下取其脂焚之於壇以爲馨香而奉事我如昔酬恩之祭然於是祭司爲之贖罪可蒙赦宥○如奉綿羊之羔獻祭以贖罪必取牡者純潔是務按手其上宰於燔祭之所祭司必指染其血灑於壇角傾餘血於壇下必取其脂焚之於壇爲燔祭以獻我如昔酬恩之祭然於是祭司代爲贖罪可蒙赦宥

第五節 如人目擊其情與知其事被召爲證令其發誓而不實告於是取戾如出無意而捫野獸六畜昆蟲不潔之尸自取污穢致獲愆尤如他人蒙不潔而爾捫之由於弗察則無論其所污若

何追及知之必以為過如人不知而遣次發誓或善或惡則無論其所誓何若追及知之必以為過以上苟有過失任之勿辭因此必攜補過之祭獻於我前牝羔綿羊山羊俱可容祭司代為贖罪如不能備羔則必攜鴈鳩或雛鴿二獻於我前一為贖罪一為燔祭攜至祭司前先獻贖罪之祭惟折其項剖其體而弗中判灑血壇旁瀝餘血於壇下是為贖罪之祭次獻燔祭循其常例祭司代為贖罪可蒙赦宥如鴈鳩雛鴿俱無從備則獻麵粉六升以贖其罪勿沃膏勿加香蓋贖罪之祭也攜至祭司容其取麵一撮焚之於壇燔而祭我以為記錄循燔祭之常例此贖罪之祭也此數者中祭司取其一為人贖罪得蒙赦宥祭物之餘悉歸祭司若禮物然○耶和華諭摩西曰如人當獻我之物偶有差失致獲罪愆則必獻我牡綿羊純潔是務循聖所權衡依爾所估之價以補其過應獻之物必盈其數加五分之一攜至祭司容祭司取羊代為贖罪得蒙赦宥如人干我命為所不當為雖出無意亦有過失自取罪戾緣其無知而有過必攜牡綿羊純潔是務依所估之價與祭司以補其過容祭司代為贖罪得蒙赦宥人違我法欲補其過所當獻之祭即此

第六卷 耶和華諭摩西曰如人有差失違逆於我受人付托尚存其手而誑言不存或據人物虐取人財拾人所遺詭云未得不論所為誑言發誓於是陷罪既獲愆尤必以所受托所強據所虐取所拾遺悉反諸人所誑言發誓必於補過之日以舊物加五分之一歸於其主攜牡綿羊維潔是務依祭司所估之價獻之於我為補過之祭祭司於我前代為贖罪而人所犯者得蒙赦宥○又曰以燔祭之例告亞倫及其子日獻燔祭焚之於壇自夕達旦火必常燃祭司衣桌衣亦服桌

禱，蔽厥下體，將燔祭火燼之灰，置於壇側。祭司易衣服，其常服，攜灰出營外，至潔清之地。惟壇火常燃不滅。每日祭司薪柴，臚陳燔祭，酬恩祭之脂，亦焚其上。火於壇上，常燃不滅。至若獻禮物，亦有常例焉。亞倫子孫，必攜至壇前，獻之於我。自禮物中，取麵和膏一撮，及所有之香，焚之於壇，以爲記錄。取其馨香，以奉事我。禮物之餘，勿以醇相和，在聖地會幕之場。亞倫及其子食之，炊之毋和以醇。禮物少許，既燔獻我，其餘乃至聖，爲亞倫子孫所應得。如贖罪補過之祭然。凡獻我之燔祭，惟潔者可得捫。故亞倫子孫諸丁男食之，此乃永例。歷世勿替。○又曰：亞倫及其子孫受膏之日，必以粉六升，獻於我前，以爲禮物。晨取其半，暮取其半，以鼎煎熬，調和以油。禮物既炊，馨之而獻。取其馨香，以奉事我。亞倫子孫中，有代亞倫受膏爲祭司者，必獻是禮。焚之務盡，斯乃永例。以奉事我。蓋祭司所獻之禮物，必盡焚毋食。○又曰：以贖罪祭之例，告亞倫及其子孫。既在我前而宰燔牲，卽於其處宰贖罪之祭牲，是乃至聖。聖地會幕之場，祭司宰牲於是，食牲亦於是。惟成聖者，得捫其肉。如牲血灑人衣，必於聖地幹濯。烹犧牲之肉，如用瓦器，必毀之。如用銅器，必加濯磨。是肉至聖，惟祭司諸丁男可食。凡獻牲以贖罪，攜其血入會幕，以蓋愆尤。其肉不得食，必焚之以火。

○若補過之祭，亦有常例焉。此祭爲至聖。宰燔牲之所，必宰補過之牲，其血灑於壇四周。取所有之脂，與尾及蓋臟之脂，腰間左右腎，與其脂及肝片，祭司悉焚之於壇。是爲燔祭，以奉事我。俾得補過。此物至聖，惟祭司諸丁男於聖地食之。補過之祭，與贖罪之祭，其例維一，代爲贖罪。

Page not available.

Please help scan and add.

页面不可用。

请协助扫描添加。

耶和華諭摩西曰。汝攜亞倫及其子。與其衣。暨香膏。取犢一。爲贖罪之祭。牡綿羊二。無酵餅一。筐。集會衆於會幕前。摩西循命。會衆集於會幕前。摩西告之曰。今日所行。乃耶和華所諭。遂攜亞倫及其子。以水濯之。以衣亞倫束以帶。服以長衣。加以公服。束以繡紳。亦賜繡掛。置烏陵土明於其中。烏陵土明以冠冠之。冠前置金額於額。額卽聖冕。循耶和華命。摩西取香膏。敷會幕。及內所有。使之成聖。灑壇七次。釁壇與器。盤與其座。使之成聖。斟香膏以膏亞倫首。使之成聖。使亞倫諸子前。衣之以衣。束之以紳。冠之以冠。循耶和華命。摩西牽犢以爲贖罪之祭。亞倫及其子。按手其上。乃宰是犢。摩西攢摩西取血。染指其中。釁於壇上四角。以潔其壇。傾餘血於壇下。使之成聖。可獻贖罪之祭於壇。取蓋臟之脂。肝片。左右腎。及其脂。焚之於壇。熱犢營外。與其皮。肉。遺矢。循耶和華諭。摩西之命。牽牡綿羊爲燔祭。亞倫及其子。按手其上。乃宰是羊。摩西灑血於壇四周。剖分其羊。將已剖者。與首及脂。熱之以火。洗臟與足。熱羊全體於壇。是爲燔祭。取其馨香。以事耶和華。循其所命。又牽牡綿羊一。卽任亞倫爲祭司時所獻者。亞倫與子。按手其上。乃宰是羊。摩西取血。敷於亞倫右耳之下。垂。與右手足之巨擘。亞倫子既前。摩西取血。敷其右耳之下。垂。與右手足之巨擘。亦灑血於壇四周。取羊尾之脂。蓋臟之脂。肝片。左右腎。與其脂。暨右肩。在耶和華前。無酵餅筐中。取圓餅一。和油餅一。薄餅一。置於脂及右肩上。均付諸亞倫及其子手。使搖於耶和華前。摩西自其手接之。熱於壇。是任亞倫爲祭司之燔祭。取其馨香。奉事耶和華。摩西取羊腔。搖於耶和華前。是腔摩西得之。循耶和華命。摩西取香膏。及壇上之血。灑於亞倫及其子之身。與衣。使彼身及衣可得

成聖。○摩西告亞倫及其子曰：當烹羊於會幕前，在彼食之，及筐中之餅，遵所諭之命。餘餅與肉，蒸之以火。歷七日，必行任汝爲祭司之禮，故是時不得出會幕。迨盈七日則可。今日所爲者，耶和華命之爲汝贖罪，故必居會幕門外，晝夜無間，至於七日，守耶和華所命之役事，遵我所告，免爾死亡。亞倫及其子，悉循耶和華命摩西之事而行。

越八日，摩西招亞倫及其子，暨以色列長老，告亞倫曰：取犢一，爲贖罪之祭，牡綿羊一，爲燔祭，純潔是務，獻於耶和華。又曰：爾當告以色列族，取山羊羔一，爲贖罪之祭，犢一，綿羊羔一，爲燔祭，必取未盈歲者，純潔是務，亦取犢一，牡綿羊一，爲酬恩之祭，獻於耶和華。又取麵和油，以爲禮物，蓋今日耶和華必顯現於爾，乃遵摩西命，攜諸禮物於會幕，會衆咸集，侍於耶和華前。摩西曰：耶和華命爾行是，必得其榮光，顯著於爾。○又告亞倫曰：當近於壇，獻贖罪之祭，及燔祭，爲爾及民贖罪，亦獻民之禮物，代民贖罪，遵耶和華命。亞倫至壇，宰犢爲己贖罪，其子取血，亞倫以血染指，灑於壇角，傾餘血於壇下，脂左右腎，肝片，焚於壇上，循耶和華命。惟肉與皮，焚於營外。亞倫宰牲爲燔祭，其子奉血，灑於壇四周，剖分其牲，以所剖者及首，奉與亞倫，焚之於壇，洗臟及足，與燔祭，共焚於壇。亞倫攜民之禮物至，亦取山羊爲民贖罪，宰之以獻，爲贖罪之祭，如獻犢然。攜牲爲燔祭，循其常例。長獻燔祭而外，亦攜禮物，取麵一撮，焚之於壇，宰犢與羊，爲民酬恩。亞倫諸子奉血，灑於壇四周，取犢脂，羊尾，蓋臟之脂，左右腎，與肝片，置脂於腔，以脂焚於壇，腔及右肩，亞倫搖於耶和華前，循摩西命。亞倫獻贖罪祭，燔祭，酬恩祭，既畢，舉手祝民而退。摩西、亞倫入會幕，出

而祝民。耶和華之榮光顯現，爲民目擊。火自耶和華出，焚壇上之燔祭，與脂。民見之，懼呼俯伏。

第十一章 亞倫子拿答、亞庇戶各取鼎，燃火炷香，以獻耶和華。所燃者不以聖火，弗遵其命。火自耶和華出，燬二人，死於耶和華前。摩西謂亞倫曰：「耶和華諭云：『近我之祭司，必以我爲聖，使民歸榮於我。』」亞倫默然。摩西召亞倫叔烏泄子米沙利，以利撒反曰：「爾來前，負爾戚屬之尸，離聖所，往營外。」二人乃前，負尸營外，不解其衣，遵摩西命。摩西諭亞倫及其子以利亞撒，以大馬曰：「爾曾既沐耶和華之香膏，毋露爾首，毋裂爾衣，毋出會幕，恐爾死亡，怒及庶民。惟以色列族，可因耶和華火之所燬，哀哭不勝。」亞倫及其子乃遵摩西命。○耶和華諭亞倫曰：「爾與衆子，入會幕時，清酒醇醪勿飲，恐爾死亡。以此著爲永例，歷世勿替。於是爾得區別聖與不聖，潔與不潔，以我所諭摩西之命，訓迪以色列族。」○摩西諭亞倫及其子以利亞撒，以大馬曰：「獻耶和華燔祭時，有麵爲禮物，其餘爲至聖，爾食於壇旁，毋置醇。必於聖地食之，蓋獻耶和華燔祭中，以是歸爾及爾子女。我所奉之命，乃如此。」以色列族獻酬恩祭，其中所搖之腔，所舉之肩，歸爾及爾子女，必於潔地食之。人以燔祭及脂，獻耶和華時，所舉之肩，所搖之腔，必搖於我前，然後歸爾及爾子孫，著爲永例。循耶和華命。○贖罪之山羊，摩西索之，知已燔矣，則怒亞倫二子，以利亞撒，以大馬曰：「以牲贖罪，爲至聖之物，上帝賜之於爾，以任民愆，代爲贖罪，於耶和華前，何不於聖地食之，何不取血入聖所，蓋爾當食牲於聖地，遵我所命。」亞倫曰：「今日吾子獻贖罪之祭，與燔祭，於耶和華前，適家遭變故，如食其牲，豈見悅於耶和華乎？」摩西聞其言，而然之。

第十一章 耶和華諭摩西亞倫曰告以色列族云世之牲畜有可食者今詳言之凡畜之分蹄支
 趾反芻出齧者俱可食第分蹄不可食第反齧不可食駝雖反齧而不分蹄是以不潔吵噉與兔
 亦反齧而不分蹄亦不潔豕雖分蹄支趾而不反齧亦不潔其肉勿食其尸勿捫俱爲不潔○水
 中百族或出於河或出於海凡有翅有鱗俱可食凡在水中之生物或出於河或出於海無翅無
 鱗者爾必視爲可憎毋食其肉必視其尸爲可憎水族無翅無鱗者俱爲可憎○羽族中所可憎
 而不可食者鷹鷂鷓鴣小鷹與其類鴉與其類雌雄之鴛鳥魚鷹雀鷹鷓鷯魚狗鷲鷲鳩鳥鷓鴣
 爰居白鶴蒼鷺戴鷺蝙蝠與其類凡羽族有四足者俱爲可憎飛蟲有四足亦有長足高於背能
 躍於地者食之可也有若蝗蟲鼠蟲蚘蟲蠶蟲與其族類是其餘飛物有四足者必以爲可憎凡
 捫其尸必蒙不潔迨夕乃免負其尸者亦蒙不潔當澣其衣迨夕乃免六畜分蹄而不支趾又不
 反齧者俱爲不潔凡捫之者必蒙其污迨夕乃免四足之獸行地用蹠者必爲不潔凡捫其尸必
 蒙厥污迨夕乃免或負之者亦必蒙污當澣其衣迨夕乃免○凡物運行於地而爲不潔者亦有
 其數鼯鼠鼯鼠蜥蜴與其類蛤龍子守宮蛇醫蠅蚋此物皆能運動悉爲不潔凡捫其尸必蒙
 厥污迨夕乃免凡木器衣服皮革布囊不論何物有不潔之蟲死而墮其上者卽蒙其污必置於
 水迨夕乃潔凡瓦器有不潔之蟲墮其中則所藏之物亦污其器必毀器中藏水食物爲所濡或
 其中藏有飲啜之物俱蒙其污凡爐竈有不潔之蟲死而墮其上則蒙厥污爾必毀之或泉或井
 或蓄水處不潔之蟲墮其中有取之出者必蒙不潔其水則潔如墮於將播之種則潔然種穉以

水而汚蟲之尸墮其上，則不潔。如可食之畜自斃，捫之者必蒙厥汚。追夕乃免。或負其尸，或食其肉，俱蒙厥汚。當澣其衣，追夕乃免。凡蟲運行於地者，當以爲可憎，毋食。凡蟲以腹行，或四足，或多足，運動於地者，俱爲可憎，勿食。勿捫運行之物，使己蒙不潔，而爲可憎。蓋我耶和華爾之上帝，我聖而爾亦當聖，勿捫運行於地之蟲，致己不潔。我素導爾出埃及，爲汝之上帝，我聖矣，汝亦當聖。○凡六畜，禽鳥，水族，昆蟲之運行於地者，以區別潔與不潔，可食與不可食，其例若此。

第十三章 耶和華諭摩西曰：告以色列族云，婦懷妊生男，必蒙不潔，歷至七日，如癸水適至，別室居處然。八日，必爲其子行割禮。既產流血，必更待三十三日，乃潔。斯日未盈，不可捫聖物，不可入聖地。生女，必二七日蒙不潔，如癸水至而別居然。既產流血，必更待六十六日，乃潔。無論誕育男女，潔日既屆，則攜未盈歲之羔爲燔祭，及鴈鳩，或雛鴿，爲贖罪祭，至會幕祭司前，容祭司獻之於我，代爲贖罪。婦既流血，而蒙不潔，必如是始潔。婦生男女，其例若此。如婦不能備羔，必攜雙鳩或二雛鴿，一爲燔祭，一爲贖罪祭，容祭司代爲贖罪，而婦始得爲潔。

第十四章 耶和華諭摩西亞倫曰：人若膚有疥，或癬，或斑爛，狀如癩疾，則必攜之至祭司亞倫前，或其子孫爲祭司前，祭司必察其疾，如疾處之變白，深入膚際，則屬癩疾，祭司既察之，必爲不潔。如斑爛爲白，不深入膚，其毫猶未白者，祭司必禁錮其人，歷至七日，屆期察之，如其疾止，不散於膚，則祭司必禁錮其人，復至七日，屆期必再察之，如疾少愈，不散於膚，則癬而已，祭司必視爲潔，使澣衣成潔，祭司察之，以視潔否，其後癬多蔓延於膚，祭司必再察之，若見其癬果蔓延，則祭

司必視爲不潔，蓋癩疾已成。○如人有癩疾，必攜之至祭司，祭司察之，知疥色白，毫亦變白，肉色紅腫，乃膚際舊癩所化，此誠污穢，祭司必視爲不潔，毋庸禁錮其人。癩之爲疾，散布於膚，蔓延於體，自頂至踵，無在不有，祭司亦必察焉。如白色遍體，其人猶可潔，雖有疾，尙能使潔也。如肉紅腫，色已外現，則蒙不潔，祭司視之，必以爲污。綠色紅腫，癩疾乃成，而蒙不潔。如紅腫之肉變白，則必至祭司前，祭司察之，知色已變白，必視之爲潔，則無不潔。如人膚際生瘡，而後得醫，瘡處或有白疥，或有斑爛，紅白相間，則必示於祭司，祭司察之，知毫色盡白，深入膚際，則視爲不潔，是屬癩疾，因瘡以生。如祭司察之，知無白毫，不深入膚，疾已少愈，則必禁錮其人，歷至七日，倘蔓延於膚，則屬癩疾，祭司必視爲污。如斑爛已止，而不蔓延，則爲瘡癢，祭司必視之爲潔。如人之膚爲火所灼，其處忽起斑爛，紅白相間，祭司必察之，斑爛處毫色盡白，深入膚際，則屬癩疾，因灼所致，祭司必視之爲污。如祭司察之，斑爛處無白毫，不深入膚，疾已少愈，則必禁錮其人，歷至七日，屆期察之，如蔓延於膚，則屬癩疾，祭司必視之爲污。如斑爛已止，不復蔓延，而疾少愈，此屬疥疾，因灼所致，灼後成癩，祭司必視之爲潔。○如男女，在首在鬚，有疾，祭司必察之，中有細毫，其色雜黃，深入膚際，此屬癩癬，或生於首，或生於鬚，祭司必視之爲污。如祭司察其癬，不深入膚中，無黑毫，則必禁錮其人，歷至七日，屆期察之，如癬不蔓延，中無黃毫，不深入膚，則殖鬚髮，留其癬處，禁錮其人，歷至七日，屆期必察之，癬不蔓延，不深入膚，祭司必視之爲潔，使斡其衣，則無不潔。厥後如癬蔓延於膚，祭司必察之，若果蔓延，則黃毫之有無，俱無庸察，是蒙不潔。如癬已止，中發黑毫，其癬已愈。

其人已潔，祭司必視之爲潔。○如男女膚生白斑，祭司必察之，白斑少愈，則屬白癩，發生於膚，其人爲潔。如髮脫落，則爲頭童，其人爲潔。如頂髮凋殘，則爲預額，其人爲潔。若頭童預額處發疾，紅白相間，此乃患癩，祭司必察之。如頭童預額處生疥，其色紅白相間，如膚生癩疾然，其人乃癩，而蒙不潔。祭司必視之爲污，緣首已生癩也。○凡患癩者，必裂衣，露頂掩口，自呼曰：我污矣，我污矣。當其患癩時，誠蒙不潔，必異室獨處，居於營外。○如皮衣、革衣、絨衣、臬衣，無論經緯間，爲癩所染，其所染處，色或青紅，此染於癩，必示祭司，祭司察而藏之，歷至七日，屆期視其所染，蔓延於衣之經緯，或於皮衣、革衣，此爲惡癩所染，而蒙不潔，則無論絨衣、臬衣，在經在緯，或皮衣，俱熱以火，緣其癩甚惡也。祭司察之，見衣所染，不復蔓延於經緯，或於其皮，宜使澣濯，而復藏之，歷至七日，澣濯之後，必察之，其所染之疾，色猶未去，雖未蔓延，亦以爲污，熱之以火，蓋衣之敝處，或於表裏，染癩甚深，旣經澣濯，祭司察之，所染少愈，則必裂衣之經緯，或皮，去其所染。如癩所染處，仍現於衣之經緯，或於其皮，此染癩已深，必熱以火。如衣或皮，旣經澣濯，已去其染，則必再澣，使成爲潔。○以上所載，皮衣，或絨衣，臬衣，無論經緯間，視之爲潔，爲污，其例若此。

第十四章 耶和華諭摩西曰：視患癩之人爲潔，亦有常例，必攜至祭司，祭司詣營外察之，見疾已愈，則命人爲之取生禽二，純潔是務，亦取栢香木、絳纒、牛膝草，以瓦器盛活水，宰一禽於上，取生禽、栢香木、絳纒、牛膝草，濡其中，以灑患癩已潔者，凡七，而視爲潔。後縱生禽於野，欲潔之人，必澣衣，澣髮，以水洗滌，成潔後，始可入營，異室以居，歷至七日，屆期，毫髮鬚眉，澣之務盡，澣衣澣身，而

後成潔。越八日，必取牡綿羊之羔二，未盈歲之牝羔一，純潔是務。麥粉一斗八升，調和以油，更加油十三兩，以爲酬恩之祭。使人成潔之祭司，必置人及物於我前，會幕門外，取一牡羔，獻爲補過之祭。又取油十三兩，爲禮物，俱搖於我前。聖地常宰牲，爲贖罪祭，爲燔祭，卽於其處宰是羔，贖罪祭之牲歸祭司，補過祭之牲亦歸祭司，俱爲至聖。祭司必取牲血，澆於成潔者右耳下垂，及右手足之巨擘，又取油少許，斟於左掌，塗於我前。凡七，以少許膏於成潔者右耳之下垂，及右手足之巨擘，卽贖牲血之所。掌中餘油，灌於成潔者之首，代爲贖罪於我前。必獻鵓鳩一，或雛鴿一，隨其力之所能。一爲贖罪祭，一爲燔祭，成潔之八日，必攜至祭司，獻於我前。會幕門外，祭司必取羔，爲補過之祭，與油十三兩，搖於我前，以爲禮物。宰羔取血，澆於成潔者右耳之下垂，及右手足之巨擘，斟油少許於左掌，以右指灑於我前。凡七，取油少許，膏於成潔者右耳之下垂，及右手足之巨擘，卽贖牲血之所。掌中餘油，灌於成潔者之首，代爲贖罪於我前。必獻鵓鳩一，或雛鴿一，隨其力之所能。一爲贖罪祭，一爲燔祭，暨禮物，祭司必於我前，代成潔者贖罪。如癩者匱乏，欲獻成潔之禮，備不能全者，其例若此。○耶和華諭摩西亞倫曰：我將以迦南地，賜爾爲業。爾入斯土，我使癩污染於第宅，其宅主必至祭司，告云：我恐第宅有染。祭司未入以察，必使空其宅，免宅中器皿俱蒙不潔。嗣後祭司入宅以察，察時見其所染之紋，深入於壁，青紅參錯，祭司必出宅門，扃閉

七日。屆期察之。若汚蔓延於壁。則命取其石。爲汚所玷者。擲於邑外不潔之所。宅中四周之壁。必加剗削。取其塵埃。傾於邑外不潔之所。更取石以代。取泥以塗。如是之後。其汚再發於宅。祭司必至而察之。見汚果蔓延。是屬宅中之惡癩。誠爲不潔。必毀其宅第。去其木石泥沙。遷於邑外不潔之所。扁閉之時。人入其宅。必蒙厥汚。迨夕乃免。寢食於宅者。必澣其衣。宅再塗之後。祭司入察。見汚不蔓延。則視爲潔。其汚已除。欲使第宅成潔。必取二禽。栢香木。絳縷。牛膝草。以瓦器盛活水平。一禽於上。取栢香木。牛膝草。絳縷。生禽。濡其中。灑宅凡七。以上諸物。使宅成潔。縱生禽出邑郊。如是代爲贖罪。可致宅潔。○以上所載癩疾。癬疥。斑爛。或衣。或宅。染其汚。以潔與不潔之日。示爾者。其例若此。

第十五章 耶和華諭摩西亞倫曰。告以色列族云。人患白濁。是蒙不潔。或常淋。或少洩。俱蒙不潔。所臥之床。所坐之座。悉被其汚。凡捫其床。坐其座。捫其下體者。俱蒙不潔。當澣衣濯身。迨夕乃免。成潔之人。被患者唾及其體。則蒙不潔。當澣衣濯身。迨夕乃免。患者所乘之鞍。必蒙不潔。凡其所御之物。捫之者。必蒙不潔。迨夕乃免。其負之者。亦蒙不潔。當澣衣濯身。迨夕乃免。患者不盥手而捫人。其人必蒙不潔。當澣衣濯身。迨夕乃免。捫瓦器。必毀。捫木器。必洗。患者成潔。必歷七日。澣濯其衣。以活水洗滌其身。而後成潔。越至八日。必攜二鵓鳩。二雛鴿。至我前。會幕門外。奉於祭司。祭司獻之。一爲贖罪祭。一爲燔祭。代其贖罪於我前。如人夢遺。則蒙不潔。必濯其身。迨夕乃免。其汚所玷。或衣。或皮。俱蒙不潔。當澣以水。迨夕乃免。男女媾精。俱蒙不潔。必濯其身。迨夕乃免。婦行

癸水必異室以居。歷至七日。凡捫之者必蒙不潔。迨夕乃免。別居之時。婦所寢之床。所坐之座。必蒙不潔。凡捫其床。及其座者。必蒙不潔。當澣衣濯身。迨夕乃免。無論什物。置其床椅。凡捫之者。必蒙不潔。迨夕乃免。婦行癸水。與之同寢。必蒙不潔。歷至七日。所寢之床。亦蒙不潔。婦行癸水。延至多日。或前或後。不能如期。則蒙不潔。所寢之床。所坐之座。必蒙不潔。與別居之時無異。凡捫床與座者。必蒙不潔。當澣衣濯身。迨夕乃免。癸期既正。必歷七日。然後成潔。越至八日。必攜二鵓鳩。或二雛鴿。至會幕前。以與祭司。祭司獻之。一爲贖罪祭。一爲燔祭。祭司必緣其癸行愆期。致蒙不潔。代爲贖罪於我前。當使以色列族自相區別。去諸污穢。恐玷我幕。陷於死亡。○凡男患白濁。夢遺。女患月癸之疾。或患血淋。或與不潔之婦同寢者。其例若此。

亞倫二子。造次詣耶和華前而死。厥後耶和華諭摩西曰。聖室簾中。法匱施恩所前。我必乘雲。顯現於此。可告爾兄亞倫。毋頻入其地。免致死亡。如其欲入。宜牽犢一。爲贖罪祭。牡綿羊一。爲燔祭。衣衣蔽禪。束紳冠冠。悉以臬爲。此衣既聖。當濯其身。而後服之。由以色列會衆。取牡山羊二。爲贖罪祭。牡綿羊一。爲燔祭。亞倫獻犢。爲己及眷聚贖罪。更牽山羊二。至會幕門外。置於我前。當緣二山羊掣籤。一歸於我。一歸亞撒色。亞倫必攜歸我之羊。獻爲贖罪祭。亦攜歸亞撒色之羊。生置我前。代爲贖罪。後釋之於曠野。以歸亞撒色。乃牽犢至。爲己及眷聚贖罪。既宰是犢。必取鼎。盛我壇上。蒸炭。香屑一掬。攜入簾中。焚香於我前。香篆繚繞。蔽諸法匱。上施恩之所。庶幾亞倫可免死亡。以血染指。灑於施恩所東。又灑其前。凡七。厥後宰山羊。爲民贖罪。攜血入簾。灑於施恩

所止，又灑其前，如灑贖血然。緣以色列族染污俗，重負罪愆，而玷聖所會幕，故亞倫代之贖罪。既迨聖室，爲己及眷聚與以色列會衆贖罪，其時無有能偕之入者，迨事既畢，而後可出。至我祭壇前代爲贖罪，取贖血羊血，灑壇四周，以指灑壇。凡七，是壇雖爲以色列族污俗所玷，然加以潔理，可使成聖。聖所會幕祭壇既潔，當牽生羊至。亞倫按手其上，代以色列族任咎負愆，使其罪惡，悉置羊首，簡人縱羊於曠野。羊乃負罪，釋之適野。至於荒渺之地。亞倫入會幕，解所服臬衣，留之於彼，必於聖所洗濯其身。衣衣而出，爲己及民獻燔祭，代爲贖罪。焚脂於壇。縱羊歸亞撒色者，必解衣濯身，而後入營。贖與羊之血，既攜入聖所，以爲贖罪，其尸必攜出營外，其皮肉遺矢俱爇，以火爇之者，解衣濯身，然後入營。○七月十日，無論宗族賓旅，當卑以自牧，免於操作，著爲永例。祭司既代爾贖罪，使於我前去惡成潔，故是日爲安息日，當卑以自牧，著爲永例。受膏之祭司，代父任職，必衣臬衣，以臬爲之。獻祭贖罪，代爲聖室、會幕、祭壇、祭司、會衆贖罪。緣以色列族陷於愆尤，代爲贖罪，歲凡一次，著爲永例。摩西遵耶和華所諭而行。

第十七章 耶和華諭摩西曰：告亞倫及其子，與以色列族云：耶和華命汝，凡爾有衆，宰牛羊與羔，無論營內營外，不攜至會幕前，獻於我者，必擬其過，如流血之罪，絕之民中。今以色列族宰犧牲於野，嗣後攜至會幕前，奉諸祭司，以獻於我，爲酬恩之祭。我壇在會幕前，祭司必灑血其上，焚脂，取其馨香，而奉事我。勿再徇欲，祭諸魘魅，著爲永例。歷世勿替。當申命云：凡爾有衆，及旅於爾者，或獻燔祭，或宰犧牲，不攜至會幕前奉我，必絕之民中。凡爾有衆，及旅於爾者，苟食血，我必罰之。

絕於民中。血乃生物之命。我賜爾灑之於壇。以贖爾命。蓋血乃以贖命焉。故諭爾衆。及旅於爾者。俱無食血。如爾有衆賓旅。獵取禽獸。可供食品者。必盡其血。蓋血乃生物之命。故禁爾衆毋食。食之者必見絕。不論宗族賓旅。食自斃。或斷傷之禽畜。必蒙不潔。當滌衣濯身。迨夕乃免。不然必負罪愆。

第十八章 耶和華諭摩西曰。告以色列族。我耶和華乃爾之上帝。昔爾居埃及。其土之風俗。爾勿從。今我導汝至迦南。其人之作爲。爾勿效。亦勿守其禮儀。我之法度禮儀。爾必順從。我耶和華爾之上帝。所命若此。如遵我法度。守我禮儀。則可得生。爾當行之勿失。此我所命爾者也。○勿干骨肉之親。而行淫亂。爲我耶和華所禁。勿烝爾母。烝之是辱父母。父之繼室勿烝之。烝之則辱及於父。至於姊妹。無論同父異母。同母異父。生於家。產於外者。勿亂之。子之女。女之女。勿亂之。是辱己也。同父異母之姊妹。勿亂之。父之姊妹。卽父骨肉之親。勿烝之。母之姊妹。卽母骨肉之親。勿烝之。爾之姆孀。伯叔之妻也。勿烝之。烝之是辱伯叔。子之妻媳也。勿亂之。兄弟之妻。勿亂之。辱及兄弟。婦有女。勿同娶。婦之子有女。婦之女有女。亦勿同娶。皆妻戚屬。勿亂之。斯乃惡俗。爾妻尙存。勿娶其姊妹。恐辱妻而苦其心。婦癸至別居時。毋行好合。以辱其身。勿與他人之妻同寢。致玷己身。勿焚爾子女。以享摩洛。瀆爾上帝之名。爲我耶和華所禁。男色可憎。爾勿漁獵。男勿淫於獸。以玷身。女勿淫於獸。以逆性。異邦人行此。自取污穢。故我逐之。爾勿則效。彼已有玷。我治其罪。使地不載。故爾曹不論宗族賓旅。當守我法度禮儀。毋蹈此愆。昔斯土之人。專務行此。使地染污。如爾效之。

地必不容爾，與彼相同。凡蹈此愆，絕之民中，爾當守我法度，彼之所行，事多可憎，玷及其身，爾毋則倣我耶和華爾之上帝所命如此。

第十九章 耶和華諭摩西曰：告以色列會衆，我耶和華爾之上帝，我聖，爾亦當聖。敬爾父母，守我安息日，我耶和華爾之上帝所命如此。勿崇偶像，勿鑄上帝，我耶和華乃爾之上帝。爾欲獻酬恩之祭，莫我悅納。當於是日食其祭品，或明日亦可。若留至三日，宜爇以火。如三日食之，則爲可憎。不蒙悅納。物既獻我，越三日食之，是生瀆玩，必負罪愆，絕於民中。穫田所產，當留其隅，勿拾所遺。園有葡萄，探勿務盡，勿拾遺菓，當留之於賓旅，與貧乏者。我耶和華爾之上帝所命如此。毋竊，毋誑，勿相僞爲，指我而誓，勿妄，勿瀆爾上帝之名。我耶和華所命如此。勿虐取，毋強據，備人之值，勿留至明晨。勿詛孽者，勿窒碍於瞽者前。宜畏爾之上帝，我耶和華所命如此。聽訟之際，勿行非義。無論貧富，勿徇其私，宜秉大公，以爲折中。勿往來於閭里，評人短長，勿爲妄證，置人於死。我耶和華所命如此。勿憎同儕，責人以善，勿使陷罪。勿報仇，勿蓄怨，愛人如己，爾必守我耶和華所命。牲畜異類，勿使遊牝，百穀之種，播田毋雜。臬與絨，勿間織，以成衣。婢受人聘，猶未見贖，不得自由。若與人私，俱加扑責，惟不致死。蓋未能自由也。男必攜牡綿羊一，爲補過之祭，詣會幕門外，奉於我前。祭司獻羊，代爲贖罪，則所犯者，可蒙赦宥。爾至迦南，栽培樹木，可供食品，必以其菓爲不潔。三年毋食，至於四年，必獻之於我，以爲頌美。迨至五年，其果可食，使之結實纍然。我耶和華爾之上帝所命如此。毋食血，毋用卜筮術數。首之四周勿薙，鬚之四周勿損，勿爲死者割肉，勿斲爾身，爲

我耶和華所禁。勿辱爾女，使之爲妓，恐一族淫亂，斯土遍染汚俗。宜守我安息日，敬我聖室，我耶和華所命如此。爲卜神所憑者，勿崇巫覡，勿問恐有玷於爾，爲我耶和華爾之上帝所禁。見斑白者當起，敬耆老，畏爾上帝。我耶和華所命如此。旅於爾土者，勿侮，當視若宗族，愛之如己。緣爾昔旅於埃及故也。我耶和華爾之上帝所命如此。聽訟之際，勿行非義，權量法度，悉秉至公。我耶和華爾之上帝，昔導爾出埃及，爾當守我律法禮儀，我所命如此。

耶和華諭摩西曰：告以色列族，凡爾族中，爰及賓旅，獻子女以享摩洛者，殺無赦。民以石擊之。彼獻子女，以享摩洛，汚我聖室，瀆我聖名，我必降罰，絕於民中。若隣里目擊其事，佯爲不見，不置之死，我必罰之。及其眷聚，凡縱私欲奉摩洛，效彼爲非者，絕於民中。憑於卜神，而爲巫覡，有狗欲以從者，我必罰之，絕於民中。我耶和華爾之上帝所命如此。爾當成聖，當守我律法。我耶和華使爾成聖，詛父母者，罪歸之，殺無赦。淫人妻者，殺無赦。淫夫淫婦，必殺。烝父繼室，則辱己父，罪歸之，俱殺無赦。如亂其媳，則逆人倫，其罪歸之，俱殺無赦。漁獵男色，是屬可憎，其罪歸之，俱殺無赦。如人娶妻而並娶妻之母，則爲惡俗，三者必爇以火，使惡俗去於爾中。如人與獸淫合，必殺無赦。亦必殺獸。如女淫於獸，其罪歸之，俱殺無赦。如人娶姊妹，無論同父異母，異父同母者，皆辱姊妹，斯爲惡俗，厥罪歸之，俱絕於民中。如婦癸至，人與同寢，婦亦相從，則犯其經，俱絕於民中。勿烝父母之姊妹，因辱戚屬，必負罪愆。如烝伯叔之妻，則辱伯叔，俱必負罪，而絕其嗣。如娶兄弟之妻，則辱兄弟，此屬可憎，必絕其嗣。我法度禮儀，爾當恪守，則我所導爾入之地，可容爾居。居斯土

者，蹈諸愆尤，我憎而逐之，爾勿則效。我耶和華爾之上帝，區別爾曹，異於凡民，許爾得地，賜爾產乳與蜜之土，故當區別潔與不潔之禽獸，凡我所示爲不潔之禽獸，運行於地之昆蟲，爾勿捫之，致爲可憎。我耶和華乃聖，已區別爾曹，異於凡民，爾既屬我，故當成聖，有憑於卜神，而爲巫覡者，殺無赦，其罪歸之，當擊以石。

第二十章 耶和華諭摩西曰：亞倫子孫爲祭司，當告之云：族中有死亡者，祭司勿爲之蒙污，若死者爲己戚屬，父母兄弟子女，則可，姊妹未適人者亦可，既爲長者，則勿從俗，爲人蒙污，勿髡髮，勿薙鬚之四周，勿割肉。祭司既獻燔祭，享厥上帝，故當成聖，以奉事我，毋瀆我名。祭司爲聖，以奉上帝，故娼妓淫奔棄婦，勿娶。祭司既享上帝，必以爲聖，蓋我耶和華乃聖，使爾成聖。如祭司之女行淫自玷，辱及於父，必熱以火。兄弟中有爲祭司長者，既沐香膏，衣聖衣，任是職，則勿裂衣露頂，勿近尸側，卽父母之尸亦勿近之，而蒙不潔。祭司長戴冕受膏，奉厥上帝，勿離聖地，勿瀆上帝之聖所。我耶和華所命如此。祭司長必娶處女，贅婦，棄婦，娼妓，淫奔，勿娶，惟宗族之處女則可，勿使其苗裔玷於族中。蓋我耶和華已伸其成聖。○又曰：告亞倫，凡爾歷代子孫，體有不備者，勿享上帝，凡體不備者，勿近我前，如瞽，跛，對，四肢不均，或手足傷毀，或偃僂，或侏儒，或矇矓，或疥癬，或瘡，或損外腎。凡祭司亞倫之族，體有不備者，勿近我前，以獻燔祭，享厥上帝。所奉之禮物，以享上帝者，無論聖與至聖，彼亦得而食之，簾中不可入，壇前不可近，恐玷我聖所。蓋我耶和華已使之成聖。摩西以此告亞倫及其子，並以色列族。

第二十二卷 耶和華諭摩西曰告亞倫及其子使知以色列族所獻我之物有時不可捫恐瀆我
聖名我耶和華所命如此當告之曰凡爾歷代子孫有蒙不潔而捫以色列族所獻我之物必絕
之我前我耶和華所命如此凡亞倫子孫患癩或白濁不可食聖物待潔則可有捫尸夢遺之人
爲亞倫子孫所捫者或捫污穢之蟲或捫不潔之人凡若此者爾如捫之必蒙厥汚當洗濯其身
至於薄暮可食聖物迨日入時則潔可食聖物蓋此藉以養生自斃斷傷之畜毋食恐蒙不潔我
耶和華所禁故當守我禮儀不爲汚所玷恐負罪而死我耶和華使之成聖外人不得食聖物於
祭司之家爲旅爲傭亦不得食聖物惟祭司購以金或生於其家者可得而食如祭司之女嫁與
外人不可食聖物如爲殤或爲夫所棄無子而大歸父家與幼時無異則父所食者亦得同食惟
外人不可食如人誤食聖物則必加五分之一償之祭司以色列族奉我之聖物不容與外人共
食恐外人食之自取罪戾蓋我耶和華使之成聖又曰告亞倫及其子與以色列族云凡以色列
族或族中之賓旅許願樂輸燔禮物以獻莫我悅納者則必取牛綿羊或山羊惟牡是尙純潔是
務體有不備者則不可獻不蒙悅納如人許願樂輸償其所許獻牛羊於我爲酬恩之祭必務純
潔體無玷缺以莫悅納凡瞽目毀傷損缺痘疹疥癬瘡痍俱勿獻於我勿燔於壇牛羊四肢不均
形體猥瑣人樂輸之則可惟許願以獻則不蒙悅納外腎損傷或被閹割者勿獻於我在爾中勿
行是外人欲以此享爾之上帝爾勿受以獻蓋體毀傷不全備者不蒙悅納○又曰凡犢或綿羊
山羊之羔旣字後偕母必至七日越八日可獻於我以爲燔祭而蒙悅納牝牛牝羊勿偕子同日

以宰欲獻酬恩之祭於我，莫我悅納，即於所獻之日食之，勿留於明日。我耶和華所命如是。以色列族中，我耶和華所命如是。

第二十三章 耶和華諭摩西曰，告以色列族。

我之節期，是為聖會，有常例焉。六日間宜操作，越至

七日乃安息，必有聖會，悉休其工，無論所往，必守安息，以奉事我。外此亦有節期，以為聖會，屆期

必告於眾，正月十四日薄暮，即我之逾越節，是月之望，為無酵節，以奉事我。歷至七日，當食無酵

餅，首日有聖會，毋興作。此七日間，日奉燔祭，以獻我。越至七日，亦有聖會，毋興作。○又曰，告以色列

列族云，爾至我所賜之地，獲田所產，必取初實之穗一束，奉於祭司，安息日明晨，祭司以之搖於

我前，莫蒙悅納。搖穗之日，必取未盈歲之牡羔一，純潔是務，燔以獻我，和油之粉一斗二升，為禮

物，燔而獻我，取其馨香。酒二斤有半，以為灌奠。圓饅烘穀，嘉穗未於其中取而獻我者，毋食，以此

著為永例，歷代勿替。隨往勿易。自安息日之明晨，搖穗之日，必核七七日，而盈其數，越至五旬，

禮物於我，以薦其新。取粉一斗二升於爾家，和以醇，製成圓饅，以薦初實，搖而獻我。外此更獻未

盈歲之羔七，純潔是務，牡犢一，牡綿羊二，與其禮物，奠之以酒，俱燔以獻，取其馨香，而奉事我。又

獻山羊之羔一，為贖罪祭，未盈歲之綿羊羔二，為酬恩祭。祭司取此與初實之麥，所作圓饅，搖於

我前，是物既獻於我，必歸祭司。是日必有聖會，播告於眾，咸止工作，著為永例，歷代勿替。隨往勿

易。獲田所產，當留其隅，毋拾遺穗，惟賓旅與貧乏者可得。我耶和華爾之上帝所命如此。○又曰，

舊約聖書 利未記

第二十三章

五十九

告以色列族云。七月之朔當守安息日。必有聖會。吹角爲記。是日毋興作。惟獻燔祭。而奉事我。○又曰。七月十日。爲贖罪之期。必有聖會。當卑以自牧。獻燔祭於我。是日宜止操作。務贖爾罪。於耶和華爾之上帝前。於是日不卑以自牧。必絕之民中。於是日不止操作。必滅之民中。是日毋興工作。著爲永例。歷世勿替。隨往勿易。是月九日薄暮。至明日薄暮。當守安息日。卑以自牧。○又曰。告以色列族云。七月之望。歷至七日。爲構廬之節期。以奉事我。首日有聖會。毋操作。此七日間。日獻燔祭。以奉事我。越至八日。爲聖會之大日。工作咸止。宜獻燔祭。以奉事我。今所言者。乃我之節期。必守聖會。以獻燔祭。而奉事我。其燔祭。禮物。灌奠之酒。日必獻之。各遵所宜。外此更當守我安息日。亦必償爾所許之願。架輪。禮物。以獻於我。七月之望。田園所產。斂藏既畢。必守節期。歷至七日。以奉事我。首日爲安息。八日亦爲安息。首日爾必取佳木之葉。棗樹之條。喬木之枝。溪旁之柳。欣喜歡作於我耶和華爾之上帝前。歷至七日。每歲七月間。必守七日爲節期。以奉事我。著爲永例。歷代勿替。凡爾宗族。居處是廬。必歷七日。俾爾子孫永憶弗忘。我導爾出埃及時。曾使爾居廬也。我耶和華爾之上帝所命如此。摩西以耶和華之節期。宣播於衆。

耶和華諭摩西曰。告以色列族云。當取橄欖搗油。惟潔是務。使燈常燃。會幕中。法置

前簾外。亞倫必燃明燈於我前。自夕達旦。著爲永例。歷代勿替。必置盞於金燈臺上。恒奉事我。當取麵粉。製餅十二。每餅一斗二升。列爲二行。行各六餅。置諸金几。以供事我。每行餅上。必置乳香。惟潔是務。以爲記錄。焚以獻我。值安息日。自以色列族取餅。置於我前。守爲恒約。祭物燔而獻我。

於其中有餅爲至聖之物，以歸亞倫及其子孫，食於聖所，著爲永例。○以色列族但之支派底伯哩女名示羅密，適於埃及人，其所生之子，往來以色列族中，與以色列人鬪於營，譏刺耶和華名，加以咒詛，人曳之至摩西，禁於獄，俟耶和華之旨，明告於衆，耶和華諭摩西曰：彼與咒詛，曳出營外，使聞之者，按手其上，衆以石擊之，告以色列族云：咒詛其上帝者，罪歸之，譏刺我耶和華名者，死無赦，衆擊以石，無論宗族賓旅，譏刺我名者，死無赦，殺人者，死無赦，殺人之畜，必償，以牲償，性殘缺人體者，必依其所行而反之，傷償傷，目償目，齒償齒，如其使人殘缺，必如是反之，殺人之畜，必償，殺人者，死無赦，無論宗族賓旅，俱循一例，我耶和華爾之上帝所命如此，摩西使以色列族曳咒詛者出營外，擊之以石，以色列族遵耶和華所諭摩西之命而行。

第二十五章 耶和華於西乃山諭摩西曰：告以色列族云：爾既至我所錫之地，當休息土壤，敬恪

乎我。六年間，耕耘田畝，治理葡萄，斂其所產，越至七年，使土休息，敬恪乎我，斯時也，田畝勿耕，葡萄勿治，田畝之不耕而發者，勿穫，葡萄之不治而實者，勿摘，蓋是年其土乃休息，當其時也，土之所產，爲爾及僕婢，傭人，賓旅，六畜，野獸，所食，爾宜核數安息之年，凡七，七七相乘，計四十九年，當年七月十日，爲贖罪之期，遍地吹角爲號，使閱五十年成聖，普告宇內居民，此爲禧年，得以自由，人各歸其業，返其家，每五十年必爲禧年，田畝不耕而發者，勿穫，葡萄不治而實者，勿摘，此乃禧年，必以爲聖，田畝之自發者，人俱可食，禧年既屆，各歸其業，如鬻業於人，或購人之業，勿相侮，必計禧年之日月，視其遠近，計田所產，而相鬻購，期遠價昂，期近價減，視結實之多寡，而

醫其業，故勿相侮。乃畏上帝，我耶和華爾之上帝所命如此。宜遵我法度，守我禮儀，安居斯土地之所產，使爾果腹，安然居處。倘爾問云：「既至七年，不稼不穡，將何所食？」我必於六年間，錫嘏於爾，可得三年之蓄。八年耕耘，尙食舊穀。至於九年，新穀乃登，田畝屬我。汝乃賓旅，不得以田畝永鬻於人。爾所有之地，雖鬻可贖。浸假宗族貧乏，鬻其田疇，親戚贖之亦可。如無贖者，而已有餘，足以自贖，則當核其年之多寡，以其所值償諸於人，得歸其業。如己無所有，不足以償，則見鬻之業，可存於人，待禧年至，地屬於主，人歸其所。如人鬻邑中之宅，則鬻後期年可贖。如年已周，不贖，則邑中之宅，永存於購者，歷世勿替。卽屆禧年，亦不歸主。但宅在鄉里，而無城垣，則視如田畝，可得贖之。禧年歸主。惟利未族之邑，與邑中之宅，利未人隨時可贖。如人購利未族之宅，則宅與邑，屆禧年必歸其主。蓋在以色列族中，利未人以邑中之宅爲業。利未族邑郊之田，爲其恒業，不得永鬻於人。如宗族匱乏，家日益落，當周其急，使之偕居。若柔遠人然，宗族偕居，勿取其利。宜畏爾之上帝，貸金與粟，毋圖其利。吾耶和華爾之上帝，導爾出埃及，以迦南賜爾。爾必以我爲上帝。如宗族貧乏，自鬻於爾，勿視若奴。當偕爾居，如傭人旅人然，供爾役事，以待禧年。屆期，彼及子女，必去爾家，仍歸其所，復得前人遺業。昔我導以色列族出埃及，爲我臣僕，故不得鬻爲賤役。勿治以嚴。宜畏爾之上帝，異邦之民，來自四方者，可購爲僕婢。外人旅於爾中，生於爾地者，可購而得之。遺於子孫，恒爲爾僕。惟以色列人爲爾宗族，勿治以嚴。如爾中賓旅，有富厚者，爾族窮乏，自鬻於彼，或其子孫，鬻後戚屬，亦可代爲贖之。或叔伯，或叔伯之子，或同族，俱可贖之。如己有餘，足以自贖，自

贖亦可。時與禧年相去，當互爲核算，揆其期之遠近，酌備人之值幾何，以償贖價之多寡。年遠償其鬻金宜多，年近償其鬻金宜少。歲必偕居，待若傭人，毋治以嚴如未得贖。屆禧年之期，彼及子女，去可自由。昔我導以色列族出埃及，故以之爲我臣僕。我耶和華爲爾之上帝。○**第二十六章**
勿作偶像，勿立偶像，勿勒像於石，而崇拜之。是我耶和華爾之上帝所禁。當守我安息日，敬我聖室。我耶和華所命如是。倘遵我禮儀，守我禁令，我必降時雨，使地產物，樹結果，爾禾方擊之期，葡萄可摘矣。葡萄摘猶未盡，播種又將及矣。俾爾果腹安居。我賜境內平康，驅逐暴獸，毋許與戎，爾可安寢。無人使爾危懼。爾將追敵，以刃殲之。爾中之人，五可驅百，百可驅萬。敵必殲於爾刃。我將眷顧爾曹，與爾立約，使爾繁衍昌熾。爾食舊穀，新穀既盈，舊穀可移。我將立室於爾中心，不憾爾。周遊爾間，吾爲爾之上帝。爾爲我民。我耶和華爾之上帝，導爾出埃及，脫爾於賤役。毀爾所負之軛，使爾徑行直遂。若不聽從，弗遵此命，蔑我禮儀，侮我法度，干我誠命，違我盟約，我將使爾穀，斃身癆，體瘡，以致心憂目盲，播種徒勞，爲敵所食。我必拒爾，使死於敵前。憾爾者將虐爾，無人追襲。爾亦遁逃。若仍弗聽從，將治爾罪，重於七倍。爾恃強驕肆，我必毀爾，使爾天地堅若銅鐵。爾徒力作，田無所產，樹不結實。爾尙梗頑，不克從順，則按罪降災，必至七倍。使暴獸入爾境，攘爾子，食爾牲，致戶口凋殘，遶衢寂寞。爾猶不順受譴責，所行逆我，我必降罰，督責爾罪。至於七倍。爲爾背約，故以鋒刃擊爾，洩我忿怒。爾若集於邑垣，我必使疫癘流行，付爾於敵。既減爾食，十婦炊餅於一爐，較量其數，爾雖得食，不能果腹。汝猶不聽從我言，所行逆我，我必震怒，降罰於爾，督責爾罪。

至於七倍，使爾殘食子女。爾造日象、築崇邱，我必毀之，棄爾尸骸，以及偶像，共相枕藉。我中心憾爾，毀爾邑垣，使聖所寂寞，不享爾馨香。爾國荒涼，如是之甚，使敵居斯土，無不駭異。我必散爾於異邦，襲爾以白刃，荒寂爾居，掃除爾邑。爾既轉徙於敵國，則斯土荒寂，其壤可享安息。汝居斯土，遇安息日期，壤無憩息，故荒寂時，可獲憩息。爾曹猶有子遺，處於敵國，必使爾心畏蒞，風吹葉落，偶聞其聲，則懼而遁，若避鋒刃，卽無追者，亦必隕沒。自相蹂躪，如擊以刃，拒敵無能。爾必危亡於異邦，并吞於敵國。爾曹猶有子遺，處於敵國，爲一己之愆尤，并前人之罪戾，日漸消亡。如其能任己愆及前人之罪，自知差失，所行逆我，受我譴責，驅至敵國，在彼服罪，緣其不潔之心，卑以自牧，則我必追憶曩時與亞伯拉罕、以撒、雅各所立之約，而俯念斯土。以色列民蔑我法度，憾我禮儀，使其故土遠離，田疇荒寂，於斯時也，土地得享安息，待民服罪，彼驅於敵國，我不屏斥之，厭棄之，殲滅之，不廢我約。蓋我耶和華尙爲其上帝。昔我耶和華導以色列祖出於埃及，爲其上帝，越在異邦，無不目擊，故我必念其盟約。以上之禮儀典章律法，乃耶和華於西乃山諭摩西使告以色列族遵行者。

第十七章 耶和華諭摩西曰，告以色列族云，有許願者，以人供我役事，則必估其價。循聖所之權衡，自二十歲至六十歲者，男二十五兩，女十五兩，自五歲至二十歲者，男十兩，女五兩。自一月至五歲者，男二兩有半，女一兩有半。自六十歲以上者，男七兩有半，女五兩。倘其人貧乏，不能如價，則宜見祭司，祭司視其力，以估其價。如人以可享之牲，許獻於我，則必獻之，美惡毋相易，如易

之則所許所易者俱獻於我。如所許者不潔之畜不堪享我則必牽至祭司以估其價。或美或惡必遵祭司所估之命。如欲贖之宜於所估之價加五分之一。如人許宅供我役事祭司必估其價。或美或惡遵其所命以爲定例。如欲贖之必於所估之價加五分之一。宅則歸己。如人以所遺之田獻我以供役事則視播種之多寡以估其價。播大麥六石者價值二十五兩。如其獻田適值禮年則爾所估之價必爲定例。如其獻田在禮年之後則祭司必權其後至禮年之歲月以減其價。如已獻田而欲贖之當於所估之價加五分之一。田則歸己。如不贖田或祭司轉鬻於人則不可復贖。禮年既屆必以其田恒供我役歸於祭司。若獻禮物然。如人以田獻我供我役事是田乃購於人非祖父所遺者則祭司必視禮年之遠近以估其價。必使即償其金供我役事。待禮年至田歸其主。爾所估之價必循聖所權衡十錢爲一兩。首生牡畜無論牛羊本歸於我不得再獻。供我役事不潔之畜人欲贖之必遵爾所估之價加五分之一。苟或不贖必視所值鬻之於人。凡獻我之物無論人畜田畝俱不得鬻亦不得贖。所獻禮物不可復贖。乃必宰之。田之所產樹之所結什一奉我俱歸我耶和華。所應輸之什一人欲贖之必加五分之一。牛羊爲牧者計其數必以什一歸我。或美或惡毋庸察亦毋庸易。如其易之則所數與所易者俱必獻我不得復贖。上所載之誠命乃耶和華在西乃山諭摩西告以色列族者。

民數紀畧

出埃及後，二年二月朔，耶和華在西乃野會幕中，諭摩西曰：以色列會衆，循其世系宗族，凡諸丁男，一一核其數，自二十歲以上，能臨陳者，爾及亞倫當依其數而計之。每支派中，擇最著者一人，以助爾。今述其名，屬流便支派，示丟耳子以利稽，屬西面支派，蘇哩沙太子示路滅，屬猶大支派，亞米拿達子拿順，屬以薩迦支派，蘇押子拿但業，屬西布倫支派，希倫子以利押，約瑟有二子，分爲支派二，屬以法蓮支派，亞米忽子以利沙馬，屬馬拿西支派，比大稽子迦馬列，屬便雅憫支派，其田尼子亞庇但，屬但支派，亞米沙太子亞勃色，屬亞設支派，惡蘭子帕結，屬伽得支派，丟耳子以利亞撒，屬納大利支派，以南子亞希喇。今所言諸人，爲支派之牧伯，以色列族中之千夫長，會中素有名望者。摩西亞倫召之，二月朔，集會衆，自二十歲以上，凡諸丁男，一一稱名，述其譜系，考其宗族。摩西在西乃野，遵耶和華命，核其數，以色列長子，流便子孫，循其世系宗族，自二十歲以上，凡諸丁男，能臨陳者，依其名數，計四萬六千五百。西面子孫，循其世系宗族，自二十歲以上，凡諸丁男，能臨陳者，依其名數，計五萬九千三百。伽得子孫，循其世系宗族，自二十歲以上，能臨陳者，依其名數，計四萬五千六百五十。猶大子孫，循其世系宗族，自二十歲以上，能臨陳者，依其名數，計七萬四千六百。以薩迦子孫，循其世系宗族，自二十歲以上，能臨陳者，依其名數，計五萬四千四百。西布倫子孫，循其世系宗族，自二十歲以上，能臨陳者，依其名數，計五萬七千四百。約瑟生二子，分爲支派二，以法蓮子孫，循其世系宗族，依其名數，自二十歲以上，能臨陳者，計

四萬有五百。馬拿西子孫，循其世系宗族，依其名數，自二十歲以上，能臨陳者，計三萬二千二百。便雅憫子孫，循其世系宗族，依其名數，自二十歲以上，能臨陳者，計三萬五千四百。但之子孫，循其世系宗族，依其名數，自二十歲以上，能臨陳者，計六萬二千七百。亞設子孫，循其世系宗族，依其名數，自二十歲以上，能臨陳者，計四萬一千五百。納大利子孫，循其世系宗族，依其名數，自二十歲以上，能臨陳者，計五萬三千四百。以色列十二支派之牧伯，輔翼摩西亞倫，核數其名，考其宗族，自二十歲以上，能臨陳者，計六十萬三千五百五十人。利未宗族，不列其數，蓋耶和華曾諭摩西曰：利未支派，勿與以色列族同核，必使之負載法幕及其器皿，供役其中，四周列營。如徙會幕，利未人移之，如立會幕，利未人建之，外人近其側，必致死亡。以色列衆立營，各歸其所，各循其壽。利未人立營，四周法幕，以爲範衛，免以色列族于我震怒。以色列族遵耶和華所諭摩西之命而行。

耶和華諭摩西亞倫曰：以色列族必遠會幕之四周，隨其壽，附宗族之旆，各列其營。東方日出之所，凡從猶大之壽者，各列其營。亞米拿達子拿順爲猶大牧伯，能臨陳者，計七萬四千六百。以薩迦支派從其右，蘇押子拿但業爲牧伯，能臨陳者，計五萬四千四百。西布倫支派從其左，希倫子以利押爲牧伯，能臨陳者，計五萬七千四百。凡從猶大營，能臨陳者，計十八萬六千四百。遣征前往。○南方有流便之壽及其軍旅，示丟耳子以利藉爲流便牧伯，能臨陳者，計四萬六千五百。西面支派從右列營，蘇哩沙太子示路滅爲牧伯，能臨陳者，計五萬九千三百。伽得支派從

其左流耳子以利亞薩爲牧伯能臨陳者計四萬五千六百五十凡從流便營能臨陳者計十五萬一千四百五十過征次往○過征時利未族與會幕居於營之中視列營法以爲過征各隨其羣○西方有以法蓮之羣及其軍旅亞米忽子以利沙馬爲以法蓮牧伯能臨陳者計四萬有五百馬拿西支派從其右比大稽子迦馬列爲牧伯能臨陳者計三萬二千二百便雅憫支派從其左其田尼子亞庇但爲牧伯能臨陳者計三萬五千四百凡從以法蓮營能臨陳者計十萬八千一百過征次往○北方有但之羣及其軍旅亞米沙太子亞勃斯爲但之牧伯能臨陳者計六萬二千七百亞設支派從其右惡蘭子帕結爲牧伯能臨陳者計四萬一千五百納大利支派從其左以南子亞希喇爲牧伯能臨陳者計五萬三千四百凡從但之營能臨陳者計十五萬七千六百過征其後○以色列族循其宗族核其營壘軍旅總計六十萬三千五百五十利未族不列其數遵耶和華諭摩西之命以色列族過征各依其族列營各循其羣遵耶和華諭摩西之命

○昔在西乃山耶和華諭摩西時摩西亞倫之紀畧臚列如左亞倫首生拿答次生亞庇戶以利亞撒以大馬亞倫諸子咸受香膏任爲祭司拿答亞庇戶在西乃野燃不聖之火以獻耶和華故死於其前二人無子以利亞撒以大馬與父亞倫同爲祭司○耶和華諭摩西曰可使利未族近前侍於祭司亞倫側而輔翼之從事於會幕前代亞倫及會衆守所當守守會幕之器代以色列族守所當守從事於此爾在以色列族中必以利未人悉畧亞倫及其子使爲助理惟立亞倫及其子爲祭司以守其職外人近聖室必致死亡○耶和華諭摩西曰我耶和華取利未人代

以色列族初胎之男子，故利未人屬我。昔在埃及及我戮其地諸冢子時，取以色列族初胎之男，首生之畜，使獻於我，故凡初胎與首生者，悉歸於我。我耶和華所命如是。○耶和華在西乃野，諭摩西曰：利未諸丁男，循其世系宗族，自一月以上者，當核其數。摩西遵耶和華命而行。利未子名，臚列如左：革順、哥轄、米喇哩。革順生立尼示，每哥轄生暗蘭。以斯哈、希伯崙、烏泄、米喇哩生抹利母示。斯利未子孫，依其世系。○屬革順者有立尼示，每二族。其諸丁男，自一月以上，計七千五百。皆當於會幕後，西向列營。拉利子以利亞薩為革順族長。革順人所守者，會幕及其蓋，幃為幕門，幕帷及壇四周之場帷，幃為場門，及所用之索。○屬哥轄者有暗蘭。以斯哈、希伯崙、烏泄四族，其諸丁男，自一月以上，計八千六百。使守聖所，皆當於會幕南向列營。烏泄子以利撒反為哥轄族長。哥轄人所守者，法匱、几案、燈臺、祭壇、香壇、與幃，及聖室器皿，用以服事者。祭司亞倫子以利亞撒為利未族諸長之冠，統理守聖室之人。○屬米喇哩者有抹利母示二族，其諸丁男，自一月以上，計六千二百。皆當於會幕北向列營。亞庇孩子蘇列為米喇哩族長。米喇哩人所守者，會幕之板、楨、柱、座，與所用器皿，及場四周之柱、座、釘、索。○惟摩西亞倫及亞倫子，於會幕前，東向列營，代以色列族守其所守，護持聖室，外人近之，必致死亡。摩西亞倫遵耶和華命，核利未人數，依其世系。諸丁男，自一月以上，計二萬二千。○耶和華諭摩西曰：以色列族丁男冢子，自一月以上者，宜核其數。取利未人代以色列族初胎之男，以歸我耶和華，亦取利未人之畜，代以色列族首生之牲，以獻於我。摩西循耶和華命，為以色列族之丁男冢子，核算其數，依其名籍，自一月以上者，計二

萬二千二百七十三。○耶和華諭摩西曰：取利未人代以色列族初胎之男，亦取利未人之畜，代其首生之牲，使利未人悉歸於我。我耶和華所命如此。以色列族初胎之男，其數較諸利未人多二百七十三人，俱當以金贖之。人各取二兩有半，十錢爲一兩，權衡其數，必循聖所之法。當以贖金歸亞倫及其子。以色列族丁男家子較利未人爲尤多，所贖之金摩西取之，計六百八十二兩有半，權衡其金，悉循聖所之法。以奉亞倫及其子，循耶和華所命摩西而行。○耶和華諭摩西亞倫曰：利未族中哥轄子孫，循其世系宗族，自三十歲至五十，能從事於會幕者，宜核其數。其所負者，會幕至聖之什物，過征之時，亞倫及其子宜近前，除簾以掩法匱，施貂皮其上，覆以紫布，貫杠於旁。几上覆以紫布，盤鼎、壺、盂，以爲灌奠，我前恒陳之餅，悉置其上。蓋以絳布，覆以貂皮，貫杠於旁。以紫布蓋燈臺及盞，剪盤與所用之油器，覆以貂皮，悉置於板。以紫布蓋金壇，施貂皮其上，貫杠於旁。聖室所用之器皿，以供役事者，蓋以紫布，施貂皮其上，悉置於板。祭壇之灰必棄，覆以赤布，置鼎、鈎、盃、盂及壇上所用器皿，以供役事者，悉置於壇，施貂皮其上，貫杠於旁。以色列族過征時，亞倫及其子，蓋聖室諸器皿，既畢其事，則哥轄子孫可前以鼻，惟不可捫聖物，恐致死。今所言者，哥轄子孫當負戴會幕之什物，祭司亞倫之子，以利亞撒所守者，乃燈油、芬芳之品、日獻之禮物，以及香膏，與統理會幕聖室中所用之什物。耶和華諭摩西亞倫曰：哥轄人勿造次近聖物，恐致死亡，絕於利未族中。亞倫及其子當先入聖室，衆所役負，各定其例，蓋聖物時，哥轄人亦勿入以觀望，恐致死亡。○耶和華諭摩西曰：革順子孫，循其世系宗族，自三十歲至五十，能

從事於會幕者，宜核其數。其所負戴之什物，卽會幕與其蓋，在上之貂皮，幃爲幕門，幕帷，及壇四周之場帷，幃爲場門，索與器皿，以供役事者，悉當負戴。亞倫及其子，當命革順人供役，負重所守。所事，悉從爾命。今所言會幕之什物，革順人所當負戴。祭司亞倫子以大馬統理之。○米喇哩子孫，循其世系宗族，自三十歲至五十，能從事於會幕者，宜核其數。其所負戴之什物，卽會幕之板，鍵，柱，座，場四周之柱，座，釘，索，與所用器皿，以供役事者，皆按籍以記。今所言會幕之什物，米喇哩子孫所當負戴。祭司亞倫子以大馬統理之。○摩西亞倫及會長，核數哥轄子孫，循其世系宗族，自三十歲至五十，能從事於會幕者，計二千七百五十。摩西亞倫遵耶和華命，核算哥轄人數，使從事於會幕者，卽此。革順子孫，循其世系宗族，自三十歲至五十，能從事於會幕者，計二千六百三十。摩西亞倫遵耶和華命，核算革順人數，使從事於會幕者，卽此。○米喇哩子孫，循其世系宗族，自三十歲至五十，能從事於會幕者，計三千二百。摩西亞倫遵耶和華命，核算米喇哩人數，卽此。摩西亞倫及以色列會長，核數利未族，循其世系宗族，自三十歲至五十，能從事於會幕，供役負重者，共計八千五百八十。各循其役事負戴，以被核數。遵耶和華諭摩西之命。

耶和華諭摩西曰，告以色列族云，凡患癩疾，白濁，及捫尸蒙汚之人，無論男女，悉當驅之，屏於營外。我所處之營，勿使有玷。以色列族遵耶和華諭摩西之命而行。○又曰，告以色列族云，如男女蹈愆，干犯於我，自取罪戾，當任其過，有負於人，當償其物，加五分之一，歸於所負者。倘欲償之，而無主，并無戚屬，則必償之於我，奉與祭司，亦獻牡綿羊爲祭，以贖其罪。以色列族所舉而

獻奉於祭司之禮物，必歸祭司。凡人所獻之禮物，必歸祭司，奉於祭司者亦然。○耶和華諭摩西曰：告以色列族云：如人之妻，不循婦道，獲罪於夫，與人有私，以玷其身，事屬隱微，夫不及知，無人爲證，更無執之者，如夫浸生疑意，無論婦之有玷與否，必攜其妻至祭司，以麩麥粉六升，奉爲禮物，毋斟以油，毋加以香，蓋爲疑而獻，以記罪愆。祭司必使婦近立我前，以瓦器盛聖水，取會幕地塵，置於水中，祭司既使婦立於我前，必露其頂，取因疑獻祭以記罪愆之物，付於其手，祭司執致詛之苦水，令婦發誓，告之曰：如汝克循婦道，未與他人有私，不玷爾身，則致詛之苦水，不害及爾。如爾不循婦道，有私於人，以玷爾身，則耶和華使汝見詛於民中，汝必髀消腹鼓，使此致詛之水，苦入汝腹中，令汝髀消腹鼓。婦宜曰：固所願也。祭司必書此詛於簡，以苦水塗抹其上，令婦飲此致詛之水，苦入其腹，因疑而獻之禮物，祭司必取於婦手，搖於我前，獻於壇上。於其中取一掬，以爲誌，焚之於壇上，然後使婦飲水，既飲之後，如婦已玷其身，獲罪於夫，則致詛之水苦入其中，使其腹鼓髀消，見詛於民中。如婦無所玷而清潔，則害不及身，反可懷妊。今所言者，乃婦不循婦道，玷及其身，致夫懷疑，故立此法，或夫浸生疑意，置婦於我前，祭司遵法而行，其後夫必無愆，婦必負罪。

耶和華諭摩西曰：告以色列族云：如男女許願，欲離世故，以奉事我，清酒醇醪勿飲，其釀爲醴亦勿飲，葡萄汁勿飲，葡萄實或鮮或莖均勿食，其離世故時，葡萄樹之所產，自實及皮，均不可食。既發願而離世故，彼必成聖，當留其髮，薙髮之刀勿加於首，迨奉我之日，既盈，薙之可也。奉

我之時，毋近尸側。既留髮以奉我，雖其父母兄弟姊妹死，毋爲之蒙不潔。離世故時，其必爲聖，以奉事我。倘有人猝死其側，則雖離世故，亦蒙不潔，必待七日，燻髮而後成潔。越至八日，攜二鴉鳩，或二雛鴿，至會幕前，奉於祭司。祭司獻之一，爲贖罪祭，一爲燔祭。因其捫尸，代爲贖罪，卽日其首成潔。其離世故時，偶蒙不潔，必攜未盈歲之羔，爲補過之祭。當復許願，以奉事我。既往之日，毋庸追溯。其所許離世故之日，既盈，則必循法以行。至會幕前，獻禮物於我。未盈歲之牡羔一，爲燔祭。未盈歲之牝羔一，爲贖罪祭。牡綿羊一，爲酬恩祭。俱潔是務。暨無酵餅一筐，其中有和油之麵餅，抹膏之薄餅，俱弗置酵，以爲禮物。酒以灌奠。祭司必攜之我前，獻贖罪之祭及燔祭，亦獻牡綿羊，爲酬恩之祭。筐盛無酵餅，以爲禮物。酒以灌奠。離世故之人，於會幕前，必燻髮，投髮於火，與酬恩之祭物同焚。祭司乃取水烹之羊肩，又取筐中之餅一，與薄餅一，俱弗置酵，以付於見燻者之手。搖於我前，所搖之腔，所舉之肩，必爲聖物，歸於祭司。厥後離世故之人，庶可飲酒。離世故之人許願，以禮物奉我，其例若此。外此如有能力許願，必遵所言而行。○又曰，告亞倫及其子，爲以色列族祝嘏，必曰：願耶和華祝福爾，護持爾。願耶和華光華普照於爾，待爾以慈。願耶和華眷顧爾，錫爾平康。如是以我名加以色列族，我特錫嘏焉。

會幕告成，摩西以膏敷之，亦敷祭壇及諸器皿，俱使成聖。前所核數以色列之牧伯，族長族中最著者，羣獻禮物。攜至耶和華前，以蒙幟之車六，牛十有二，每二牧伯獻一車，每一牧伯獻一牛，牽至會幕前。耶和華諭摩西曰：取車以供會幕之役事，其於利未人，各視事之重輕以給子。

摩西以車與牛，子利未人兩車四牛，子革順子孫，循其役事。四車八牛，子米喇哩子孫，循其役事。爲祭司亞倫子以大馬治理。哥轄子孫於聖室之什物，以肩負荷，故不給以車。祭壇告成，以膏釁之。斯時也，牧伯獻禮物於壇前。耶和華諭摩西曰：各牧伯宜循其日數，獻其禮物，以備祭壇告成之禮。○首日，獻禮物者，猶大族長亞米拿撻子拿順，所獻者：銀盤一，重六十五兩，銀盃一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆拿順所獻。○二日，以薩迦牧伯蘇押子拿但業，獻禮物：銀盤一，重六十五兩，銀盃一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆拿但業所獻。○三日，西布倫牧伯希倫子以利押，獻禮物：銀盤一，重六十五兩，銀盃一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆以利押所獻。○四日，流便牧伯示丟耳子以利稽，獻禮物：銀盤一，重六十五兩，銀盃一，重三十五兩，循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆以利稽所獻。○五日，西面牧伯蘇哩沙太子示路滅，獻禮物：銀盤一，重六十五兩，銀盃一，重三十五兩，循聖所

之權衡俱盈以和油之粉爲禮物。金鼎一、重五兩、盈以香。牡犢一、牡綿羊一、未盈歲之羔一、俱爲

燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩之祭。皆示路滅所

獻。○六日、伽得牧伯、丟耳子、以利亞薩獻禮物。銀盤一、重六十五兩、銀盃一、重三十五兩、循聖所

之權衡、盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔一、俱爲燔

祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩祭。皆以利亞薩所獻。

○七日、以法蓮牧伯、亞米忽子、以利沙馬獻禮物。銀盤一、重六十五兩、銀盃一、重三十五兩、循聖

所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔一、俱

爲燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩祭。皆以利沙馬

所獻。○八日、馬拿西牧伯比大稽子、迦馬列獻禮物。銀盤一、重六十五兩、銀盃一、重三十五兩、循

聖所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔一、

俱爲燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩之祭。皆迦馬

列所獻。○九日、便雅憫牧伯、其田尼子、亞庇但獻禮物。銀盤一、重六十五兩、銀盃一、重三十五兩、

循聖所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之羔

一、俱爲燔祭。山羊之羔一、爲贖罪祭。牛二、牡綿羊五、牡山羊五、未盈歲之羔五、爲酬恩之祭。皆亞

庇但所獻。○十日、但之牧伯、亞米沙太子、亞勃斯獻禮物。銀盤一、重六十五兩、銀盃一、重三十五兩、循聖所之權衡、俱盈以和油之粉、爲禮物。金鼎一、重五兩、盈以香。牡犢一、牡綿羊一、未盈歲之

羔一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆亞
亞勃斯所獻。○十一日，亞設牧伯、惡蘭子、帕結獻禮物：銀盤一，重六十五兩，銀盃一，重三十五兩，
循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔
一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆帕
結所獻。○十二日，納大利牧伯，以南子亞希喇獻禮物：銀盤一，重六十五兩，銀盃一，重三十五兩，
循聖所之權衡，俱盈以和油之粉，爲禮物。金鼎一，重五兩，盈以香。牡犢一，牡綿羊一，未盈歲之羔
一，俱爲燔祭。山羊之羔一，爲贖罪祭。牛二，牡綿羊五，牡山羊五，未盈歲之羔五，爲酬恩之祭。皆亞
希喇所獻。○祭壇告成，以膏敷之，是日也。以色列牧伯所獻：銀盤十二，銀盃十二，金鼎十二，盤各
重六十五兩，盃各重三十五兩，諸銀器共計一千二百兩，循聖所之權衡。金鼎十二，盈以香，鼎各
重五兩，共計六十兩，循聖所之權衡。牡犢十有二，牡綿羊十有二，未盈歲之羔十有二，以爲燔祭。
與其禮物。山羊之羔十有二，爲贖罪祭。牛二十四，牡綿羊六十，牡山羊六十，未盈歲之羔六十，爲
酬恩之祭。皆祭壇告成，沐膏之日所獻。○摩西入會幕，與耶和華言，則聞嗒略咪間，法置施恩所
之上，聲從此出，而與之言。耶和華之諭摩西，常在乎此。

第八章 耶和華諭摩西曰：告亞倫云：燃燈之時，宜使七盞明耀於前。亞倫遵耶和華所諭摩西之
言而行，燃燈明耀於前。燈臺自柱及花，悉用圓輪法，以金爲之，乃耶和華所示。摩西已遵其式。○
又曰：以色列族中，簡利未人，使之成潔，成潔之事，有常例焉。以贖罪之水灑之，使毫髮盡薙，濯衣

成潔。取牡犢爲燔祭，和油之麵爲禮物。又取牡犢一爲贖罪祭。宜攜利未人至會幕前，集以色列會衆。既攜利未人于我前，必使以色列族按手其上。亞倫奉利未人於我，爲以色列族所獻，供我役事。利未人必接手於犢首，爾必獻犢一爲燔祭，一爲贖罪祭，奉之於我，以贖其罪。爾必使利未人立於亞倫及其子前，奉之於我。於是爾可區別利未人與以色列族，使之歸我。爾既成潔利未人，奉之於我，則使入會幕，供其役事。蓋我已簡利未人，悉歸於我，代以色列族初胎之男。昔我於埃及戮其地之冢子時，取以色列族初胎之男，首生之畜，以歸於我。越至於今，我以利未人代以色列族初胎之男，使之屬我。我取以賜亞倫及其子，於會幕中，爲以色列族供其役事，代之贖罪。恐以色列族近於聖所，而遭災害。摩西亞倫暨以色列族會衆，待利未人，悉遵耶和華命而行。利未人濯衣成潔，亞倫奉之於耶和華，代爲贖罪，使之成潔。厥後利未人進會幕，於亞倫及其子前，以供役事，遵耶和華諭摩西之命而行。○耶和華諭摩西曰：使利未人自二十五歲以上，入會幕，以供役事。至於五十，乃罷其役，可偕兄弟同守會幕，毋再役事。爾待利未人當若此。

第九卷 出埃及二年正月，耶和華於西乃野諭摩西曰：屆期以色列族當守逾越節。月之十四日，薄暮，遵禮儀法度，而守節期。摩西告以色列族，使守逾越節。正月十四日薄暮，以色列族在西乃野守逾越節，遵耶和華諭摩西之命而行。○有人捫尸蒙污，不得於是日守逾越節。至摩西亞倫前，曰：吾儕雖捫尸自玷，屆期奚禁我與以色列族同獻禮物，以事耶和華。摩西曰：姑待此，我將聽耶和華所諭之命。○耶和華諭摩西曰：告以色列族云：凡爾族中，爰及苗裔，雖捫尸自玷，或遠適

他邦亦當守逾越節。以奉事我。二月十四日薄暮當食逾越節羔。無酵餅與苦菜。毋留其餘於明日。其骨不折。悉遵例而守節期。如人不蒙污。不適他方。而弗守逾越節者。罪必歸之。絕於民中。以屆期不獻禮物也。如外人旅於爾中。守逾越節。而奉事我。必遵例以守節期。爾之宗族爰及賓旅。其例相同。

張法幕之日。有雲蔽之。自夕達旦。雲見如火。無日不然。晝有雲蔽。夜望若火。雲離會幕。以色列族過征。雲止之所。以色列族張幕。以色列族過征。張幕俱遵耶和華命。視雲之蓋會幕。而民處其所。如雲蓋會幕。歷日既久。則以色列族供耶和華役事。而不過征。如雲蓋會幕。爲日無幾。以色列族遵耶和華命。而張幕。亦遵耶和華命。而過征。自夕達旦。雲止。及至詰朝。雲昇。其昇之時。無論晝夜。過征勿緩。雲止於會幕。或兩日。或一月。或一年。則以色列族居其所。而不動。以待雲昇。然後過征。張幕過征。俱遵耶和華命。供其役事。遵耶和華所諭摩西之命而行。○**第二十章** 耶和華諭摩西曰。用圓輪法。製銀角二。以集公會。便營過征。吹二角時。會衆宜集。見爾於會幕前。吹一角時。以色列族牧伯。千夫長。必集見爾。若角聲宏遠一次。則東營過征。二次。則南營過征。如聞角聲宏壯。過征勿緩。欲集公會時。可吹其角。聲勿宏遠。亞倫子孫爲祭司。必吹其角。著爲永例。歷世勿替。有敵犯境。爾往攻之。必吹角甚厲。則耶和華爾之上帝垂念爾曹。拯爾於敵。佳日會期。月朔。與獻燔祭。酬恩祭之時。當吹其角。我耶和華爾之上帝必垂念爾。○二年二月二十日。雲離法幕。以色列族過征。去西乃野。雲至於巴蘭野。則止。其遵耶和華諭摩西之命。而過征者。實始於此。凡從猶大之壽

者循其行伍。遣征爲前軍。亞米拿達子拿順統猶大軍。蘇押子拿但業統以薩迦軍。希倫子以利押統西布倫軍。於是徙會幕。革順米喇哩子孫負之。遣征。凡從流便曠者。循其行伍。遣征。示丢耳子以利稽統流便軍。蘇哩沙太子示路滅統西面軍。丢耳子以利亞薩統伽得軍。哥轄子孫負聖室之什物。遣征。先行之利未人。建置會幕。以待後至者。凡從以法蓮曠者。循其行伍。遣征。亞米忽子以利沙馬統以法蓮軍。比大稽子迦馬列統馬拿西軍。其田尼子亞庇但統便雅憫軍。凡從但之曠者。遣征爲後軍。亞米沙太子亞勃斯統但之軍。惡蘭子帕結統亞設軍。以南子亞希喇統納大利軍。如是以色列族。循其行伍而遣征。○摩西謂其戚屬米田人流耳子何巴曰。我儕遣征往耶和華許賜我之地。汝且偕行。我善視爾。蓋耶和華許以色列族。錫以純嘏。曰。我不偕往。將歸故鄉。返我宗族。曰。請勿棄我。我於曠野。建置營壘。將藉爾目力。如與我同行。則凡耶和華錫我之純嘏。我與爾偕。於是離耶和華之山。歷程三日。耶和華之法匱先行。將擇安處之所。民遣征時。耶和華之雲晝蔽其上。法匱移時。摩西曰。願耶和華起。使敵散處。使仇遁逃。法匱止時。則曰。願耶和華臨格以色列億兆。

民興怨時。耶和華聞而不悅。勃然震怒。使火燃於民中。營之邊隅被燬。民呼摩西。摩西禱於耶和華。火燄隨熄。稱其地曰。大比刺。以耶和華之火曾燃及之也。雜處流民。貪欲無厭。以色列族泣曰。誰子我肉食。我憶在埃及時。食魚。未嘗傷財。亦食荊瓜。匏瓠。韭菜。蔥蒜之本。迄今陳於目前者。嗚呼而已。使我精力衰微。夫嗚呼狀如芫荽。色如珍珠。居民四出。各相斂取。或磨或擣。作

餅以烹於鼎，味若和油之餅。既夕，露降於營，嗎喙亦同下。摩西聞羣衆號哭，各立幕門，致耶和華赫然震怒。摩西不悅，告耶和華曰：何苦爾僕，不施恩於我，以斯民任我。我豈生育斯民哉，奚可使我提抱猶父之懷赤子，攜至爾所許其祖之地乎。斯民哭於我前，求肉以食，我何由得肉，以予之乎。斯民之事甚重，我不能獨任。如蒙爾恩，與其待我若此，毋寧殺我，免我遭諸困苦。○耶和華諭摩西曰：屬以色列族之耆老，於其中簡七十人，必爾夙知其爲民之長老族長，攜至會幕前，與爾偕立。我將臨格，偕爾晤言，取爾所感之神，賦之於彼，使同任民事，免爾獨勞。告民潔己，明日可食肉。蓋我聞爾哭云：昔在埃及，我儕猶不爲苦，今誰予我肉食乎。是故我將賜爾食肉，非止一日、二日、五日、十日、二十日已也。必至一月，使爾漸生厭惡，哇而出之。蓋爾厭棄我，哭於我前曰：我何爲出埃及乎。摩西曰：我民六十萬，爾言予之食肉，至於一月，豈宰牛羊，取鱗族，使之飽飫乎。耶和華曰：我豈力不足耶，今將見我言之應否。○摩西出，以耶和華言告民，集民之老者七十人，立會幕之四周。耶和華乘雲降臨，與摩西言，以感摩西之神賦於長老。神既賦之，則感神而言，厥後不能常若此。所錄者中有二人，一名利達，一名米達，仍居於營，不適會幕。神既賦之，則在營中感神而言。有童趨告摩西曰：利達米達在營中感神而言。嫩之子約書亞尙幼，爲摩西從者，曰：請主禁之。摩西曰：豈緣我故有所嫉乎。願耶和華悉賦億兆以神，使之感神而言。摩西及以色列長老各歸營壘。○耶和華使風疾起，鷄至自海散於營四周，相去約一日之程，離地二尺。民獲鷄鴉，永朝永夕。至於明日，獲之少者，尙得十束，布於營四周。鷄肉在口，啖猶未盡。耶和華怒之，降以重災。故稱

其地曰乞律夏大法。乞律夏大法即貪欲者之墓因貪慾之人悉葬於彼。民自乞律夏大法過征，至哈洗錄居焉。

第十一節 昔摩西娶古實女米哩暗亞倫非之，曰以言告民。耶和華豈第托之於摩西，我儕非同與乎。摩西秉性溫柔，勝於天下。耶和華聞言，遂召摩西亞倫米哩暗曰：爾曹宜至會幕。三人乃至，雲狀如柱。耶和華乘之，臨於會幕門。召亞倫米哩暗曰：宜聽我言。如爾曹感於神，我以異象顯現，或夢中默示，惟我僕摩西盡忠於我家，不示以異象，不見於夢寐，使覲我面，與之晤言，明以相告，毋庸隱喻。爾曹非之，曷不懼乎。耶和華怒而去，雲亦離會幕。米哩暗患顛色，皎若雪。亞倫視之，知其患顛，乃謂摩西曰：我儕愚昧，自取其戾，請吾主毋以罪歸我。毋使米哩暗若未彌厥月，胎腐於腹，生時已半朽者。摩西籲耶和華曰：祈上帝醫之。耶和華曰：若彼父唾於其面，使蒙羞惡，歷至七日，故必禁之營外。至於七日，然後可入。遂禁米哩暗營外。至於七日，民不進征，待米哩暗復入，厥後離哈洗錄，在巴蘭野張幕。

第十二節 耶和華諭摩西曰：我以迦南錫以色列族，可於支派中各擇一長者，至其地以窺察焉。摩西遵耶和華命，自巴蘭野遣之，所遣者悉屬以色列族之最著者，其名臚列於左。屬流便支派：撒刻子沙母亞，屬西面支派：何利子沙法，屬猶大支派：耶孚尼子迦勒，屬以薩迦支派：約瑟子以甲，屬以法蓮支派：嫩之子阿書亞，屬便雅憫支派：喇孚子八氏，屬西布伦支派：鎖底子迦鐵，屬約瑟子馬拿西支派：蘇西子迦底，屬但之支派：其馬利子亞米利，屬亞設支派：米加勒子西帖，屬納大利支派：縛西子拿庇，屬伽得支派：馬其子求利。此數人乃摩西遣之，以窺迦南者。嫩之子阿書

亞摩西易其名爲約書亞。摩西遣十二人窺察迦南。曰：自此而往，涉其南境，登彼山巖，度其土地，觀其居民，強弱衆寡，其處之所，或美或惡，其邑或類營幕，或類城垣，其土壤或瘠薄，或膏腴，其林木叢茂否，強固爾志，彼地之菓，可攜而至。夫摩西遣彼時，乃葡萄初稔之際，其人遂往窺地，自汎野至哩哈，近哈馬之道，轉而南向，至希伯崙，原其建邑之始，前於埃及及人之建鎮。安七年，在彼見亞納子亞希慢，示篩，遂至以實各谷，在彼斫下葡萄之枝，枝上其實纍然，二人貫之以杖，負之以肩，又取石榴與無花果，因在彼有葡萄菓纍然，以色列族斫之，故稱其地以實各谷。○四十四日後，窺地而反，至巴蘭野，隣於迦鐵，見摩西亞倫及以色列會衆，告以諸事，以土產示衆，曰：爾遣我所往之地，我已至焉，果產乳蜜，此其菓也。雖然，居民強悍，城垣廣大，我見亞納子於彼，亞馬力族居南方，赫人，耶布士人，亞摩哩人居山，迦南人瀕海，與約但河居焉，民怨於摩西前，迦勒止之，曰：我儕能克其地，當往取之。偕行者曰：彼強於我，我不可往。遂讒言於以色列族中曰：我所窺察之地，居民受其害，我所見之人，軀幹雄偉，在彼見偉丈夫亞納子，我自較之，形猶螿蟲，彼之視我亦若是。

第十四章 是夜會衆大聲號哭。以色列族怨摩西亞倫曰：我儕寧亡於埃及，或殞於曠野爲幸。耶和華何導我至此，使我殲滅於刃，妻孥被擄，莫若仍歸埃及爲善。於是相議曰：莫若立牧，以歸埃及。摩西亞倫俯伏於以色列會衆前。○窺察者二人，嫩之子約書亞，耶孚尼子迦勒，自裂其衣，告以色列會衆曰：我過其地而窺察之，其土甚美，產乳與蜜，如耶和華悅我，必導我至彼，以地錫我。

莫叛耶和華，莫畏斯土之民。我得耶和華庇佑，彼無所扞衛，必爲我并吞，故勿危懼。會衆欲擊以石，耶和華之榮光顯於會幕，以色列族無不目擊。○耶和華諭摩西曰：我顯異跡於斯民中，彼不篤信我，且欺侮我，伊於何底。我必降以疾疫，殄絕其族，使爾昌熾，成爲大國，較彼尤衆。摩西告耶和華曰：昔爾施大力，率以色列民出於埃及，斯土之民知爾居處，以色列族爲民目擊，以雲蔽之，晝導以雲，夜燭以火，其狀如柱。今欲盡滅斯衆，與戮匹夫無異，則埃及億兆風聞其事，昔告於斯土，斯土之民嘗聞爾名者，必曰：昔耶和華誓以斯土予以色列民，惟不能導之入彼，故滅之於野。茲求我主施厥大力，爾嘗稱己名曰：耶和華恒忍，施恩之上帝，人蹈罪愆，可蒙赦宥，恒於惡者不蒙赦宥，禍及其身，自父及子，至三四世。爾旣廣施仁德，宥民罪愆，自出埃及，迄於今日，已非一次。故求爾仍加赦宥。耶和華曰：我從爾言，以赦其罪。雖然，我指己以誓，必使我榮丕顯於天下。昔於埃及及至曠野，俱行異跡，顯我榮光，斯人目擊，猶且試我，至於十次，不聽我言，緣其欺我，故我所誓錫厥祖之地，彼不能觀止，惟我僕迦勒不同於衆，恒從乎我，故所往之地，必賜之入，遺於子孫。今亞馬力與迦南人居於斯谷，詰朝爾曹返旆，道由紅海，復往曠野。○耶和華諭摩西亞倫曰：我聞以色列族嘖有怨言，忍此惡類，將至何時，當告之云：我指己而誓，爾之所言，我必行之。爾出言怨我，故所見核者，自二十歲以上，俱暴骨於野，我所許之地，爾不得入，惟耶孚尼子迦勒及嫩之子約書亞可得而入。爾之幼稚，爾言將被擄者，我必導入，得爾所蔑視之土，惟爾曹必暴骨於野。爾之子女，緣爾行惡，必令其盤旋於曠野，歷四十年，待爾尸骸消滅，爾窺察厥地，歷四十日，今罰

爾罪年數等其日數必至四十載而後已使知我棄爾焉蓋此惡類悖逆乎我我必降罰使盡亡於曠野我耶和華嘗言之矣○摩西所遣之人窺察其地返有讒言使衆怨摩西遇災而死於耶和華前惟其中二人嫩之子約書亞耶孚尼子迦勒安然無恙摩西以此告以色列族民大變夙興登山曰我儕有罪今欲往耶和華所許之地摩西曰奚違耶和華命爾不得坦途耶和華不佑爾故勿往恐爲敵所害亞馬力迦南人在爾前爾必殲於其刃旣不從耶和華耶和華不佑爾以色列人擅登山巔惟摩西與耶和華法匱仍在營壘居山之亞馬力迦南人下而擊之逐至曷馬

第廿五章

耶和華諭摩西曰告以色列族云爾旣至我所賜之地欲以牛羊爲燔祭或許願樂輸

或節期禮物取其馨香以獻於我則必爲所獻各羔取麵六升和油二斤有半爲禮物酒二斤有

半爲灌奠與燔祭同獻如獻牡綿羊則必取麵一斗二升和油三斤四兩爲禮物酒三斤四兩爲

灌奠取其馨香以獻於我如以牡犢爲燔祭或爲許願或爲酬恩之祭以獻於我則必取麵一斗

八升和油五斤爲禮物酒五斤爲灌奠皆必燔之取其馨香以獻於我爾獻牡犢牡綿羊綿羊羔

山羊羔無論衆寡爲各牲備其禮物必如是爾曹同族欲以燔祭獻我取其馨香者必遵是例外

人之旅於爾中欲以燔祭獻我者亦必如是凡爾會衆及旅於爾中者例亦相同歷世勿替我待

爾若是待賓旅亦若是無論宗族賓旅必循一例○又曰告以色列族爾至我引爾所入之土旣

食其所產必以禮物舉而獻我當取初稔之麥爲屑製成圓饅舉以爲獻與舉禾場之穀無異歷

世勿替自昔迄今至於後日我所諭摩西之命爾或悞犯會衆無知而蹈罪則必以牡犢一爲燔

祭取其馨香，以獻我，與其禮物，酒以灌奠，悉循常例，亦奉山羊之羔，爲贖罪祭。容祭司爲以色列會衆贖罪，其所犯者出於無知，既獻燔祭及贖罪祭於我，則可蒙赦宥。以色列會衆及旅於爾中者，所犯之罪，出於無知，俱蒙赦宥。如一人誤干我法，則必取未盈歲之牝山羊，爲贖罪祭。祭司代爲贖罪於我前，其蹈罪愆由於無知，可蒙赦宥。凡誤干我法，無論宗族賓旅，悉同是例。若其犯罪，毫無畏意，則欺我孰甚，不論宗族賓旅，必殄絕於民中。既藐視我命，干犯我律，其罪歸之，悉行殲滅。○以色列族居野時，遇人於安息日探薪，遂攜之至摩西亞倫，及會衆前，若何處置，猶未定擬，故囚於獄。耶和華諭摩西曰：其人必殺毋赦，會衆必於營外擊之以石，遂攜出營外，以石擊之。遵耶和華諭摩西之命。○耶和華諭摩西曰：使以色列族衣裾之下，其絡四垂，上緣紫帶，歷世勿替。爾觀其絡，可憶我誠，遵循勿失，不致迷於心目，徇欲如故，宜憶我誠，可得成聖，以奉事我。我耶和華爾之上帝，導爾出埃及，爲汝之上帝。

第一六章 利未支派哥轄孫以斯哈子哥喇流使支派以利押二子大單亞庇蘭比勒子安與以色列族會長有名望者二百五十人，集攻摩西亞倫曰：耶和華會衆人各成聖，奚爾自大，欲超軼於耶和華之民。摩西聽之，俯伏於地，語哥喇及其黨曰：耶和華於詰旦必明示爾曹，孰爲其僕，孰能成聖，可進其前。蓋耶和華所簡者，當進於前。哥喇及其黨宜執鼎，明晨燃火置香，奉耶和華而耶和華所簡者，卽以爲聖。汝利未族妄自矜大，又曰：汝利未族宜聽我言，以色列族之上帝，區別爾曹，雖以色列族使進於前，服役於耶和華會幕，立會衆前，以爲供役，其事豈微細哉。耶和華使

爾利未族進於其前，爾猶以爲不足，乃更欲爲祭司乎？爲此，爾黨集攻耶和華。亞倫何人斯，爾曹奚爲怨之？摩西召以利押二子，大單亞庇蘭對曰：「我不欲至，爾自產乳與蜜之地，導我使出，殺於曠野，其事豈微細哉？尙欲自立爲君，以治我乎？」爾未導我至產乳與蜜之地，未嘗賜我田園，豈欲挾斯衆之目乎？我不欲應爾召。摩西怒甚，籲耶和華曰：「勿眷顧其禮物，我未取其一驢，未害其一人。」乃謂哥喇曰：「爾與爾衆至於詰朝，可借亞倫至耶和華前，二百五十人各執鼎，炷香於中，爾及亞倫亦各執鼎，至耶和華前，遂各執鼎，燃火炷香，與摩西亞倫立於會幕前。」哥喇集會衆而至，欲攻擊之。忽耶和華之榮光顯現，會衆目擊。耶和華諭摩西亞倫曰：「爾當區別，離此會衆，俟我速滅之。」二人乃俯伏曰：「上帝乎，爾以生氣賜於億兆，曷以一人獲罪，而怒及會衆？」耶和華諭摩西曰：「爾告會衆，必遠離哥喇大單亞庇蘭之幕。摩西往見大單亞庇蘭，以色列族長老隨其後，謂會衆曰：『離此惡黨之幕，勿捫其物，恐同陷於罪，與之偕亡。』衆離哥喇大單亞庇蘭之幕，大單亞庇蘭挈其妻孥以出，立於幕門。摩西曰：『耶和華遣我行此，我弗擅行，有明徵焉。倘彼得終天年，與衆無異，則知耶和華未嘗遺我。』倘耶和華行事維新，使地口翕張，吞噬其衆，生墮坎阱，則其人之欺侮耶和華，由此可見矣。言竟，土壤盡裂，地口翕張，吞噬哥喇徒黨，與其眷聚什物，暨凡所有，俱生陷於坎阱，爲地所覆，絕於會中。以色列族在於四周，聞聲而遁，曰：『恐我儕亦爲地所吞。』耶和華使火出，燬其焚香者，二百五十人。」○耶和華諭摩西曰：「告祭司亞倫子以利亞撒云：『必取鼎於火中，傾其熱炭，蓋鼎已成聖，人雖犯法，自殞厥命，然其鼎嘗奉於我，故得成聖，當取其銅，擣之使薄，以飾祭壇。』」

爲以色列族垂戒於後。奉火見燬之人，悉有銅鼎，祭司以利亞撒取焉，擣之使薄，以飾祭壇。爲以色列族記誌，他人非亞倫之子孫，則不得前焚香，以奉耶和華，恐遭厥害。若哥喇及其黨，然遵耶和華所諭摩西之命。○詰旦，以色列會衆怨摩西亞倫曰：「耶和華之民，嘗爲爾曹所戮，會衆咸集，攻擊摩西亞倫，瞻望會幕，有雲蓋之。」耶和華之榮光顯現。摩西亞倫至會幕前，耶和華諭摩西曰：「離此會衆，我將速滅之。」二人俯伏。摩西告亞倫曰：「耶和華怒甚，其災已降，爾當執鼎，取壇上之火炷香，急至會衆，代爲贖罪。」亞倫遵摩西命，取鼎趨至會衆所，見災已降，立於生者死者間，炷香代贖其罪，厥災始弭。昔爲哥喇事殞沒外，降災而死者，計一萬四千七百人。降災既止，亞倫反見摩西於會幕前。

耶和華諭摩西曰：「告以色列族云：爾各支派收伯，取杖十有二，書名其上，支派各一，惟利未族之杖書亞倫名，立於支派各杖中。當置其杖於會幕法匱前，我蒞臨之所，我所簡者其杖必萌芽，使以色列族怨爾之言得以止息。」摩西以此言告以色列族支派收伯，各攜其杖，計十有二。又有亞倫之杖在其中。摩西置諸會幕，耶和華法匱前。詰旦，摩西入焉，見亞倫之杖，屬利未族者，芽蘖已萌，花蕊盡發，結爲杏仁。摩西取杖於耶和華前，授以色列族，使之觀瞻，任人各取其杖。耶和華諭摩西曰：「攜亞倫杖至法匱前，存之爲誌，使此橫逆之輩，無所怨尤，免其殞沒。」摩西遵耶和華命而行。以色列族謂摩西曰：「我儕淪胥以亡，耶和華之會幕，近之必死，豈非淪亡莫救乎？」

第十八章

耶和華諭亞倫曰：「爾及子孫眷屬，如干犯聖室者，必負其罪，爾及子孫爲祭司而溺職。」

者亦必負其罪。爾及子孫在法櫃前會幕中供其役事，亦可取利未族諸兄弟歸之於己，以爲輔翼。助爾守會幕，惟不可近聖室及祭壇器皿，恐爾與彼俱致死亡。利未人可偕爾守會幕，供諸役事。外人勿近其前。聖室祭壇，爾當恪守，則以色列族免我震怒。我於以色列族中取爾兄弟利未人，賜之於汝，以供會幕役事。爾及子孫宜守祭司之職。壇前簾內供其役事，蓋我畀爾爲祭司。外人近前必致死亡。○耶和華諭亞倫曰：以色列族以成聖之禮物舉而獻我，我賜爾得之。爾既受膏，是物歸爾，爰及子孫，著爲永例。凡奉我之禮物及贖罪補過之祭，其中不燔以火者，皆爲至聖，必歸於爾。爰及子孫，物既成聖歸爾，則諸丁男可食於聖所。以色列族所舉所搖之禮物，我賜於汝。爰及子女，凡室中成潔之人，可得而食。著爲永例。人以新製嘉油，始熟旨酒，初稔之穀獻我，我以錫爾獻我初熟之土產，俱歸諸爾。室中成潔之人，可得而食。以色列族所獻我之物，皆必歸爾。凡初胎男子，首生牲畜，奉於我者，皆必歸爾。但初胎之男必贖，首生不潔之畜亦必贖。既已彌月者，可以金贖，其價遵爾所估。二兩有半權衡其數，必循聖所之法。十錢爲一兩。首生之牛、綿羊、山羊，俱爲成聖之物，可毋庸贖，必費其血於祭壇，焚其膏爲燔祭，取其馨香，以奉事我。肉則歸爾，與禮物中之右肩搖腔無異。以色列族以成聖之物舉而獻我，我錫於爾及爾子女。至於後世，著爲永例，垂爲不易之約。不易之約本○又曰：人獻我之禮物，爾可得之。故在以色列中，爾不得土壤，以爲恒業。利未人於會幕中供其役事，故我於以色列族之土產，什取其一，錫爲恒業。自是以後，以色列族不可近會幕，恐負罪愆，至於死亡。利未人在會幕供其役事，如有干犯，必負罪愆，惟於以色列

列中不得土壤爲業。著爲永例。歷世勿替。以色列人十輪其一。舉而獻我者。我必賜之。爲利未人嗣業。外此則無恒業。○耶和華諭摩西曰。告利未人云。我使以色列族什一輪爾。以爲爾業。爾既受之。必於其中復取什一。舉而獻我。爾所舉以獻者。自我視之。與禾場之穀。酒釀之汁無異。以色列族所輪爾什一之中。爾當舉而獻我。且以獻我之物。歸祭司亞倫。所得禮物中。必取其嘉者。以爲成聖。舉而獻我。宜申命利未人。旣簡其嘉者。舉而獻我。我必視若禾場酒釀之所出。其餘。爾與眷聚。隨在可食。蓋爾供役於會幕。得此爲值。以色列族所獻之聖物。如取其嘉者。舉而獻我。則不生瀆玩。不負罪愆。以致死亡。

耶和華諭摩西亞倫曰。我所命之禮儀。有定例焉。使以色列族。牽牝犢。其色維辟。純潔是務。未嘗負軛者。子之祭司。以利亞撒。使牽出營外。宰於其前。祭司以利亞撒。以指染犢血。灑於會幕前。凡七。犢及肉。皮。遺矢。與血。蒸之以火。祭司目擊。取柏香木。牛膝草。絳色棉。投諸火中。與犢同焚。祭司必蒙不潔。當澣衣濯身。迨夕乃免。然後入營。蒸犢者亦蒙不潔。當澣衣濯身。迨夕乃免。蒙潔之人。必取犢灰。置於營外潔地。爲以色列族存之。和灰於水。藉以去污贖罪。取犢灰者亦蒙不潔。宜澣厥衣。迨夕乃免。以色列族與諸賓旅。著爲永例。○凡捫人之尸。必蒙不潔。迨七日乃免。至三日與七日。必以斯水自澣。然後成潔。凡捫尸不自澣理。不以去污之水。灑其身。則仍不潔。玷我會幕。必絕於以色列族中。倘人偶死於幕。有定例焉。凡在幕中。或入此幕者。必蒙不潔。迨七日乃免。凡諸器皿。未覆以蓋者。亦蒙不潔。在野有見殺者。或自斃之尸。或人骨。或荒塚。凡捫之者。必

蒙不潔，迨七日乃免。欲使不潔者復潔，必取贖罪之贖灰，置於器皿，加以活水，蒙潔之人，浸牛膝草於中，灑幕與器，及在幕之衆，更及捫見殺者自斃者之尸，捫骨捫塚者，越至三日，及七日，潔者必灑不潔者，歷至七日，使澣衣濯身，迨夕始潔。人蒙不潔，而不以去污之水，灑身自澣，則仍不潔。既玷我聖室，必絕於民中。凡以去污之水灑人，當澣厥衣，凡捫去污之水，必蒙不潔，迨夕乃免。著爲永例。蒙不潔者若捫一物，則其物不潔，捫之者亦蒙不潔，迨夕乃免。

第二十章 正月以色列會衆至汎曠野，居於迦鐵。其時米哩暗死，卽葬其地。會衆無水，集攻摩西亞倫與摩西爭曰：「昔我兄弟死於耶和華前，我儕願偕亡爲幸。曷導耶和華之民至此曠野，使我與牲畜悉死於此？」奚導我出埃及至此艱苦之鄉，在此無田可耕，不產無花菓，與葡萄石榴，欲飲無水。摩西亞倫離會衆，至會幕前俯伏。耶和華之榮光顯現。○耶和華諭摩西曰：「爾執杖，與亞倫集會衆，當其前命磐出水，蓋爾可使水出於磐，遍飲會衆，與諸牲畜。」摩西取杖於聖所，遵耶和華命。摩西亞倫集會衆於磐前，曰：「爾橫逆之輩，且聽我言，我將取水於磐。」將字或作岩爾衆摩西舉杖擊磐者二，水卽汨汨其來，會衆羣畜共飲焉。耶和華諭摩西亞倫曰：「汝不信我，不尊我於以色列族前，故不得率斯衆入我所賜之地。」其時耶和華明其自尊而以以色列族與之爭，故稱斯水曰「米利巴」。米利巴卽爭○摩西自迦鐵遣使至以東王，曰：「爾之同族，以色列人言，我儕遭遇艱辛，爾知之矣。我祖往埃及，居彼日久，埃及人以患難加於我祖，爰及我儕，我呼籲耶和華，耶和華垂聽，遣使導我出埃及，今在迦鐵，爾國之疆隅也。盍容我過爾地，我不入田園，不飲井水，行由大道，不偏於左，不

偏於右，以過爾境。以東人曰：毋過我壤，恐我以刃擊爾。以色列族曰：我行由大道，如我與牲畜飲爾之水，必償以金，惟欲徒行而去。曰：爾毋得過我疆宇。以東王率其全軍，大力以禦之，不許過其地。故以色列族轉向他途。○會衆離迦鐵，至何耳山。山在以東之邊隅，耶和華諭摩西亞倫曰：昔在米利巴，爾曹遵我命，故我賜以色列人之地。亞倫不得入，必終於斯，而返其本。當攜亞倫及其子以利亞撒、陟何耳山，去亞倫之禮衣，以衣其子，待亞倫終於彼，而返其本。摩西遵耶和華命而行，三人陟山，會衆目擊。摩西去亞倫之禮衣，以衣其子，亞倫死於山巔，摩西以以利亞撒遂下。以色列會衆見亞倫死，則爲之守喪三旬。

第二十一章 亞臘王居迦南地之南境，聞以色列族由亞大領道而進，則與之戰，人民少爲所虜。

以色列族指耶和華許願曰：若以此民付於我手，我必滅其邑。耶和華應所求，以迦南人付以色列族，盡圮厥邑，滅厥衆，故稱其地曰曷馬。○以色列族離何耳山，沿紅海，繞以東地，程途遙遠，精力困憊，禱上帝及摩西曰：奚導我出埃及，及使死於野，在此無餅無水，所食不能果腹，我心厭之。耶和華遣毒蛇傷民，以色列族多死亡者。民就摩西曰：我禱耶和華及爾，故負罪愆，請祈耶和華爲我驅蛇。摩西代爲之祈，耶和華諭摩西曰：爾造毒蛇之象，懸之於竿，被傷者見此得生。摩西造銅蛇，懸之於竿，被蛇所傷者，觀銅蛇而得生。○以色列族遄征，張幕於阿泊，自阿泊而東，近摩押郊，在以雅巴林，張幕。由彼而往，張幕於撒烈谷，再往張幕於亞嫩，亞嫩有溪在野，源出亞摩哩境，在亞摩哩，摩押接壤之間。耶和華戰紀曰：在數法之哇協，卽亞嫩溪，諸水滙聚，流至亞耳宅，近摩

押界以色列族離彼至庇耳在彼有井。耶和華諭摩西曰：汝集人民，我飲以水。時以色列族謳歌曰：泉之始達，唱子和汝。長者民牧，以杖以圭，掘之鑿之。以色列族離彼野，往馬大拿離馬大拿往拿哈列離拿哈列往巴末離巴末往摩押郊之谷，近比士迦崗曠野相對之處。○以色列族遣使至亞摩哩王西宏曰：容我假途於爾地，我不入田園，不飲井水，必由大道而行，以出爾境。西宏不許，乃集厥民往於曠野，至雅哈斯與以色列族戰。以色列族擊之，據有其地，自亞嫩至雅泊溪，卽亞捫族之地。蓋亞捫族地甚爲險固，亞摩哩人之邑希實本及其四周之鄉里，以色列族悉取之，居處其中。昔亞摩哩王西宏與摩押先王戰，徧取斯地，至亞嫩溪，希實本乃其都也。詩人詠之曰：希實本可復建，西宏邑可重新，越在曠昔，火自希實本，炤自西宏邑。摩押之亞耳因之悉燬，亞嫩之崇邱藉以復得。摩押有禍乎，基抹其危哉，厥子遁逃，厥女見擄，俱亞摩哩王西宏所爲也。我已射之，希實本危亡，爰及底本，我已滅之。至於挪法，近米底巴。○於是以色列族居亞摩哩人之地。摩西遣人偵伺雅設，遂破其鄉，亞摩哩人悉被驅逐。以色列族反旆，往巴山道，巴山王疆率衆至以得來與之戰。耶和華諭摩西曰：毋畏，我將是王，以及土地人民，咸畀於爾，汝可滅之，如都希實本之亞摩哩王西宏然。於是擊王，戮其子，攻其民，靡有孑遺，盡得其地。

第二十三章 以色列族遺征，張幕於摩押平原，約但東，耶利哥相對之所。摩押人與西撥子巴勒見以色列族，戮亞摩哩人，知其族衆多，則懼，中心不樂，告米田長老曰：此族衆多，并吞四方，如牛嚼草。摩押王西撥子巴勒遣使至比奪於亞捫河濱，見庇耳子巴蘭，召之曰：有民自埃及至此，周

遍於地，與我比隣，土壤相接。此民强悍，我非其敵。汝來詛之，使我得攻擊而獲勝，驅之出境。蓋我素知爾，祝人則人受福，詛人則人被禍。摩押米田長老攜卜筮之值，往見巴勒，以巴勒之言告之。巴勒曰：今日宿此，待聆耶和華之諭，以復於爾。摩押使臣與巴勒同處，上帝臨格，問巴勒曰：誰與爾偕對？摩押王西撥子巴勒遣人就我，曰：有民至自埃及，周遍於地，願爾式臨，詛其有衆庶幾戰可勝，而人可驅矣。上帝曰：爾毋與之偕往，爾毋爲之詛民，蓋斯民嘗受福矣。巴勒夙興，告巴勒使臣曰：汝可返故國，耶和華有言，毋許我偕往。其臣乃歸，告巴勒曰：巴勒不欲與我同至。巴勒更遣使臣較之於前，位尊而人衆。既至，謂巴勒曰：西撥子巴勒有言，爾盍蒞臨，何所扞格？我將使爾尊顯。凡爾所言，我必依行，請爾至國，以詛斯民焉。巴勒告其臣曰：即使巴勒以盈室之金銀饋我，亦不可踰越我上帝耶和華之命，或大或小，悉宜遵循。今日爾姑宿此，以俟耶和華更有所諭。是夜上帝臨格，諭巴勒曰：如其人來招，汝姑偕往。然我所諭，汝必遵循。巴勒夙興，備驢，偕摩押使臣往。於是乘驢，二役偕行，緣其貪利而往。上帝震怒，耶和華之使者立於途，以禦之，拔刃途側，驢見之，故不由其道，避諸田間。巴勒策驢，使歸於道。經由二葡萄園間，左右有垣，耶和華使者立於彼，驢見之，局促垣側，擠巴勒之足於垣，故又策之。耶和華之使者前往，立於途之隘處，左右無隙，不能轉移。驢見之伏地，巴勒怒，以杖策之。耶和華使驢作人言，謂巴勒曰：我無所獲罪於爾，爾乃策我者。三巴勒曰：汝戲我，願有刃於我手，我必殺汝。驢曰：我非爾常乘之驢與，自昔及今，我嘗有是行否？曰：否。耶和華明巴勒目，乃見使者拔刃立於道，故稽首俯伏。使者曰：三策爾驢何也？爾所行

者違逆於我，故我出以禦爾。驢見我而避者三，不然我已殺爾，使驢得生。巴蘭曰：「我知過矣，不識爾立於途中以禦我，爾若不悅我往，我將返。」曰：「姑與偕往，惟我所諭，爾必言之。」於是巴蘭偕巴勒使臣往。巴勒聞其將至，則往亞嫩溪，摩押邊邑晉接。巴勒謂巴蘭曰：「我遣使召爾，爾曷不至，我豈不能以尊顯加爾？」巴蘭曰：「我今已至，我豈能自擅而言，上帝使我言，我必言之。」巴蘭與巴勒偕行，至基列湖朔，巴勒宰牛羊饋於巴蘭，并賜使臣。

詰旦，巴勒引巴蘭至巴力崇邱，使觀以色列族營之四隅。第十三章 巴蘭謂巴勒曰：「當於此築壇七，備牛七，羊七，巴勒遵言而行，二人在各壇獻祭牛一，羊一。」巴蘭謂巴勒曰：「汝燔祭品，當侍於側，我將前往。」如耶和華遇我，其所諭言，我必告爾。遂陟童山，上帝遇巴蘭，巴蘭曰：「我備七壇，各獻牛羊。」耶和華以言示巴蘭，曰：「返見巴勒，以此言告之。」巴蘭返見巴勒，與摩押使臣立於燔祭側，乃作歌曰：「摩押王厥名巴勒，招我於亞蘭，導我於東岳，使詛雅各，誓以色列。」上帝未詛我，何以詛耶和華未嘗我，何以誓。陟山之巖，我爲顧視，高崗之巔，我爲瞻望，斯族獨居，不雜於衆，雅各之裔如沙，孰能悉其數，以色列之衆，誰克稽其半，善者逝世，我願如之，彼得考終，吾竊效焉。」巴蘭謂巴勒曰：「惡是何言，與我召爾詛敵，爾反祝之。」對曰：「耶和華以言示我，我必以告。」巴勒曰：「請偕我至他所，勿觀其全營，乃窺其一隅，庶爾可加詛焉。」乃導至鎖腓野，比士迦山巔，爰築壇七，各獻牛羊，謂巴勒曰：「爾燔祭物，而侍其側，我往於彼，以觀耶和華。」耶和華臨格，以言示巴蘭，曰：「返見巴勒，以此言告之。」至則見巴勒與摩押使臣立於燔祭側，巴勒問曰：「耶和華示爾何詞？」巴蘭作歌曰：「巴勒可與

起而聞言，西撥子可傾耳以恭聽。上帝與人異，不失其信，不同其志，詎有言出而不行，既許而不應。我受命以祝嘏，上帝祝之，我難反之。在雅各家無咎，在以色列無戾，上帝耶和華其王也。民得其祐，歡聲而呼。上帝導民出埃及，其行之捷，可擬於兕，欲攻雅各家，卜之不利，欲擊以色列，占之不祥，於斯時也，人有言矣。上帝之待雅各，以色列何其奇與，斯民之興也，如牝獅，其動也如牡獅，不食斷傷之肉，不飲被殺之血，則不偃臥。○巴勒謂巴勒曰：爾毋加以詛語，亦毋進以祝詞。巴勒對曰：我豈不曰耶和華所諭，我必遵循。

巴勒曰：爾來，我引爾至他所，庶幾上帝使爾於彼咒詛其族。遂引巴勒至比耳山嶺，與野相望。巴勒曰：於此築壇，七備牛，七羊，七。巴勒從其言，壇上各獻牛羊一。第廿四章 巴勒見耶和華欲錫嘏於以色列，故不復用卜，如昔所爲，乃舉其目，顧瞻於野，觀以色列族，循其支派，而建營壘，感於上帝之神，作歌曰：庇耳子巴勒，既明其目，備聞上帝之言，詞得親至能之異象，身雖假寐，目則常啟，故振振有辭曰：美哉雅各之幕，以色列之室，與如陵谷之開廣，如園囿之臨河，如耶和華之植奇南香，如溪旁之有柏香木，其裔熾昌，如泉湧沛，其王高於亞甲，其國可得振興。昔上帝導之出埃及，其行之捷，可擬於兕，必并吞敵國，刺之以矢，嚙傷其骨，其民如牡獅，伏視耽耽，亦猶牝獅，孰敢撓之。祝爾者必見祝，詛爾者必見詛。○巴勒甚怒，鼓掌而言曰：我召爾詛敵，爾乃祝之者，三爾盍速返故國，我意使爾得大榮，而耶和華不許。巴勒謂巴勒曰：我豈不告爾使臣，即以盈室之金銀饋我，亦不可踰越耶和華之命，我弗擅行，或善或惡，惟耶和華所諭，我代言之。今我將歸，爾盍

來前此民至於季世所以待爾民者先以告汝乃作歌曰鹿耳子巴蘭既明其目備聞上帝之言詞能知至上之妙理得觀全能之異象身雖假寐目則常啟故振振有辭曰我將見之不在今日我將觀之不於目前自雅各家將出明星自以色列將秉大權摩押之隅悉爲攻擊示特之人俱必喪亡以色列族將施能力勝其敵人得以東西耳之地秉其大權斯邑之遺民復行殲滅巴蘭瞻望亞馬力作歌曰亞馬力爲列國之初興終亦必亡又望基尼族作歌曰爾居鞏固爾巢巖穴雖然基尼人終歸殲滅遷徙於亞述載歌曰噫嘻乎上帝行是孰能得生人將駕舟自基底至使亞述希百備歷困苦基底終亦必亡巴蘭乃返故土巴勒亦歸其所

第二十五章 以色列族居失亭淫於摩押女摩押女祭其上帝請以色列族至遂食祭品共相崇拜以色列族奉事巴力比耳耶和華怒甚諭摩西曰爾取民之首惡懸於我前至日入時則我怒可解摩西告以色列刑官曰凡屬爾統轄之人有事巴力比耳者悉當誅戮○摩西與以色列會衆號哭於會幕前斯時也有以色列人攜米田女適其同儕所亞倫孫以利亞撒子非尼哈見之遂離會衆取戟於手襲以色列人之後至其寢室以戟刺其人并女之腹爲以色列族除其災時遇災而死者計二萬四千人耶和華諭摩西曰我斷不容以他上帝匹我以色列族犯此故我震怒祭司亞倫孫以利亞撒子非尼哈施其熱中以奉事我使我不滅其衆故爾當告之我將與彼立平康之約使其子孫恒爲祭司蓋其熱中以奉事我爲以色列民贖罪與米田女同戮之以色列人屬西面族中最著者撒路子心哩被誅之女屬米田族中最著者牧伯蘇耳之女哥斯庇○

耶和華諭摩西曰自今而後必攻擊米田人俾嘗艱苦蓋米田人使其同儕牧伯之女哥斯庇誘爾崇事比耳我降災害困苦於爾是女亦見殺焉

第十六章 降災既畢耶和華諭摩西及祭司亞倫子以利亞撒曰以色列會衆循其世系自二十歲以上能臨陳者當核其數摩押平原約但河濱耶利哥相對之所摩西及祭司以利亞撒總核民數自二十歲以上者遵耶和華諭摩西之命出自埃及之以色列族其數臚列如左○以色列長子流便生哈諾與其眷聚巴路與其眷聚希斯崙與其眷聚迦米與其眷聚此流便之子孫計四萬三千七百三十巴路生以利押以利押生尼母利及大單亞庇蘭此二人在會中素著名望與哥喇結黨攻摩西亞倫以逆耶和華地口孔張吞噬其衆當時哥喇與二百五十人爲火所燬垂戒於後世哥喇子孫未亡於災○西面生尼母利與其眷聚雅民與其眷聚雅斤與其眷聚西喇與其眷聚沙羅與其眷聚此西面之子孫計二萬二千二百○伽得生西分與其眷聚哈基與其眷聚書尼與其眷聚阿士尼與其眷聚以哩與其眷聚亞律與其眷聚亞哩利與其眷聚此伽得之子孫計四萬有五百○猶大生押阿楠二人俱死於迦南又生示拉與其眷聚法勒士與其眷聚西喇與其眷聚法勒士生希斯崙與其眷聚哈母勒與其眷聚此猶大之子孫計七萬六千五百○以薩迦生陀拉與其眷聚孚亞與其眷聚雅述與其眷聚伸崙與其眷聚此以薩迦之子孫計六萬四千三百○西布倫生西烈與其眷聚以倫與其眷聚雅列與其眷聚此西布倫之子孫計六萬有五百○約瑟生馬拿西以法蓮馬拿西生馬吉與其眷聚馬吉生基列與其眷聚

基列生耶斯與其眷聚，希勒與其眷聚，亞士烈與其眷聚，示劍與其眷聚，示米大與其眷聚，希弗與其眷聚，希弗子西羅非哈無子，有女，名馬拉、挪亞、曷拉、密迦，得撒。此馬拿西之子孫計五萬二千七百。○以法蓮生書提拉與其眷聚，庇結與其眷聚，大漢與其眷聚，書提拉生以蘭與其眷聚，以法蓮之子孫計三萬二千五百。以上所載馬拿西以法蓮二人之子孫俱出自約瑟。○便雅憫生庇拉與其眷聚，亞實別與其眷聚，亞希蘭與其眷聚，書反與其眷聚，戶反與其眷聚，庇拉生亞勒與其眷聚，乃慢與其眷聚，此便雅憫之子孫計四萬五千六百。○但生書舍與其眷聚，此但之子孫計六萬四千四百。○亞設生音拿與其眷聚，耶遂與其眷聚，庇哩亞與其眷聚，庇哩亞生希百與其眷聚，抹結與其眷聚，亞設之女名撒拉，此亞設之子孫計五萬三千四百。○納大利生雅泄與其眷聚，姑尼與其眷聚，耶色與其眷聚，示臉與其眷聚，此納大利之子孫計四萬五千四百。以色列族總計六十萬一千七百三十。○耶和華諭摩西曰：當以斯土給於此衆，循其名數，人衆則給地亦多，人寡則給地亦減，依其所核之數，各給以地。必掣籤而分之，按其譜系，使得恒業。衆寡之間，所當分者，掣籤而定。○利未族循其世系，被核數者，臚列如左。利未生革順與其眷聚，哥轄與其眷聚，米喇哩與其眷聚，利未族中有立尼之家，希伯崙之家，馬利之家，母示之家，哥喇之家，哥轄生暗蘭，利未之女生於埃及，名約基別，適暗蘭，生亞倫、摩西，與女米哩、暗亞倫、生拿答、亞庇戶，以利亞撒。以大馬拿答、亞庇戶，燃不聖之火，奉事耶和華而死。利未族自一月以上者，計二萬有三千，不得與以色列族同核其數，亦不得與以色列族共分其業。摩押平原，約但河濱，耶利

哥相對之所。摩西與祭司以利亞撒核數以色列衆。昔在西乃野，摩西與祭司亞倫會核其衆，迄今被數之時，無一人在者。蓋耶和華曾有言曰：其人必死於曠野，故靡有子遺。所尙存者，惟耶孚尼子迦勒嫩之子約書亞而已。

第一節 約瑟子馬拿西支派，馬吉曾孫，基列孫，希弗子，西羅非哈育五女，名馬拉、挪亞、曷拉、密迦，得撒俱至會幕，立於摩西、祭司以利亞撒、會長及會衆之前。曰：我父死於曠野，不與哥喇黨同，違逆耶和華，第爲己罪而死，死而無子，既無後嗣，何刪其名，絕於譜系？在叔伯之中，請以遺產賜我。摩西以其事呈於耶和華。耶和華諭摩西曰：西羅非哈之女所言是也，必以其父之遺產傳之。俾在叔伯中有其恒業。爾告以色列族云：如人死而無子，必歸其業於女，無女則歸諸兄弟，無兄弟則歸諸叔伯，無叔伯則歸諸戚屬，使以色列族永著爲例，循我所諭之命。○耶和華諭摩西曰：爾陟亞巴林山，觀我所賜以色列族之地，既觀之後，爾必返本，如爾兄亞倫然。昔在汎野，迦鐵境，米利巴水濱，會衆紛爭，爾於斯時悖逆我命，不於民前尊我。摩西籲耶和華曰：耶和華上帝乎，爾以生氣賜於億兆，請立一人，統轄會衆，出入於民前，爲民先導，免致耶和華會衆猶羊之無牧。耶和華諭摩西曰：嫩之子約書亞，其人感於神，汝可簡取，按手其上，置於祭司以利亞撒及會衆前，付托以命，以汝尊榮，加諸其身，使以色列會衆無不遵循，彼必立於祭司以利亞撒前，以利亞撒撒用烏陵，諮詢我意。烏陵譯即輝光見出埃及記二十八章三十節彼及以色列會衆，必聽斯命而出入。摩西簡約書亞立於祭司以利亞撒及會衆前，按手其上，以命托之，遵耶和華命焉。

第十八章 耶和華諭摩西曰告以色列族。循期必獻燔祭，奉馨香以享我。更當告之，所獻我之燔祭，卽未盈歲之羔二，純潔是務。日爲燔祭，朝一暮一，又獻麵六升，和清油二斤有半，爲禮物。我昔在西乃山，曾命恒獻燔祭，取其馨香，以奉於我者卽此。爲所獻之羔，必取醇醪二斤有半，灌奠於聖所，以奉事我。薄暮獻羔，其所奉禮物，酒以灌奠，循其清晨之例，蒸之以火，取其馨香，以奉事我。值安息日，必獻未盈歲之羔二，純潔是務，和油之麵一斗二升，爲禮物。酒以灌奠，日所獻祭，酒而外，必於安息日獻燔祭。○月朔，必以燔祭獻我，牡犢二，牡綿羊一，未盈歲之羔七，純潔是務，爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物，蒸之以火，取其馨香，而奉事我。爲牡犢獻酒五斤，爲牡綿羊獻三斤四兩，爲各羔獻二斤有半，以爲灌奠。每歲月朔所當獻者，卽此。日所獻祭，灌酒而外，亦以山羊羔一，獻之於我，爲贖罪祭。正月十四日，爲踰越節期，以奉事我，是月之望，必守此禮。歷至七日，當食無酵餅，節之首日，必有聖會，咸止工作，取牡犢二，牡綿羊一，未盈歲之羔七，純潔是務，俱獻於我，以爲燔祭。爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物，更獻山羊一，爲贖罪祭。上所獻者，乃在日獻燔祭之外，日所獻祭，灌酒而外，七日中每日當獻燔祭，取其馨香，以享我。越至七日，必有聖會，咸止工作。○七七日後，獻我以初實，亦奉禮物以薦新，其時必有聖會，咸止工作，必以牡犢二，牡綿羊一，未盈歲之羔七，獻爲燔祭，取其馨香，以奉事我。爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物，更獻山羊之羔，以贖爾罪，俱潔是務，及灌奠之酒，上所獻者，卽在

日所恒獻燔祭禮物之外。

第七月朔，乃吹角之期，必有聖會，咸止工作，必以牡犢一，牡綿羊一，未盈歲之羔七，純潔是務。獻爲燔祭，取其馨香，以奉事我，必爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物。更獻山羊之羔一，爲贖罪祭。上所獻者，即在月朔及每日所獻燔祭禮物，灌酒之外，俱循常例，依其核數，取其馨香，以奉事我。○七月十日，必有聖會，咸止工作，卑以自牧，必以牡犢一，牡綿羊一，未盈歲之羔七，純潔是務。獻爲燔祭，取其馨香，以奉於我，爲牡犢獻和油之麵一斗八升，爲牡綿羊獻一斗二升，爲各羔獻六升，以爲禮物。更獻山羊之羔一，爲贖罪祭。上所獻者，即在贖罪之祭，每日獻祭，奉禮灌酒之外。○七月十五日，必有聖會，咸止工作，七日守節，以奉事我，必以牡犢十三，牡綿羊二，未盈歲之羔十四，純潔是務。獻爲燔祭，取其馨香，以奉事我，爲各牡犢獻和油之麵一斗八升，爲各牡綿羊獻一斗二升，爲各羔獻六升，以爲禮物。更獻山羊之羔一，爲贖罪祭。上所獻者，即在恒獻燔祭禮物灌酒之外。二日必獻牡犢十二，牡綿羊二，未盈歲之羔十四，純潔是務。爲各牡犢牡綿羊及羔各獻禮物，酒以灌奠，依其核數，俱循常例。更獻山羊之羔一，爲贖罪祭。上所獻者，即在恒獻燔祭禮物灌酒之外。三日必獻牡犢十一，牡綿羊二，未盈歲之羔十四，純潔是務。爲各牡犢牡綿羊及羔各獻禮物，酒以灌奠，依其核數，俱循常例。更獻山羊一，爲贖罪祭。上所獻者，即在恒獻燔祭禮物灌酒之外。四日必獻牡犢十，牡綿羊二，未盈歲之羔十四，純潔是務。爲各牡犢牡綿羊及羔各獻禮物，酒以灌奠，依其核數，俱循常例。更獻山羊之

羔一爲贖罪祭，上所獻者，即在恒獻燔祭禮物灌酒之外。五日必獻牡犢九，牡綿羊二，未盈歲之羔十四，純潔是務。爲牡犢、牡綿羊及羔，各獻禮物，酒以灌奠，依其核數，俱循常例。更獻山羊一，爲贖罪祭，上所獻者，即在恒獻燔祭禮物灌酒之外。六日必獻牡犢八，牡綿羊二，未盈歲之羔十四，純潔是務。爲牡犢、牡綿羊及羔，各獻禮物，酒以灌奠，依其核數，俱循常例。更獻山羊一，爲贖罪祭，上所獻者，即在恒獻燔祭禮物灌酒之外。七日必獻牡犢七，牡綿羊二，未盈歲之羔十四，純潔是務。爲牡犢、牡綿羊及羔，各獻禮物，酒以灌奠，依其核數，俱循常例。更獻山羊一，爲贖罪祭，上所獻者，即在恒獻燔祭禮物灌酒之外。八日必有會，是日爲大，咸止工作，必以牡犢一，牡綿羊一，未盈歲之羔七，純潔是務。獻爲燔祭，取其馨香，以奉事我，爲牡犢、牡綿羊及羔，各獻禮物，酒以灌奠，依其核數，俱循常例。更獻山羊一，爲贖罪祭，上所獻者，即在恒獻燔祭禮物灌酒之外。值節期時，必以今所言之燔祭禮物灌奠之酒，酬恩之祭，獻我，即在許願樂輸之外。摩西告以色列族，俱循耶和華命。

摩西告以色列族長曰：耶和華命，如人指耶和華而許願，或發誓以自戒，則言出惟行，信不可失。若女年幼，尚在父家，指耶和華而許願以自戒，其父聞言，默然無語，則所許之願自戒之言必行。如父不允，則所許之願，所言之戒，俱不可行。父既不允，耶和華將釋之。如已適人，而造次許願以自戒，夫聞默然，則所言必行。如夫不允，則所許之願，自戒之言俱廢。耶和華將釋之。如發婦棄婦許願自戒，則必行之。如婦在夫家，許願發誓以自戒，夫聞默然，不之禁禦，則所言必行。

如夫聞而廢之，則所許之願，自戒之言，不必行。夫既不允，耶和華將釋之。婦許願發誓，卑以自牧，夫可使之立，亦可使之廢。如夫日無所語，則婦許願以自戒必行，倘聞而默然，是使之立也。如夫聞言而廢之，必負其罪。以上所載，乃耶和華命摩西者，言女幼時，未于歸，爲父所治，既適人，爲夫所治，其例若此。

耶和華諭摩西曰：汝爲以色列族報仇，罰米田人，而後返本。摩西告民曰：汝必備戰，攻擊米田人，使耶和華怒米田人之憤可洩。於以色列族中，各簡一千人備戰。於是以色列族中，臨陳者各支派一千人，總計一萬二千，預備以戰。摩西遣之，又遣祭司以利亞撒子非尼哈執聖器，吹號角，與米田人戰，遵耶和華諭摩西之命，殺其丁男，更殺米田五王，以未哩、金蘇耳、戶耳哩、巴及庇耳子巴蘭均殲以刃。以色列人奪其妻孥，攘其牛羊，掠其貨財，城垣閭里，燬之以火，貨財什物，劫之以歸。以所得之人與物，攜之至摩押平原。約但河濱，耶利哥相嚮，建營之所。見摩西及祭司以利亞撒，與以色列會衆。摩西及祭司以利亞撒，暨諸會長，出營以迎。千夫長、百夫長，及全軍之統轄，既戰而歸。摩西見之，怒甚，曰：奚拯衆婦，存其生乎？彼從巴蘭之言，誘以色列族，逆耶和華，服役於比耳。故耶和華降災於會衆，令所得之幼稚中，諸男當殺，與人同寢，諸婦亦當殺，未與人同寢之女，俾全其生。爾曹居於營外七日，凡殺人捫尸者，及所獲之人，俱蒙不潔，必待三日七日，自滌乃潔。衣、皮、毛、布、木器，亦當使潔。○軍士既戰而歸，以利亞撒告之曰：耶和華所諭摩西者，有定例焉。金、銀、銅、鐵、錫、鉛，不能倣於火，當使經火，然後成潔，亦當滌以去汚之水，如物易倣於火。

者必滌以水，當自澣衣，迨至七日，然後爲潔，可入於營。○耶和華諭摩西曰：汝與祭司以利亞撒暨會長，必核數所得之物，或人或畜，各分爲二：一歸臨陳之戰卒，一歸會衆。臨陳戰卒所得之物，必由其中以徵其貢，無論人驢牛羊五百輪一，奉於祭司以利亞撒，舉而獻我。以色列族所得之物，無論人驢牛羊，與各牲畜，必由其中五十輪一，歸守我會幕之利未人。摩西及祭司以利亞撒，遵耶和華命而行。臨陳而歸所奪之物，計羊六十七萬五千，牛七萬二千，驢六萬一千，未與人同寢之女三萬二千，其半歸臨陳之卒，計羊三十三萬七千五百，徵貢歸耶和華者六百七十五，牛三萬六千，徵貢歸耶和華者七十二，驢三萬有五百，徵貢歸耶和華者六十一人，一萬六千，徵貢歸耶和華者三十二，所歸耶和華者必舉而獻之。摩西給祭司以利亞撒，遵耶和華所諭之命，所虜之物，摩西取其半，歸以色列會衆，計羊三十三萬七千五百，牛三萬六千，驢三萬有五百，人一萬六千，無論人畜，摩西由其中五十輪一，以給守耶和華會幕之利未人，遵耶和華命。○千夫長百夫長及全軍之統轄者，咸就摩西曰：僕等核數所統之戰士，不損一人，故攜禮物歸於耶和華，隨其所有，手劍、指環、耳環、垂項之珠，可爲己命贖罪，於耶和華前。摩西與祭司以利亞撒收其金飾，千夫長百夫長以戰時所得者爲禮物，舉而獻於耶和華，其金計八千三百七十五兩，士卒所得者未獻。摩西與祭司以利亞撒取千夫長百夫長所獻之金，攜入會幕，置耶和華前，爲以色列族之記錄。

第三十三章 流便支派、伽得支派、牲畜成羣，見牙設基列二地，堪爲遊牧之所，乃就摩西及祭司

以利亞撒暨諸會長前曰：亞大錄底本牙設寧喇希實本以利亞利示班尼破庇穩斯地也。卽耶和華助以色列族所取者，堪爲游牧之所。僕等有羣畜，倘得沾恩，請以斯地錫我爲業。毋庸我渡約但。摩西曰：汝同濟往戰，汝俱安坐於此乎？奚使以色列族喪膽，致耶和華所錫之地不能得濟？昔在迦鐵巴尼亞，我遣爾祖窺察斯土，至以實各谷，既見其地，則使以色列族喪膽，皆不欲往。詣耶和華所賜之地，今爾所行亦若是。當斯時也，耶和華甚怒，矢之曰：出埃及之有衆，自二十歲以上者，既不竭忠從我，故所誓亞伯拉罕以撒雅各之地，必不能得。惟基尼洗人耶孚尼子迦勒嫩之子約書亞竭忠從我，則可得焉。耶和華甚怒，使以色列族遊於曠野，歷四十年，迨及斯代之民，違逆耶和華者，尸骸消滅。今爾繼祖，恆爲犯罪之人，使耶和華怒以色列族愈甚。如爾仍不信從，則耶和華必遺以色列族於野，亡斯有衆。對曰：我必爲羣畜作羊牢，爲幼稚建邑垣，使幼稚居於邑垣，免爲斯土之民所害。我必預備以戰，不居以色列族後，導入其所。我不欲歸，迨以色列族各得其業。我在約但，既能取其東隅，不欲得其西境。摩西曰：如爾濟約但河，預備以戰，遵耶和華命，迨驅其敵，取其地，然後旋歸，仍於此得業，則在耶和華及以色列族前，爾可無辜。不然，則干犯耶和華罪，必有歸，爾當知之。爾所言必行，爲羣畜作羊牢，爲幼稚建城垣，可也。伽得支派，流便支派，對摩西曰：僕等將遵主命，妻孥牛羊，必留於基列邑中。僕等濟河，預備以戰，遵耶和華命，從我主所言。摩西告祭司以利亞撒，嫩之子約書亞，及以色列支派最著者曰：如伽得支派，流便支派，與爾有衆，濟約但河，預備以戰，據有其地，遵耶和華命，則必以基列賜之爲業。不然，僅得業於迦南。

而已。伽得流便二支派對曰：耶和華所命，僕將遵行。我必濟河，至迦南地，遵耶和華命，預備以戰，惟欲得業於約但東。摩西以亞摩哩王西宏巴山王疆之地，及境內之邑垣鄉里，俱給伽得支派。流便支派、約瑟子馬拿西支派之半。○伽得人建置邑垣，卽底本、亞大錄、亞羅耳、押律、說反、雅設、約庇哈、伯寧喇、伯哈蘭，亦作羊牢。流便人建希實本，以利亞利、基烈亭、尼破巴力，免悉馬有易其名者，有仍其舊者。馬拿西子馬吉之後裔，往基列，驅逐亞摩哩人，而據其地。摩西卽以其地錫之，使處其中。馬拿西子睡耳取諸鄉里，稱之爲哈物睡耳。挪巴取基納，與其鄉里，稱之爲挪巴。

左正月之望，踰越節之明晨，以色列族離蘭塞，雖爲埃及人所目擊，毫無畏意。以耶和華會於埃及，及敗其上帝，戮其長子，而埃及人治其葬事故也。以色列族自蘭塞過征，張幕於數割自數割過征，張幕於以籐近野，自以籐過征，而返其旆，於比哈希綠巴力洗分相對之所，蜜奪前張幕，自比哈希綠過征，經海而行，歷程三日，至以籐之野，張幕於馬刺自馬刺，至以林，遂張幕焉。在彼有水泉十二，瓊樹七十，自以林而往，附紅海，張幕離紅海，張幕於汎野，自汎野過征，張幕於脫迦，自脫迦，張幕於亞綠，自亞綠，張幕於哩非，停在彼無水可飲，乃離之，他往於西乃野，張幕自西乃野過征，張幕於乞律夏大法，自彼至哈西錄，遂張幕焉。自哈西錄過征，張幕於勒撒，離勒撒，張幕於基希拉，大離之於臨門，帕烈自此而往，張幕於立拿，自立拿過征，張幕於勒撒，既離勒撒，張幕於基希拉，大離之過征，張幕於沙百山，離山而行，張幕於哈喇大，自哈喇大過征，張幕於馬希錄，自馬希錄，張幕於

大哈自大哈邁征，張幕於大喇自大喇邁征，張幕於蜜迦自蜜迦邁征，張幕於哈摩拿自此而行，張幕於摩西錄，自摩西錄邁征，張幕於庇尼雅干自此而行，張幕於曷哈及甲自此邁征，張幕於約巴大自約巴大邁征，張幕於以破拿，自以破拿邁征，張幕於以旬迦別自此而往，張幕於汎野，卽迦鐵離迦鐵，張幕於何耳山，近以東界，以色列族出自埃及，及歷四十年，五月朔，祭司亞倫、迦耶和華命、陟何耳山而死，壽一百二十三歲。當時亞臘王居於迦南之南境，聞以色列族至其國，以色列族離何耳山，張幕於薩摩拿，自薩摩拿，張幕於部嫩，自部嫩，張幕於阿泊，自阿泊，張幕於以雅亞巴林，近摩押界，自此而往，張幕於底本，得自底本，得張幕於亞門特拉太音，自此而往，張幕於尼破前，亞巴林山，離亞巴林山，張幕於摩押平原，約但河旁，耶利哥相對之所，沿河建營，自伯耶西末起，至摩押平原，亞伯示亭止。○在彼耶和華諭摩西曰，告以色列族云，汝渡此河入於迦南，必驅居民，凡勒像於碑，及鎔鑄之偶像，汝必壞之，毀厥崇邱，必取其地而居之，蓋我以斯土賜汝爲業，汝必掣籤分地，按爾戶口，人寡則給地亦多，人寡則給地亦減，各隨所掣之籤，循其世系，得此恒業。斯土之衆，爾不驅逐，則其遺民，必爲爾目中之刺，肘下之棘，困苦爾於此。我素欲降罰於彼，今之待爾亦將如是。

耶和華諭摩西曰，告以色列族云，汝今將入迦南，得其四境爲業，爾之邊隅，南至汎野，近於以東，自此而東，沿及鹽海，造其極處，爾之南境，環繞亞克拉濱山，延至於汎，自此而南，至迦鐵巴尼亞，哈薩亞達及押門，自押門沿至埃及河，出於大海，爲爾南境，爾境之西，卽以大海爲

限自大海而往至何耳山，又至哈末延及西撻，至於錫分哈薩，以難爲爾北境，自哈薩以難而往，至於示番延，至立拉及河源之東，至基尼烈海東濱，沿約但河，至於鹽海，爲爾東境，爾之四境卽此。摩西告以色列族曰：「耶和華以斯錫於九支派，及支派之半，掣籤而得之，惟流便伽得二支派，及馬拿西支派之半，循其世系，已得其業，在約但東，耶利哥相對之處。」耶和華諭摩西曰：「爲爾分業者，祭司以利亞撒嫩之子約書亞，及各支派之牧伯，猶大支派，耶孚尼子迦勒，西面支派，亞米忽子示母利，便雅憫支派，其斯倫子以利撻，但支派之牧伯，約利子布基，約瑟子馬拿西支派之牧伯，以佛子漢業，以法蓮支派之牧伯，拾但子基母利，西布倫支派之牧伯，帕納子以利撒番，以薩迦支派之牧伯，押散子巴鐵亞，設支派之牧伯，示羅米子亞希忽，納大利支派之牧伯，亞米忽子比大黑。」以上所載，卽耶和華命，以迦南地分以色列族爲業者。

第三十五章 在摩押平原，約但河濱，耶利哥相對之處，耶和華諭摩西曰：「告以色列族於其所得之地，以邑郊賜於利未人，其人民則處於邑中，其牛羊六畜與凡所有，則歸於郊，所賜於利未人者，邑垣而外，四周一百丈爲郊，郊外之地，東西南北，各二百丈，邑在其中，此卽邑郊之丈數也。利未人所得之邑郊，其中必有六邑，爲遁逃之藪，使誤殺人者可遁於彼，外此更得邑四十有二，蓋利未人所得之邑郊，共四十有八。以色列族所得之地，必於其中賜邑於利未人，視得地之大小，爲賜邑之多寡，各循所得之業而給焉。」○耶和華諭摩西曰：「汝告以色列族云：『汝渡約但河，入迦南地，時必簡邑，爲遁逃之藪，使誤殺人者，可遁於彼，殺人者，未見鞠於會衆，而被殺之戚屬欲報』」

其仇則可遁於斯邑，不致死亡。利未人邑中，必有六邑爲遁逃之藪。約但東三邑，迦南地三邑，凡以色列族與賓旅誤殺人者，可遁於斯。若以鐵器擊人至死，是誠殺人者，必死毋赦。若擲石擊人至死，是誠殺人者，必死毋赦。若以木器擊人至死，是誠殺人者，必死毋赦。被殺之戚屬，可報其仇。遇卽殺之若蓄怨而刺人，或伏要而射人，或生釁而手擊人，置人於死地，是誠殺人者，必死毋赦。被殺之戚屬，遇卽殺之，如毫無釁隙，而猝然刺及，或非伏要，而以物相射，或不見而擲石，致人於死，本非結讎，不欲害人，則會衆必於殺人報仇者之間，循例而剖析。救殺人者，脫於報仇者手，旣遁於遁逃之藪，必使居彼，以待受聖膏之祭司長終，則無故焉。如殺人者出遁逃之邑郊，報仇者在外遇而殺之，則罪不之及。蓋殺人者當居遁逃之藪，待祭司長死，後返其故土可也。以此著爲定例，歷世勿替，隨往勿易。凡殺人者，有人爲證，必死毋赦。證人惟一則不可。殺人者不得以金贖，必死毋赦。祭司長未死，而殺人者欲以金贖，離遁逃之藪，歸其故土，亦不可。如殺人命，則污曠斯土，殺人者未償命，則污仍不去。我耶和華居以色列族中，故不可加以污曠。

第三十六章 約瑟曾孫馬拿西孫馬吉子基列後裔之最著者，就摩西及以色列族長之最著者，告之曰：耶和華諭我主，用掣籤之法，以斯土賜以色列族爲業，亦命我主，以我戚屬西羅非哈之業，予其女。如適以色列支派之人，則其業爲他支派所得，而我祖之遺業歸於他人。值以色列族禧年，則女之業必歸於所適支派，而我祖之業必將少減。摩西遵耶和華命，告以色列族曰：約瑟支派之人所言甚善。耶和華命曰：西羅非哈女任其適人，惟擇同祖支派之人則可。如是以色

列族之業，不得由此移彼。各支派之人，守祖遺業。凡女有業，必適於同族之人，使以色列族各守厥祖之遺業。業不得由此移彼。以色列族各支派，必守其業。西羅非哈女馬拉得撒、曷拉密、迦挪亞、遵耶和華所諭摩西之命。適叔伯之子約瑟子馬拿西世系。如其業爲本族所守。以上所載，則於摩押平原。約但河濱，耶利哥相對之所。耶和華所命摩西，告以色列族之律例也。

以色利法... 殺人者... 必死... 律法... 必死... 律法... 必死...

至父是... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

律法... 必死... 律法... 必死... 律法... 必死...

申命記

○約但東濱之野，紅海直出之谷，卽巴蘭陀弗拉班哈洗錄底撒哈間。摩西傳命於以色列族，來自何烈道，由西耳至迦鐵巴尼亞。歷程十有一日，出埃及後四十年十一月朔。摩西循耶和華命，諭以色列族。先是摩西殺亞摩哩王西宏，居于希實本者，亦殺巴山王，王疆居於以得來及亞大綠者。今在摩押地。約但東，摩西以耶和華命示以色列族，曰：昔在何烈山，我之上帝耶和華諭我云：爾久居此山，可返旆，遄征至亞摩哩山，及其鄰近之平原陵谷，亦往南行，至於海濱，入於迦南，延及利巴嫩，抵百辣河。昔我誓以斯土與爾祖亞伯拉罕，以撒雅各，爰及苗裔，今地俱在爾前，可入而得之。○當時我嘗有言，爾之上帝耶和華，旣使爾昌熾，如天星之衆多，我無所能獨當斯任，願爾祖之上帝耶和華，踐其前言，錫嘏於爾，增益民數，較之於今，更多千倍。然民多爭競，其責甚重，我難獨任，可於支派中，簡爾所識，智慧獨具者，我立之爲長，治理爾曹。爾曹乃對曰：斯言甚善，我遂於支派諸長中，簡智慧之人，衆所識者，立爲牧伯，千夫長，百夫長，五十夫長，十夫長，治理爾曹。我命士師云：聽訟於宗族賓旅間，以正理爲折中，鞫事屬上帝，汝鞫人時，毋行偏視，無論尊卑，必聽其訟，不可畏人，如事關重大，則告於我，我爲剖析於斯時也。我以爾所當行者，明告於爾。○厥後，我儕遵我上帝耶和華命，自何烈，遄征，經歷曠野，其境甚廣，其形可畏，道由亞摩哩山，至迦鐵巴尼亞。當時我告爾曰：我上帝耶和華，以亞摩哩山賜我，今至其境，我祖之上帝耶和華，踐其前言，錫土於爾，當前往得之，毋驚毋畏。爾曹來前，告我曰：我將遣使，往探其地，返可復我，當由

何道當至何邑。我善其言，簡於各支派中，共十有二人，彼卽旋踵登山，至以實各谷，窺察其地，取其土產，以復於我。曰：我上帝耶和華所賜者，膏腴之壤也。乃爾曹違逆上帝耶和華命，不欲前往。爾在幕中者，嘖有怨言，曰：耶和華憾我，故導我出埃及，付於亞摩哩人，以殲滅我。我同儕使我喪膽，言斯土之民較我軀幹雄偉，城垣廣大，高可參天，在彼有亞納子，我何能往。我特諭爾曰：毋戰慄，毋畏蒞。爾之上帝耶和華爲爾先導，助爾爭戰。昔在埃及，輔翼爾衆，爾所目擊，今亦必如是。又在曠野，由爾所經之道，至於斯土，爾上帝耶和華提抱爾，如人之懷赤子，爲爾所見。汝之上帝耶和華先爾過征，以擇建營之所，爾所當歷之程，蒙其指示，晝則導以雲，夜則導以火，豈不當信乎。耶和華聞爾言，震怒特甚，矢之曰：昔我以腓瑣誓與其祖宗，斯代之民素惡，必弗能得。惟耶孚尼子迦勒竭忠從我，則可得見其所履之地，我將錫之，爰及子孫。當時耶和華緣爾故怒我，曰：爾不可入斯土。惟侍爾側者，嫩之子約書亞可入，當強厥志，使輔翼以色列族，以得斯業。當時耶和華亦諭爾曰：爾之子女幼稚，不能別善惡，爾曾言必爲敵所擄，我則錫以斯土，使彼入而得之。惟爾曹當返旆，道由紅海，詣曠野以過征。時爾曹對曰：我曾違逆我上帝耶和華，今遵其命，前往以戰。維時各執器械，備以登山。耶和華命我，普告於衆，曰：耶和華不佑爾，勿往以戰，恐敗於敵。我以告爾，爾不聽從，違逆耶和華，擅自登山，居山之亞摩哩人出，驅逐爾曹，勢若蜂擁，遂致敗績。自西耳山至於易馬爾，乃返旆，哭於耶和華前，不蒙垂聽。當時居於迦鐵，非止一日。

第二章 我儕反旆過征，道由紅海，適於曠野，環繞西耳山，歷日已久，遵耶和華命。耶和華諭我曰：

爾環行此山久矣，必旋踵北行，當告民曰：汝之同族以掃子孫居於西耳，爾經斯土，彼必畏懼，惟汝謹慎，勿與戰爭，卽其尺土，我不汝給，乃以西耳山賜以掃爲業，汝所食之糧，所飲之水，必以金市。蓋爾所爲者，蒙爾上帝耶和華錫嘏，爾行曠野，歷四十年，爾之上帝耶和華，導爾佑爾，使無缺乏。於是我儕離我同族，卽以掃子孫居於西耳者，道由平原，自以辣及以旬迦別，旋踵前往，經摩押野。耶和華諭我曰：勿擾摩押人，與之戰爭，其地非爾所得，蓋我以亞耳賜羅得後裔爲業。昔以米人居彼，斯民衆多，軀幹雄偉，如亞納人然，或稱之爲哩乏音，惟摩押人稱之爲以米。在昔何林人亦居西耳，爲以掃子孫所滅，據有其地，以色列族之地，蒙耶和華所錫者，事亦相同。耶和華亦諭我曰：爾起，渡西勒溪，我遵命而行。昔自離迦鐵巴尼亞時，至渡西勒溪時，三十有八年，於斯時也，斯代之軍士，尸骸消滅，應耶和華所矢之言，蓋耶和華攻之，使之喪亡，尸骸消滅，武士殞沒，絕於民中之後。耶和華諭我曰：今爾當經摩押邊隅之邑亞耳，行近亞捫族，勿擾之，勿與戰爭，其地非汝所得，蓋我以之錫羅得後裔爲業。昔在斯土，爲哩乏音所居，亞捫人稱之爲三送冥，其軀幹雄偉，如亞納人然，惟耶和華滅之，亞捫人據有其地，如以掃子孫居於西耳者，昔蒙耶和華輔翼，翦滅何林人，據有其地，事亦相同。又有一族，稱亞英者，所居之地，自哈洗林至亞薩，甲托民滅之，據有其地。耶和華亦諭我曰：爾起，過征，渡亞嫩河，我以亞摩哩王西宏付於爾手，其都在希實本，汝可與戰，而得其地。天下邦國，旣聞爾名，我必使之畏爾，戰慄悚惶。○時在基底莫野，我遣人至希實本，以善言告其王西宏曰：爾盍容我經爾地，我必由大道，不偏於左，不偏於右，我所食之糧，